

**IULII CASTELLANI  
FAUENTINI DE  
HUMANO  
INTELLECTU LIBRI  
TRES**

---

Giulio Castellani






14  
6  
E  
22

~~XXVII 23~~


28.C-





AD COSMVM  
MEDICEM  
FLORENTINORVM,  
AC SENENSIVM DVCEM  
PRAESTANTISSIMVM,  
IVLII CASTELLANII FAVENTINI  
De Humano Intellectu libri tres.

BIBLIOTECA NAZ.  
ROMA  
VITTORIO EMANUELE



Bononiae apud Alexandrum Benaccium.

M D L X I.

AB COGN  
M F D C E M

FLORENTINORVM  
ACADEMIAE  
IN CASTELLANI PAVENTINAE  
Dilectissimis



Reverendissimi

COSMO MEDICI  
FLORENTINORVM, AC  
SENESENSIVM DVCI  
PRAESTANTISSIMO

Iulius Castellanius Fauentinus

P. D. F.



VM multa sint in Philoso-  
phia, PRAESTAN-  
TISSIME COSME,  
& grauia, & utilia accurate,  
copioseq; à Philosophis pertra-  
ctata, maxime omnium magni-  
fica, & salutaris uidetur esse de Mente Humana  
disputatio. Nam cum is locus totam Philosophiam  
summopere illustrat: tum ad firmandam fidem, et pie-  
tatem erga Deum pulcherrimus est, & ad moderan-  
dam religionem necessarius; eaq; nisi, quæ huc per-  
tinent, recte diiudicentur, in summo errore, necesse  
est, hominem, atque in maximarum rerum ignoratio-  
ne uersari. Quamobrem illud iam tritum à Del-  
phico præceptum Apolline, NOSCE TE  
IPSUM, toties à Platone celebratur, itaq;  
Primo in Alcibiade exponitur, ut animum nostrum,

ac huius præcipue partem, in qua uirtus, intelligentiæq; residet, diligenter intueri, considerare, & agnoscere debeamus: quod hæc sit hominis summa sapientia, ut se ipsum ignorare, est summæ dementiæ. Caterum, ut aliorum nunc scholas prætermittens de Aristotelis philosophia, quæ est longè omnium nobilissima, sermonem habeam, uniuersam eam mihi peruertere, ac inquinare uidetur, qui hanc perperam partem, & negligenter tractauerit. In quem sanè errorem delapsi sunt quàm plurimi homines non leuiter eruditi, qui celeberrimi huius Philosophi opinionem de hac re interpretari uoluerunt. Quanquam enim is locus à tota Peripateticorum familia tractatus fuit uberrimè; adhuc tamen (meo quidem iudicio) non admodum exploratè percepta est, nec satis apertè doctissimi hominis, & Philosophorum facile principis explicata sententia. Quamobrem decreui ego, **SAPIENTISSIME DVX**, ea mandare literis quæ sentirem de hac re, cum superiori hyeme ad philosophandum & otij, & temporis mihi tantum esset, quantum appetere debebam. Nec me deterruit copia librorum, qui de eadem materia à nobis græcè; latineq; legantur, cum quia hic fuit mos patris philosophorum, ut eadem tractarentur à multis neque



neque iuniores Academicos, Stoicos, Peripateticos, et Epicuros unquam à scribendo tardarent, quæ eadem prius ab eiusmodi seclæarum sententibus & copiose, & eleganter disputata fuerant; ex quo libris planè omnia referferunt, nec non Philosophia ex humili loco ad summum & dignitatis, & laudis gradum peruenit: tum præterea, quòd multi interpretum Latinorum libri (ut de istis præsertim loquar) neque distinctè, neque distributè, neque eleganter, neque ornate de hac re scripti esse uidentur; ex quo profecto censueris eorum auctores intemperanter abusos fuisse & otio, & literis. Iam uerò, cum honesta, satisq; laudabili ratione motus latere nollem hos meos commentarios, Tibi eos potissimum (qualescunque essent) dicandos, **ILLUSTRIS SIME COSME**, atque in diuino ac immortalis nomine tuo duabus maxime de causis emittendos esse duxi. Primum, quòd ego incredibili ardebam desiderio Tibi significandi maximam meam erga Te pietatem & obseruantiam, quæ mecum semper adoleuit in me à pueris orta, postquam ex parentibus sæpe meis audiui, Petrum Nicolaum patrum meum, eruditissimum illum uirum, atque Philosophiæ, & aliarum bonarum artium studio præstantissimum, Maio  
rum

rum tuorum singulari eximiatq; uirtute hominum Studio-  
sissimum semper fuisse, & illis carissimum, quo  
tempore maxima cum sui laude & gloria Pisis Phi-  
losophiam publicè profuebatur; ac deinde suos pul-  
cherrimos de animorum nostrorum immortalitate li-  
bros Clementis VII. & II. ex clarissima gente  
Tua summi Pontificis, nomini consecrasse, & ab eo  
sanctissimo ac beatissimo uiro egregijs sanè laudibus  
honestatum, et summis amplificatum honoribus fuisse.  
Alterà uerò causa me impulit, quoniam hanc meam  
de Humana Mente disputationem proprio Tibi iur-  
re deberi intelligebam: quippe qui omnibus Claris-  
simis uiris, qui sunt, fuerunt, erunt, mente, uirtute  
scilicet, ac sapientia præstas. Nam quanta æquita-  
te animi, atque modestia (ut à primis laudibus Tuis  
capiam exordium) quamuis tunc decimum et octauum  
annum uix ageres, ad rei Florentinorum publicæ gu-  
bernationem à tuis ciuibus uocatus accessisti? Quàm  
uirili constantia, sapientiæq; consilio præclarum deinde  
imperium, quod Tibi summa Dei prouidentia da-  
tum esse, iam diuinaueras, quanquam maximæ au-  
thoritatis uiri te ad deponendum illud hortabantur,  
cunctis animi, & corporis uiribus tueri, & conser-  
uare uelle, significasti? Quàm incredibili pruden-  
tia,



ua, quàm celeritate mirabili paucis post mensibus  
eadem penitus nocte, et hora ad Montem Murlum,  
Bactianamq; Abbatiam, satis inter se distantes lo-  
cos, inimicorum ciuium, qui conspirauerant contra  
dignitatem tuam, impetum præuenisti? profligasti  
copias, & occidisti? tanti facinoris principes aucto-  
resq; coepisti? seditiosorum, ac turbulentorum homi-  
num vires penitus fregisti? & clandestinum bellum  
aduersus Te commotum, graue sanè, & periculo-  
sum extinxisti? Quid autem loquar de maxima huma-  
nitate ac benignitate tua in multos exules eodem bello  
captos, qui, cum ob nefarium ab eis patratum scelus  
digni etiam essent morte nefaria, admirabilis clemen-  
tiæ tuæ iudicio sunt conseruati? Quid iterum dicam  
de ea inusitata inauditaq; clementia, qua alios tot  
exules, & relegatos ante ab Alexandro agnato  
Tuo, Principe sanè magnanimo, atque fortissimo,  
in patriam restituisisti; eosq; ueteris oblitus iniuriæ  
perpetuò fouendos, et honestandos suscepisti? Quid  
ponam ante oculos nouas abs Te fundatas urbes, mu-  
nitas priscas & instauratas, nouas erectas, atque  
constructas arces, nouas colonias abs Te deductas,  
suppletas ueteres, noua concilia coetusq; hominum  
singulari eximiaq; uirtute tua sociatos? Quid alte-  
rum

rum nunc Senense bellum commemorem tam magno,  
prudentiꝫ consilio à Te susceptum, & ita prospere  
feliciterq; confectum? In quo superato à Te, atque  
prostrato fortissimo viro, ac summo Imperatore, per  
petuo illo, acerrimoq; hoste tuo, qui tam magnis  
copijs uniuersam premebat Etruriam, ac imperium  
tuum summum in periculum atque discrimen adduxe-  
rat, eam Tibi laudem, & gloriam comparasti, quæ  
cum maximorum omnis memoriæ Imperatorum, &  
clarissimorum Regum rebus gestis facile conferri  
possit; atque non solum nostris; sed penè omnium  
gentium literis, ac linguis celebrari debeat. Atque  
hæc à me hucusque dicta nisi quiuis ita magna esse fa-  
teatur, ut ea uix mente nostra aut cogitatione perci-  
pi possint, amens sit. Verùm in Te maiora sunt alia,  
**MAXIME DVX**, quibus multò ma-  
ioribus etiam dignus es laudibus. Immo uerò illa,  
quæ mox dicturus sum, eam Tibi gloriã pepererunt,  
in qua socium habuisti neminem, cuius nullam omnino  
partem centurio, nullam præfectus, nullam cohors,  
nullam sibi prorsus illa ipsa rerum humanarum domi-  
na fortuna uendicare potest: sed eiusmodi gloria,  
quæ certe maxima est, tua tota, & propria censen-  
da est, tota est tuarum singularium, ac prope diuina-  
rum

rum uirtutum fructus. Eæ porro illæ sunt, quas Plato sapientissimus uir, atque diuinus Principem optimum, & hominibus colendum, ac summo Deo carum efficere prædicauit, rei inquam familiaris, ac publicæ regendæ prudentiam, temperantiam, atque iustitiam. Quæ quidem tres longè omnium uirtutes clarissimæ in Te uno summæ sunt, **EXCELLENTISSIME COSME**, easq; ita semper amplexus fuisti, coluisti, exercuisti, ut nusquam nec priuatus homo, nec princeps res domesticas Te melius tueatur, & lautius; neque ulla alia in toto terrarum orbe respublica nobili Florentinorum, Senensiumq; natione administrata prudentius, nec melioribus temperata institutis, ac legibus esse dicatur, ac præterea neminem habeas (quæ tertia tua est summa laus, & immortalis) qui in moderandis cupiditatibus, & regendis animi motibus Tecum comparari queat: quippe qui maxime omnium noueris, neminem moderari alios, et in officio satis continere posse, qui se ipsum ante moderari, & continere non didicerit; nec non temperantiam conseruatricem ueluti quandam esse prudentiæ, & iustitiæ altricem, ac omnium, quæ fiunt, quæque dicuntur, præclarum sane modum, & ordinem. Hinc sanctitas, omnis

†† hinc



hinc religio, hinc tuus extitit erga Deum Opt. Max.  
ac cæteras beatas mentes incredibilis amor et pietas.  
Ideo Te iure meritò exteræ nationes & gentes; non  
modò nostræ, summis efferunt laudibus, Teq; unum;  
ueluti clarissimū iustitiæ lumen, & speculum, ac opti-  
mi principis exemplar de cœlo lapsum, intuētur, admi-  
rantur, & colunt. Soleo sæpe ego, **MAGN. A-**  
**NIME COSME**, alios familiæ tuæ pru-  
dentissimos, & clarissimos uiros, Pontifices, Car-  
dinales, Duces, Imperatores, ac illud Præstantissi-  
mi Patris Tui immortalitate dignum ingenium mihi  
ante oculos ponere, eorumq; uirtutes eximias, & lau-  
des contemplari, quæ perpetua historiarum memo-  
ria sunt celebratæ. Sed in illis me hercle non fuit tan-  
ta prudentia (summam obsecro modestiam Tuam,  
ut me liberè, quæ uera sunt, loqui patiatur) non fuit  
tanta grauitas, tanta constantia, tanta innocentia,  
tam mira facilitas, tanta temperantia, tam acre, &  
magnum ingenium, tam incredibilis probitas, tanta  
fides, tam excellens denique in omni genere uirtus, ut  
maior atque perfectior in Te à prudentibus uiris cer-  
ni non possit. Illi quidem suis egregijs uirtutibus  
omnem laudem uicerant superiorum: Tu uerò incre-  
dibili Tua, diuinâq; sapientia omnem Maiorum  
Tuorum

Tuorum gloriam longè superasti : Vnde illud etiam  
affirmari possit, certè non absq; diuino numine Tibi  
præclarum adeo nomen ab initio impositum fuisse :  
quippe qui futurus eras totius orbis splendor & or-  
namentum : nec ulli mirum uideri debeat ; si hucusque  
ope auxilioq; eiusdem Dei, in cuius tutela es, tam sæ-  
pe paratas Tibi ab improbis hominibus insidias ui-  
taueris, totq; coniurationes prius manifestè depre-  
henderis, quàm conflata ab inimicis tuis, & ad exi-  
tum perductæ essent : si ex **E LEONORA**  
maximè illustri atque clarissimo in Hispanijs To-  
letanorum Principum sanguine orta, singulari qui-  
dem fide, honestate, ingenio muliere, Tibi à **CA-**  
**ROLO V.** Summo, ac Optimo Imperatore in  
matrimonium collocata, tot magnanimos, ac pulcher-  
rimos filios habueris, & præcipue **FRAN-**  
**GISCVM PRINCIPEM, IO-**  
**ANNEMQ; CARDINALEM**  
eximia spe summæ uirtutis adolescentes, qui ob excel-  
lens utriusq; ingenium, & quòd sunt ueræ quædam,  
ac uiuæ paternæ probitatis imagines, summopere ab  
omnibus diliguntur, & obseruantur, ac Tibi sunt  
uita ipsa iucundiores. Neminem præterea mirari o-  
portet, si Te cæteri omnes Europæ Principes tanti-

✠✠ ij faciunt

faciunt , tantumq; tribuunt iudicio tuo grauissimo  
& maximo : Si anno præterito PIVS III.  
PONTIFEX MAX. Te Romæ  
præsentem uidere , Te amplexari tanta humanitate ,  
tanta mansuetudine , Tecum manere , suauißimos  
Tecum , & grauissimos habere sermones concupiuit ,  
si tam incredibili affectus sit gaudio Tua præsentia ,  
ut huic Sanctissimo homini in maxima felicitate , &  
in summo omnium dignitatum gradu collocato illo ad-  
uentu , eaq; Tua per duos ferè menses in urbe mansio-  
ne nil uisum sit potuisse maius , nihil euenire iucun-  
dus . Tu enim ille es , POTENTISSIME  
DVX , in quem unum Italiæ populi , cæteri-  
q; Principes conuersi lumen animi , ingenij , consilijq;  
Tui ostendi , ac porrigi omnes sibi expetunt . Desi-  
nant iterum mirari homines , si Tibi fuit ad amplitu-  
dinem & gloriam , & ad res magnas bene gerendas  
quædam semper diuinitus adiuncta fortuna , ac si ð  
Deo Opt. Max. tot , & tantas res optare nemo au-  
deat , quot , & quantas Deus Opt. Max. ad Te  
non detulerit , ac maiora indies deferat . Hæc enim  
omnia , quæ extera dicuntur bona , felicitatem Tuam ,  
quæ sita est in præstantissimarum uirtutum actio-  
nibus , cœlesti quadam ui , diuinoq; numine ornant ,

& co-



Et comitantur: siquidem optimum Principem iustè,  
temperatè, prudenter suas gubernantem gentes, ac  
populos, tanquam simulachrum eius sanctissimum,  
perpetuò diligit, tuctur, ac fouet Deus, in eiusq; po-  
testate fortunam ponit, ac beneuolentiam ipsi omnium  
conciliat, Et gratiam, benigneq; semper, Et libera-  
liter omnia largitur ex animi sententia. Hæc igitur  
ca sunt, **BEATISSIME PRIN-**  
**CEPS**, quibus non modò præsens mea disputa-  
tio, sed omnium etiam bonarum artium lucubrationes  
et monumenta proprio Tibi iure quodammodo debentur,  
maximè nimirum Tuæ, clarissimæq; uirtutes,  
quarum difficilius est exitum, quàm principium inue-  
nire: nullius enim tantum est flumen ingenij, nulla di-  
cendi, aut scribendi tanta uis, tantaq; copia, quæ non  
dicam amplificare, sed summas earum laudes enume-  
rare possit. Spero autem, hos meos cõmentarios, cum  
ex Aristotelij fontibus hausti sint, Tibi pergratos  
fore: Tu enim aliter sentis, ac alij multi Principes,  
qui eiusmodi rerum disputationes sibi minime decoras  
putant; quasi oporteat Clarissimorum hominum aut  
tacitos esse congressus, aut ludicros sermones, aut re-  
rum colloquia leuiorum. Immo uerò Tu, **PRU-**  
**DENTISSIME COSME**, Philo-  
sophiam

sophiam optimo, atque amplissimo quoque dignissi-  
mam esse iudicas, & ad regendos populos quam plu-  
rimum huius conferre notionem, multumq; splendo-  
ris et gloriæ ad populares Principum, illustresq; lau-  
des adiungere. Quamobrem magis cum aliarum pul-  
cherrimarum rerum scientiæ, tum Philosophiæ de-  
ditus es, quam; qui studia Tua ignorant, arbitran-  
tur, & grauißimis, ac sanctissimis Philosophorum  
sermönibus maxime delectaris, eosq; magna semper  
beneuolentia amplexus es, fouisti, auxisti, & honesta-  
sti. Quam præclarissimam tenere uiam, perge qua-  
sq; OPTIME omnium PRINCËPS;  
atque, quò diu sis felix, & maiora etiam accipias a  
Deo, prudentiam, ut cœpisti, iustitiãq; cole.

Ad Iulium Castellanium Philosophum  
Antonij Sulphrinij Epigramma.

Dum IULI aureola tuo libello  
Docto (iuppiter) ac pereleganti  
Romano eloquio explicas uetustum  
Magni Aristotelis librum politè,  
Humana ille ubi disputare tentans  
De mente ambigüe fuit locutus,  
Aut Aristoteles tibi ministrat  
Dicta se se animis tuis remiscens,  
Aut Aristotelem nouum uetustæ  
Aetas te tulit æmulata nostra.  
Ast idem aureolo tuo libello  
Dum sensus dubios refellis omnes,  
Et, quæ religio docet uerenda,  
Comprobas pius, impiosq; damnas,  
Et negas animos perire morte,  
Næ mentem superum tibi benignus  
Inspirat Pater ipse ter beatam.  
Hinc Aristoteles tibi ipse cedit:  
Hinc uerè aureolus tuus libellus.

Eiusdem Sulphrinij de eodem.

Humanae uires animæ dum fortè requirit,  
Incidit in tenebras magnus Aristoteles:  
Hisq; diu nox illum, & inextricabilis error,  
Detinet, atque auras ille uidere nequit,  
IULIVS ast hominis sortem miseratus iniquam  
Arte noua illum atris elicit è tenebris:  
Mox humili eductum linquit tellure sub auras,  
Et cœli pennis ardua templa petit.  
Hic uidet ille animæ nostræ immortalis honores,  
Hicq; beatorum præmia magna uidet.  
IULIVS est ne igitur magis hic, an Dædalus alter  
Iàm magno uisus maior Aristotele?  
IULIVS est (fatetur) sed quem contendere contra  
Viribus ingenij Dædalus ipse neget.

AD COM. D. M. F. D. C. M.

FLORENTINORVM

AC SENENTIVM DVCVM

PRÆSTANTISSIMVM

IVLI CASTELLANI FAVENTINI

De Hinc Indignatione



Reverendissimo Patri



COSMO MEDICI  
FLORENTINORVM, AC  
SENENSIVM DVCI  
PRAESTANTISSIMO

Iulius Castellanius Fauentinus

P. D. F.



*U*M multa sint in Philoso-  
phia, PRAESTAN-  
TISSIME COSME,  
& grauia, & utilia accurate,  
copioseq; à Philosophis pertra-  
ctata, maximè omnium magni-  
fica, & salutaris uidetur esse de Mente Humana  
disputatio. Nam cum is locus totam Philosophiam  
summopere illustrat: tum ad firmandam fidem, et pie-  
tatem erga Deum pulcherrimus est, & ad moderan-  
dam religionem necessarius; eaq; nisi, quæ huc per-  
tinent, rectè diducuntur, in summo errore, necesse  
est, hominem, atque in maximarum rerum ignoratio-  
ne uersari. Quamobrem illud iam tritum à Del-  
phico præceptum Apolline, NOSCE TE  
IPSUM, toties à Platone celebratur, itaq;  
Primo in Alcibiade exponitur, ut animum nostrum,

† ij ac

ac huius præcipuè partem, in qua uirtus, intelligentiæq; residet, diligenter intueri, considerare, & agnoscere debeamus: quòd hæc sit hominis summa sapientia, ut se ipsum ignorare, est summæ dementia. Caterùm, ut aliorum nunc scholas prætermittens de Aristotelis philosophia, quæ est longè omnium nobilissima, sermonem habeam, uniuersam eam mihi peruertere, ac inquinare uidetur, qui hanc perperam partem, & negligenter tractauerit. In quem sanè errorem delapsi sunt quàm plurimi homines non leuiter eruditi, qui celeberrimi huius Philosophi opinionem de hac re interpretari uoluerunt. Quanquam enim is locus à tota Peripateticorum familia tractatus fuit uberrimè; adhuc tamen (meo quidem iudicio) non admodum exploratè percepta est, nec satis apertè doctissimi hominis, & Philosophorum facile principis explicata sententia. Quamobrem decreui ego, **SAPIENTISSIME DVX**, ea mandare literis quæ sentirem de hac re, cum superiori hyeme ad philosophandum & otij, & temporis mihi tantum esset, quantum appetere debebam. Nec me deterruit copia librorum, qui de eadem materia à nobis græcè; latineq; legantur, cum quia hic fuit mos patris philosophorum, ut eadem tractarentur, à multis neque



neque iuniores Academicos, Stoicos, Peripateticos, et Epicuros unquam à scribendo tardarent, quæ eadem prius ab eiusmodi seclæarum sentoribus & copiose, & eleganter disputata fuerant; ex quo libris planè omnia referferunt, nec non Philosophia ex humili loco ad summum & dignitatis, & laudis gradum peruenit: tum præterea, quòd multi interpretum Latinorum libri (ut de istis præsertim loquar) neque distinctè, neque distributè, neque eleganter, neque ornate de hac re scripti esse uidentur; ex quo profecto censueris eorum auctores intemperanter abusos fuisse & otio, & literis. Iam uerò, cum honesta, satisq; laudabili ratione motus latere nollem hos meos commentarios, Tibi eos potissimum (qualescunque essent) dicandos, **ILLUSTRIS SIME COSME**, atque in diuino ac immortalis nomine tuo duabus maxime de causis emittendos esse duxi. Primum, quòd ego incredibili ardebam desiderio Tibi significandi maximam meam erga Te pietatem & obseruantiam, quæ mecum semper adoleuit in me à pueris orta, postquam ex parentibus sæpe meis audiui, Petrum Nicolaum patrum meum, eruditissimum illum uirum, atque Philosophiæ, & aliarum bonarum artium studio præstantissimum, Maio  
rum

rum tuorum singulari eximiatq; uirtute hominum studio-  
sissimum semper fuisse, & illis carissimum, quo  
tempore maxima cum sui laude & gloria Pisis Phi-  
losophiam publicè profuebatur; ac deinde suos pul-  
cherrimos de animorum nostrorum immortalitate li-  
bros Clementis VII. & II. ex clarissima gente  
Tua summi Pontificis, nomini consecrasse, & ab eo  
sanctissimo ac beatissimo uiro egregijs sanè laudibus  
honestatum, et summis amplificatum honoribus fuisse.  
Altera uerò causa me impulit, quoniam hanc meam  
de Humana Mente disputationem proprio Tibi iu-  
re deberi intelligebam: quippe qui omnibus Clarissi-  
mis uiris, qui sunt, fuerunt, erunt, mente, uirtute  
scilicet, ac sapientia præstas. Nam quanta æquita-  
te animi, atque modestia (ut à primis laudibus Tuis  
capiam exordium) quamuis tunc decimum et octauum  
annum uix ageres, ad rei Florentinorum publicæ gu-  
bernationem à tuis ciuibus uocatus accessisti? Quam  
uirili constantia, sapientiâ, consilio præclarum deinde  
imperium, quod Tibi summa Dei prouidentia da-  
tum esse, iam diuinaueras; quanquam maximæ au-  
thoritatis uiri te ad deponendum illud hortabantur,  
cunctis animi, & corporis uiribus tueri, & conser-  
uare uelle, significasti? Quam incredibili pruden-  
tia,

ria, quàm celeritate mirabili paucis post mensibus  
eadem penitus nocte, et hora ad Montem Murlum,  
Baetianamq; Abbatiam, satis inter se distantes lo-  
cos, inimicorum ciuium, qui conspirauerant contra  
dignitatem tuam, impetum praeuenisti? profligasti  
copias, & occidisti? tanti facinoris principes autho-  
resq; cepisti? seditiosorum, ac turbulentorum homi-  
num vires penitus fregisti? & clandestinum bellum  
aduersus Te commotum, graue sanè, & periculo-  
sum extinxisti? Quid autem loquar de maxima huma-  
nitate ac benignitate tua in multos exules eodem bello  
captos, qui, cum ob nefarium ab eis patratum scelus  
digni etiam essent morte nefaria, admirabilis clemen-  
tiae tuae iudicio sunt conseruati? Quid iterum dicam  
de ea inusitata inauditaq; clementia, qua alios tot  
exules, & relegatos ante ab Alexandro agnato  
Tuo, Principe sanè magnanimo, atque fortissimo,  
in patriam restituissti; eosq; ueteris oblitus iniuriae  
perpetuò fouendos, et honestandos suscepisti? Quid  
ponam ante oculos nouas abs Te fundatas urbes, mu-  
nitas priscas & instauratas, nouas erectas, atque  
construclas arces, nouas colonias abs Te deductas,  
suppletas ueteres, noua concilia coctusq; hominum  
singulari eximiaq; uirtute tua sociatos? Quid alte-  
rum



rum nunc Senense bellum commemorem tam magno,  
prudentiꝫ consilio à Te susceptum, & ita prospe-  
rè feliciterq; confectum? In quo superato à Te, atque  
prostrato fortissimo viro, ac summo Imperatore, per  
petuo illo, acerrimoq; hoste tuo, qui tam magnis  
copijs uniuersam premebat Hetruriam, ac imperium  
tuum summum in periculum atque discrimen adduxe-  
rat, eam Tibi laudem, & gloriam comparasti, quæ  
cum maximorum omnis memoriæ Imperatorum, &  
clarissimorum Regum rebus gestis facile conferri  
possit; atque non solum nostris; sed penè omnium  
gentium literis, ac linguis celebrari debeat. Atque  
hæc à me hucusque dicta nisi quiuis ita magna esse fa-  
teatur, ut ea uix mente nostra aut cogitatione perci-  
pi possint, amens sit. Verùm in Te maiora sunt alia,  
**MAXIME DUX**, quibus multò ma-  
ioribus etiam dignus es laudibus. Immo uerò illa,  
quæ mox dicturus sum, eam Tibi gloriã pepererunt,  
in qua socium habuisti neminem, cuius nullam omnino  
partem centurio, nullam præfectus, nullam cohors,  
nullam sibi prorsus illa ipsa rerum humanarum domi-  
na fortuna uendicare potest: sed eiusmodi gloria,  
quæ certè maxima est, tua tota, & propria censen-  
da est, tota est tuarum singularium, ac prope diuina-

rum

rum uirtutum fructus. Eæ porrò illæ sunt, quas Plato sapientissimus uir, atque diuinus Principem optimum, & hominibus colendum, ac summo Deo carum efficere prædicauit, rei inquam familiaris, ac publicæ regendæ prudentiam, temperantiam, atque iustitiam. Quæ quidem tres longè omnium uirtutes clarissimæ in Te uno summæ sunt, **EXCELLENTISSIME COSME**, easq; ita semper amplexus fuisti, coluisti, exercuisti, ut nusquam nec priuatus homo, nec princeps res domesticas Te melius tueatur, & lautius; neque ulla alia in toto terrarum orbe respublica nobili Florentinorum, Senensiumq; natione administrata prudentius, nec melioribus temperata institutis, ac legibus esse dicatur, ac præterea neminem habeas (quæ tertia tua est summa laus, & immortalis) qui in moderandis cupiditatibus, & regendis animi motibus Tecum comparari queat: quippe qui maxime omnium noueris, neminem moderari alios, et in officio satis continere posse, qui se ipsum ante moderari, & continere non didicerit; nec non temperantiam conseruatricem ueluti quandam esse prudentiæ, & iustitiæ altricem, ac omnium, quæ fiunt, quæque dicuntur, præclarum sanè modum, & ordinem. Hinc sanctitas, omnis



hinc

hinc religio, hinc tuus extitit erga Deum Opt. Max.  
ac cæteras beatas mentes incredibilis amor et pietas.  
Ideo Te iure meritò exteræ nationes & gentes, non  
modò nostræ, summis efferunt laudibus, Teq; unum;  
ueluti clarissimū iustitiæ lumen, & speculum, ac opti-  
mi principis exemplar de cælo lapsum, intuētur, admi-  
rantur, & colunt. Soleo sæpe ego, **MAGN. A-**  
**NIME COSME**, alios familiæ tuæ pru-  
dentissimos, & clarissimos uiros, Pontifices, Car-  
dinales, Duces, Imperatores, ac illud Præstantis-  
mi Patris Tui immortalitate dignum ingenium mihi  
ante oculos ponere, eorumq; uirtutes eximias, & lau-  
des contemplari, quæ perpetua historiæ memo-  
ria sunt celebratæ. Sed in illis me hercle non fuit tan-  
ta prudentia (summam obsecro modestiam Tuam,  
ut me liberè, quæ uera sunt, loqui patiatur) non fuit  
tanta grauitas, tanta constantia, tanta innocentia,  
tam mira facilitas, tanta temperantia, tam acre, &  
magnum ingenium; tam incredibilis probitas, tanta  
fides, tam excellens denique in omni genere uirtus, ut  
maior atque perfectior in Te à prudentibus uiris cer-  
ni non possit. Illi quidem suis egregijs uirtutibus  
omnem laudem uicerant superiorum: Tu uerò incre-  
dibili Tua, diuinâq; sapientia omnem Maiorum  
Tuorum



Tuorum gloriam longè superasti. Vnde illud etiam  
 affirmari possit, certè non absq; diuino numine Tibi  
 præclarum adco nomen ab initio impositum fuisse:  
 quippe qui futurus eras totius orbis splendor & or-  
 namentum: nec ulli mirum uideri debeat, si hucusque  
 ope auxilioq; eiusdem Det, in cuius tutela es, tam sæ-  
 pe paratas Tibi ab improbis hominibus insidias ui-  
 taueris, totq; coniurationes prius manifestè depre-  
 henderis, quàm conflata ab inimicis tuis, & ad exi-  
 tum perductæ essent: si ex **E LEONORA**  
 maximè illustri atque clarissimo in Hispanijs To-  
 letanorum Principum sanguine orta, singulari qui-  
 dem fide, honestate, ingenio muliere, Tibi à **CA-**  
**ROLO V.** Summo, ac Optimo Imperatore in  
 matrimonium collocata, tot magnanimos, ac pulcher-  
 rimos filios habueris, & præcipuè **FRAN-**  
**GISCVM PRINCEPES, IO-**  
**ANNEMQ; CARDINALEM,**  
 eximia spe summæ uirtutis adolescentes, qui ob excel-  
 lens utriusq; ingenium; & quòd sunt ueræ quædam,  
 ac uiuæ paternæ probitatis imagines, summopere ab  
 omnibus diliguntur, & obseruantur, ac Tibi sunt  
 uita ipsa iucundiores. Neminem præterea mirari o-  
 portet, si Te cæteri omnes Europæ Principes tanti-

†† ij faciunt

faciunt , tantumq; tribuunt iudicio tuo grauiſſimo  
& maximo : Si anno præterito PIVS III.  
PONTIFEX MAX. Te Romæ  
præſentem uidere , Te amplexari tanta humanitate ,  
tanta manſuetudine , Tecum manere , ſuauiſſimos  
Tecum , & grauiſſimos habere ſermones concupiuit ;  
ſi tam incredibili affectus ſit gaudio Tua præſentia ,  
ut huic Sanctiſſimo homini in maxima felicitate , &  
in ſummo omnium dignitatum gradu collocato illo ad-  
uentu , eaq; Tua per duos ferè menſes in urbe manſio-  
ne nil uiſum ſit potuiſſe maius , nihil euenire iucun-  
dus . Tu enim ille es , POTENTIſſIME  
DVX , in quem unum Italiæ populi , cæteriſq;  
Principes conuerſi lumen animi , ingenij , conſilijq;  
Tui oſtendi , ac porrigi omnes ſibi expetunt . Deſi-  
nant iterum mirari homines , ſi Tibi fuit ad amplitu-  
dinem & gloriam , & ad res magnas bene gerendas  
quædam ſemper diuinitus adiuncta fortuna , ac ſi à  
Deo Opt. Max. tot , & tantas res optare nemo au-  
deat , quot , & quantas Deus Opt. Max. ad Te  
non detulerit , ac maiora indies deferat . Hæc enim  
omnia , quæ extera dicuntur bona , felicitatem Tuam ,  
quæ ſita eſt in præſtantiſſimarum uirtutum actio-  
nibus , cœleſti quadam ui , diuinoq; numine ornant ,  
et co-

comitantur: siquidem optimum Principem iustè,  
temperatè, prudenter suas gubernantem gentes, ac  
populos, tanquam simulachrum eius sanctissimum,  
perpetuò diligit, tuctur, ac fouet Deus, in eiusq; po-  
testate fortunam ponit, ac beniuolentiam ipsi omnium  
conciliat, & gratiam, benigneq; semper, & libera-  
liter omnia largitur ex animi sententia. Hæc igitur  
ea sunt, **BENEDICTIONES PRIN-**  
**CIPIS**, quibus non modò præsens mea disputa-  
tio, sed omnium etiam bonarum artium lucubrationes  
et monumenta proprio Tibi iure quodammodo debentur,  
maximæ nimirum Tuæ, clarissimæq; uirtutes,  
quarum difficilius est exitum, quàm principium inue-  
nire: nullius enim tantum est flumen ingenij, nulla di-  
cendi, aut scribendi tanta uis, tantaq; copia, quæ non  
dicam amplificare, sed summas earum laudes enume-  
rare possit. Spero autem, hos meos cõmentarios, cum  
ex Aristotelij fontibus hausti sint, Tibi pergratos  
fore: Tu enim aliter sentis, ac alij multi Principes,  
qui eiusmodi rerum disputationes sibi minime decoras  
putant; quasi oporteat Clarissimorum hominum aut  
tacitos esse congressus, aut ludicros sermones, aut re-  
rum colloquia leuiorum. Immo uerò Tu, **PRU-**  
**DENTISSIME COSME**, Philo-  
sophiam

sophiam optimo, atque amplissimo quoque dignissi-  
mam esse iudicas, & ad regendos populos quàm plu-  
rimum huius conferre notionem, multumq; splendo-  
ris et gloriæ ad populares Principum, illustresq; lau-  
des adiungere. Quamobrem magis cum altarum pul-  
cherrimarum rerum scientiæ, tum Philosophiæ de-  
ditus es, quàm, qui studia Tua ignorant, arbitran-  
tur, & grauißimis, ac sanctisßimis Philosophorum  
sermönibus maximè delectaris, eosq; magna semper  
beneuolentia amplexus es, fouisti, auxisti, & honesta-  
sti. Quam præclarissimam tenere uiam, perge qua-  
so; OPTIME omnium PRINCEPS;  
atque, quò diu sis felix, & maiora etiàm accipias à  
Deo, prudentiam, ut cœpisti, iustitiãq; cole.



Ad Iulium Castellanium Philosophum  
Antonij Sulphrinij Epigramma.

Dum I V L I aureolo tuo libello  
Docto (iuppiter) ac pereleganti  
Romano eloquio explicas vetustum  
Magni Aristotelis librum politicè,  
Humana ille ubi disputare tentans  
De mente ambiguit fuit locutus;  
Aut Aristoteles tibi ministrat  
Dicta se se animis tuis remiscens,  
Aut Aristotelem nouum uetustæ  
Aetas te tulit æmulata nostra.  
Ast idem aureolo tuo libello  
Dum sensus dubios refellit omnes,  
Et, quæ religio docet uerenda,  
Comprobas pius, impiosq; damnas,  
Et negas animos perire morte,  
Ne mentem superum tibi benignus  
Inspirat Pater ipse ter beatam.  
Hinc Aristoteles tibi ipse cedit:  
Hinc uerè aureolus tuus libellus.

Eiusdem Sulphrinij de eodem.

Humana uires animæ dum fortè requirit,  
Incidit in tenebras magnus Aristoteles:  
Hisq; diu nox illum, & inextricabilis error,  
Detinet, atque auras ille uidere nequit,  
I V L I V S ast hominis sortem miseratus iniquam  
Arte noua illum atris elicit è tenebris:  
Mox humili eductum linquit tellure sub auras,  
Et cœli pennis ardua templa petit.  
Hic uidet ille animæ nostræ immortalis honores,  
Hicq; beatorum præmia magna uidet.  
I V L I V S est ne igitur magis hic, an Dædalus alter  
Iam magno uisus maior Aristotele?  
I V L I V S est (fateor) sed quem contendere contra  
Viribus ingenij Dædalus ipse neget.

AVTHORES ET PHILOSOPHI,  
qui in hoc opere nominantur.


Aristoteles.  
Alexander Aprodif-  
ensis.  
Alexander Pancius.  
Algazel.  
Anaxagoras.  
Ammonius.  
Athenagoras.  
Auerroes.  
Augustinus sueffanus  
Argyropilus.  
Benedictus Māsolius.  
Beatus Thomas.  
Calippus.  
Cicero.  
Democritus.  
Diogenes Laertius.  
Epicurus.  
Eudoxus,  
Empedocles.  
Franciscus Robortel  
lus.  
Galenus.  
Gregorius Nazianze-  
nus.  
Gregorius Nicenus.

Horatius Malecutius.  
Ioannes Grāmaticus.  
Iustinus Martyr.  
Lysias Thebanus.  
Moses Roua.  
Nicolaus Leonicus.  
Olympiodorus.  
Origenes.  
Paulus Manutius.  
Proclus.  
Plato.  
Petrus rictorius.  
Petrus Pomponatius.  
Petrus Nicolaus Ca-  
stellanius.  
Plutarchus.  
Pythagoras.  
Simon Porrius.  
Simplicius.  
Socrates.  
Themistius.  
Theodoretus Episc.  
Theophrastus.  
Vincentius Madius.  
Xenophon.  
Zeno.

IULII CASTELLANII  
FAVENTINI IN TRES LIBROS

DE HUMANO INTELLECTU

PROOEMIUM.



V<sup>o</sup> M<sup>o</sup> Aristoteles, vir summa eruditione, excellentiq; ingenio, ac verè singulari in naturalium, & diuinarum rerum causis indagandis semper ferè ab aliorum Philosophorum opinionibus recessit, ac nouam quãdam, præclaram sanè, & faciliorem inuenit methodum philosophandi: tum præsertim in natura Humanæ Mentis explicanda longè diuersam ab omnibus sententiam habuit. Nam cum ex Philosophis, qui ante ipsum, & cum eo vixerunt, aliqui, vt Democritus, & Epicurus, animum nostrum penitus interire crediderint: ceteri verò omnes eum vim & naturam quandam diuinam esse & immortalem asseuerauerint, solus Aristoteles dissensit ab omnibus, & media quadam via progressus est, vt pote qui naturalium rerum principia, & ordinem nunquam euertere, aut labefactare voluit, & nihilo minus hominem maximè rebus præstare omnibus, quæ à Natura procreantur & ad cœlestium ac beatarum mentium nobilitatem propè accedere, animaduertit. Verum Hic sententiam suam adeò concisis, & non satis interdum apertis verbis, tantaq; docendi argutia, & acumine pronunciauit, ut nō paruam eius interpretum animis ambiguitatem iniecerit, ac inter illos maximam seditionem discordiamq; concitauerit. Quo factum est, vt inter ea, quæ disseruntur à Peripateticis, id negocij sit omnium difficillimum, & maximè laboriosum quod in Humani intellectus natura perquirēda versatur.

A Hanc

Hanc rem veteres latini omnes, & Græci Aristotelis interpretes agitarunt. Verum si istorum dicta rite consideraueris, tametsi in duas oppositas partes à te diuidentur, tãtam me hercle in eis varietatem inuenies, ut, cum propius credideris accedere ad veritatem, tunc magis, te ab ea delciuiffe, perspexeris. Et quanquã hac nostra, & superiori ætate quidam Clarissimi Viri omne studium & diligentiam adhibuerunt, ut Aristotelis sententiam explanarêt, eamq; apertam & lucidissimam redderent, quò tot Græcorum, & veterum Latinorum controuersiæ ac lites comprimerentur: ij tamẽ adhuc id mihi nequaquam satis præstitisse videntur. Petrus Pomponatius inter Peripateticos valde illustris Philosophus satis copiosè, & subtiliter scripsit de hac re, seq; omniũ maximè, qui Aphrodisiensis Alexandri partes tuentur, Aristotelis verba credidit illustrasse. Verum sanè & in exponendis sententijs Philosophi, & in Alexandri Aduersariorum argumentis dissoluẽdis complura ab hoc Doctissimo Viro desiderare potes. Augustinus etiam Suesianus, vir magis sua ætate celebris, quàm constans philosophus, longissimis verbis, nec semel eandem causam egit; aduersusq; Pomponatium surrexit, & Auerrois figmẽtum mordicus ubiq; defensitauit. Cuius quidem viri scripta ut non contempsit, ita etiam nunquam valde probauit. Suesiani deinde Collega Petrus Nicolaus, Patruus meus, vir summa pietate, præclaraq; eruditione atq; doctrina, nec non inter Philosophos sui tẽporis valde Clarus & Nobilis, admodum elegans, & doctum opus de eadem re ad Clementẽ VII. Pont. max. scripsit, in eoq; singulorum hominum immortales esse animos, istosq; aliquando in hunc modum reuertĩ, rursusq; iungi corporibus, ex Aristotelis sententia demonstrauit. Quam opinionem miram profectò, & cuiusuis Peripatetici auribus inauditam, præsertim excepit è quodam libro, qui Theologia, siue, Mystica Aristotelis Philosophia, in scriptus est, & ab eo latinitate donatus, cum prius à quodam Mose Roua in barbarum potius, quàm latinum sermonem ex Arabica lingua traductus fuisset. Ego verò (si ob veritatis amorem, & cultum liceat mihi à præstantissi Patruĩ mei opinionẽ



nione discedere) eum librū aut falsò Aristoteli ascriptum fuisse arbitror; aut, si illum scripserit Aristoteles, omnia ferè in eò secundum Aegyptiorum, & Pythagoricorum opinionem, nò autem ex propria mente Philosophum, censeo, pronunciasse. Atq; in hanc adducor sententiam, quòd nullam prorsus Diogenes Laertius de hoc libro mentionem facit; actor in eo reperiuntur Aristotelis principijs contraria, quæ ipse nò semel animaduerti; ut vix excogitari possit, ab ullo Peripatetico, nedum ab ipsomet Aristotele fuisse conscriptum. Patrius autem meus, qui semper, ut mirum ac præstantissimum Aristotelis ingenium in cælum extolleret. eius doctrinam sanctissimis & verissimis religionis nostræ decretis valde similem reddere conabatur, fortasse finxit, se assentiri illis, qui eum librum, Mystica Philosophia, inscriptum Aristoteli attribuerunt, cum hoc eius proposito vehementer conduceret. Simon tandem Portius paucis abhinc annis Disputationem de Mente Humana edidit; in qua methodum, qua vsus est Aristoteles in libris de Anima, se explicaturum pollicetur, ut omnis tollatur controuersia, quæ hucusq; Philosophi interpretes valde torfit. Verùm, quauis huic Viro Literatissimo, grauissimoq; Philosopho primas tribuendas esse censeam inter eos, qui eiusmodi stadium cucurrerunt; hic tamē haud verè metam mihi attigisse videtur. Si quidem in intellectus nostri natura explicanda longè recessit, meo quidem iudicio, à sententia Aristotelis: præterea arbitror eam methodum clariùs à nobis explanari posse, qua vsus est Aristoteles, cum de Mente Humana pertractauit. Nos igitur ob superscriptas causas tentare decreuimus, si nonnulla, quæ adhuc supersunt, plañiora & lucidiora reddere possemus. Et quanquam nobis, qui non satis hucusq; in ijs philosophiæ studijs confirmati sumus, valde arduum ac perdifficile erit, aliquid addere, vel subtrahere dictis Eruditissimorū Hominū, qui ante nos disputationes de hac re monumentis literarū mandarunt: attamē in eundē cursum prodire nò dubitamus, iis præsertim freti præfidiis, quibus à Doctissimo Vincentio Madio, Philosopho Celeberrimo aliàs muniti sumus, cū ille in Ferrariensi Academia

tertium librum de Anima interpretaretur. Ego enim res naturales tractans nunquam debeo à sententiis illius recedere: quippe qui Eum nouerim ita aperte, accuratè, luculenter Aristotelis libros explicare, ut mihi semper gloriari, semper fortunæ, & Deo gratias agere licuerit, quòd Hunc Præstantissimum Virum, & nunquam satis laudatum mihi tribuerint præceptorem. Illud verò, quod mihi propositum est, si non perfectè planèq; exequar, id saltem me consecuturum spero, ut scribendo, quæ ab aliis percepi, & à me ipso excogitavi, ali quantum me in iis studiis senserim profecisse. Si quidem illud semper exultauimus, nos parum fructus, & laudis ex nobilissimis Philosophiæ studiis percepturos esse, nisi ei curæ & diligentiae, quæ & legendi, & audiendi summa quotidie adhibenda est, aliquod exercitationis genus adiunxerimus. Nos igitur, cum hæc quæstio de Mente Humana toties habita fuerit, & innumerabilia propè argumenta à Doctissimis Homini bus vltro, citroq; adducta sint, ad illud præcipuè intendemus, vt Aristotelis còtextus perpendamus diligenter, eosq; aperte, ac vberius, quàm alii fecerint, explicemus, in quibus ille verè & propriè de Humani intellectus natura locutus est: si quidem cum animi nostri substantiam naturamq; nouerimus, perspicuum deinde nobis erit, quid de eiusdem mortalitate, vel aternitate ex Aristotelis sententia statuere debeamus. Quamobrem haud multum temporis in adducendis, reiiciendisq; aliorum opinionibus conterendum esse duximus: cæterum hac in parte tantum elaborabimus, vt Simplicij sententiam in medium afferamus, eamq; quoad eius fieri poterit, explodamus: propterea quòd hæc opinio, quæ ab Auerrois, & aliorum Græcorum sententia aliquantum distare videtur, hac nostra ætate acerrimos habet fautores, & fir mioribus etiam nunc rationibus euerti potest, quàm hucusq; ab aliquo factum esse perspexerim. Hanc verò Disputationem nostram in tres partes totam distribuemus: primū enim Simplicij eiusq; sectatorum opinionem, & fundamenta breuiter adducemus, eaq; tollere funditus enitemur: deinde explicabimus nostram de Humana Mente sententiam, quàm planè

planè tenuisse Aristotelem opinamur. In tertio autem libro, ostendemus, quæ sit vera quorundâ locorum explicatio, qui huic aduersari, eamq; repellere videntur; ac tandem, quid nos Christiani orthodoxi hac in re credere, constanterq; asseuerare debeamus, & quæ rationes ex nostrorum Theologorum fontibus hauriri possint, vt Veterum tollantur errores Philosophorum. Sed prius, quàm illa conor attingere, quibus Simplicii Summi Peripatetici, hominisq; non leuiter eruditi explicari, & reijci opinionem putem, quædam dubia, & scrupuli ex mentibus aliquorum hominum mihi eijciendi quidem videntur.

QVIBVS DE CAVSIS DE HVMANO INTELLE-

*Quæ uaria senserint interpretes Aristotelis: & nos posse absq; ulla suspitione, tanquam Philosophos, mortalitatem, æternitatemq; tueri.*

Cap. I.



Vanquam interpretes in Aristotelis, & aliorum Philosophorum opinionibus enarrandis integro, ac libero animo esse debent: multi tamen cum in cæteris Aristotelis Commentariis, tum præsertim in libris de anima interpretandis ab eiusmodi decesserunt lege, & alium sibi finem potius, quàm veram & puram Philosophi sententiam, proposuerunt. Quidam enim cum doctissimorum virorum, veluti Auerrois, & Simplicii dictis se addixerint, propeq; consecrauerint, horum explicationes ubiq; cæteris omnibus anteponunt; ac ne tantillum quidem ab eorum sententiis discedêtes intellectu nostri vnitatem, æternitatemq; pugnacissimè defendunt. Alij verò; cum nostrorum Theologorum, & Sanctissimæ Romanæ Ecclesiæ decreta cognouerint, ne quibusdam minus creduli viderentur, aut aliis inijcerent scrupulos, veriti sunt explicare, quid ipsi, tanquam philosophi, de animi nostri immortalitate sentiant. Et si qui inter hos ausi sunt Aristotelis sententiam de Mente Humana proferre, ut perfidiæ omnis fugerēt suspitionem,



cionem, omne studium, atq; ingenium ad id contulerunt, ut hac in parte non minus Physicos, quàm verè Theologos præ se ferrent. Quamobrem illi ea quidem ratione opinionem Aristotelis declararunt, ut mentes humanæ sint totidem numero, quot sunt homines, eaq; à Deo Opt. Max. procreentur, ac veluti formæ corporibus affigantur adeò, ut nullo vnquam deinde tempore interire possint. Quorum equidem Doctissimorum Hominum, quamquam aliàs à me summo pere commendantur, hoc in loco propositum nequeo comprobare. Porro illi (nam de ijs primùm mentionē fecimus) qui ad vnius Auerrois, vel Simplicij autoritatem se contulerunt, omniaq; ex illorum sententia iudicant, plerumq; errandi latam sibi viam aperuerunt. Nam tametsi in omni philosophandi genere fortasse ad Aristotelis doctrinam, tanquam ad faxum, adhærere debemus: attamen non decet nos eodem modo illius interpretibus astrictos teneri: sed operæ precium est hac in parte nos liberiores, & solutiores esse, quò in tegra iudicandi potestate, ac sine vlla pertinacia, quid verè & cōstanter vbiq; asserat Aristoteles, perquirere valeamus. Quamobrem, cum veri interpretis munere fungemur, modò assentiemur Simplicio, modò Themistium cæteris præferemus, modò in Auerrois sententiam ibimus, modò Alexandri maximè omnium probabimus explicationem. Iam verò eos conuenio Philosophos, qui non audent de mente humana propriam aperire sententiam, pios me hercle & religiosos homines; quorū sollicitudo & timor inanis mihi quidem uidetur. Siquidem cum tot iam secula Aristotelis philosophia præ omnibus ita floruerit, ut per uniuersam semper Europam Excelentissimi Duces, Potentissimi Reges, Imperatores Maximi, Summiq; Pontifices conuocarint in nobiliores urbes Doctissimos Viros, adhucq; cōuocent, ut Aristotelis libros interpretentur, ac solùm eius profiteantur, tradantq; doctrinam; quid metuendum est nobis, quid nos hærere oportet, cum ad libros de Anima peruenerimus? Profectò eiusdem modi homines ignorare uidentur, quàm Christiana fides, & charitas à philosophandi ratione distet, & quàm nullus sint ponderis



ris Aristotelis inuenta, & argumentationes ad Sanctissimę Religionis nostrę decreta labefactanda, & clarissimis huius luminibus obstruendum. Quis verò mentis compos vnquam crediderit, vllum eruditissimum virum adeò rationibus naturalibus adduci, & moueri posse, vt in eis, quę ad Religionem Nostram atinent, magis Aristoteli, quàm diuinis Romanę Ecclesię decretis assentia tur, & optimam Sanctissimamq; nostram fidem violet, quam tot Theologi Sapientissimi sacris literis, diuinoq; spiritu maximè celebrarunt: quam tot Prophetarum, ac Martyrum diuinationes, tormentaq; confirmarunt: quam ipse Opifex totius Aedificatorq; mudi Deus Carissimij Filij, & Seruatoris Nostri ore & verbis tradidit nobis, & piè, accuratè firmissimèq; seruandam iussit? Porro istud hinc faciliè patere potest: nos enim Aristotelis funda mentis innixi de mundi æternitate, de cœlestium corporum motu, de Dei Opr. Max. intellectu, de eiusdem efficien tia, ac potestate, nec non de ea prouidentia, quę vniuersas res humanas, diuinasq; administrat, complura sine vlla cunctatione & metu proferimus, quę Religionis Nostre monitis aduersantur; nec tamen ex eiusmodi dictis visum est, vnquam suspensionem vllam, aut perfidię errorem emanasse. Audacter igitur etiam possumus de animi nostri substantia ac perpetuitate differere, perpendereq; diligenter, quid de eodernendum voluerit Aristoteles. Si quidem, cum nos philosophamur, ex aliorũ sententia loquimur, semperq; vt Christiani, Sacrarũ Literarum preciosissima monumenta piè colenda, & obseruanda supponimus. Cum verò ad Christi mandata nos vertimus, eaq; efficere ac persequi diligenter contēdimus, tunc nostra agimus, quę animis nostris æternam beatitudinem, vel miseriam sint allatura; eoq; tempore Aristoteles, ac cæteri philosophi cum argutijs suis & commentis inalteram, & deteriorem partem à nobis reijciuntur. Sed alloquamur eos, qui alia via eandem fugere suspensionem excogitarunt, tantaq; beneuolentia, ac pietate profecuti sunt Aristotelem; ut eum in statuenda animorum nostrorum æternitate omnino Christianum efficere voluerint. Certe si istorum Virorum.

Virorum cœeris in locis iudicium animaduuerteris, eos quidem censueris valde eruditos, ac omni laude & gloria dignos summorum philosophorum. Qui tamen hac in parte ab omnium philosophorum, nedum Aristotelis principiis quàm plurimū recesserunt. Quia enim ratione iij audent asserere, Deum, postquam conformatum est corpus, & vis alendi, ac sentiēdi educta est ē potentia materię, ex nihilo humanas mētes procreare; si omnia, quę fiunt, ex aliqua materia subiecta fiunt communi omnium voce & consensu philosophorum? Ex eiusmodi quidem dicto, si defendatur, tot absurda consequuntur, quę iuniori etiam Philosophanti perspicua sunt, ut nihil absurdius dici, aut excogitari possit. Præterea, cum animi nostri à Deo Opt. Max. creati sint, qua deinde ratione affirmant isti, eos nunquam interituros? Hoc pariter enuntiātū adeo Aristoteli, præsertimq; illius dictis in primo Cœli commentario aduersatur, cum ille omne, quod ortum habet, necessariō quoq; aliquando interire constanter asseuerauerit, ut superuacaneum sit, istud demonstrare. Ad hæc non ne iij vident, se humanas mentes actu numero infinitas introducere, cum ex sententia Philosophi æternus sit mundus, & animi nostri perpētū fuerint procreati, adhucq; assidue procreentur? Neq; enim eiusmodi absurdum vitari potest, quamuis nonnulli dicant, actu infinitum in rebus à materia separatim inueniri posse; aut singulorum hominum animos, cū post mortem remaneant, in numerum actu infinitum non augeri; quoniam in magna annorum periodo iterum Dei providentia in corpora reuertuntur. Etenim hæc duo respōsa sunt fabulæ pene aniles, cum apud philosophos, vrait Auerroes prima contra Algazelem disputatione, fieri nequaquam possit, ut aliquod infinitum actu, siue corporeum, siue incorporeum sit, reperiat. Præterea in primo de Anima Commentario Philosophus Democriti, & Pythagoræ opinionem de animorum nostrorum ingressu, & exitu in corpora tanquam fabulosam irridet, asseritq; si animi nostri iterū in corpora reuerterentur, illud euenturum, ut animalia iam mortua resurgere possent. Quod quidem à Naturali Philosopho

valde

valde absurdum censetur. Complura alia aduersus hanc opinionem adduci possent: sed quia copiose omnia, & subtiliter à ceteris fuerunt examinata, ea nos silentio prætermittimus. Tres quidem superiores rationes, quanquam frivolas, & vilitas, minime prætereundas duximus, cum eas maxime valeant ad istorum sententiam funditus diruendam, qui sacra cum profanis miscere voluerunt, & ea, quæ sanctissime, ac verissime Religioni nostræ astricte credimus, constanterque asseueramus, cum ijs, quæ ex Aristotelis sententia proferimus, & scire tantum opinamur. Quare nil mirum, si eiusdem modi homines, dum physici, ac Theologi simul esse voluerunt, neutrum fuerint consecuti. Ex numero tamen horum excipiendus est Diuus Thomas, qui tametsi in hac disputatione doctrinam Aristotelicam parum sapere videtur; nihilominus talem se Theologum præbet, ut Christiana veritas à Doctore me hercule Angelico planius & apertius explicari minime potuisset. Nullus autem præter enumeratas sectas in medium afferat illos, qui intellectum nostrum vnum tantum in singulis hominibus reperiri, eumque ex parte ortus, atque interitus perpetuum esse defendunt: quippe quod ij homines, meo quidem iudicio, à Sacrarum Literarum præceptis non minori intervallo distant, quam faciant illi, qui mentem humanam oriri ex semine, eamque interire etiam asseuerunt. Nullus enim post mortem animus ab eis ostenditur, qui superstes sit, & singulorum hominum respiciens delectationem, aliam sanè vitam degere beatiorē possit. Verum, quoniam hæc est Simplicis opinio, quam superiori Cap. pollicemur citi sumus examinare, iam eam diligentius consideremus, & ostendamus etiam, ut quam longissimè ab Aristotelica veritate recesserit.

✽

B



VM Simplicius obscurum, & inuolutum dicendi genus semper amauerit, difficile est ex ipsius verbis propriam de Humano Intellectu sententiam elicere. Equidem semel bis, atq; iterum legi istius in tertium librum de Anima commentarios, & semper ferè nonnullis in locis hunc interpretem egere interprete iudicaui. Quid tamen verè ex huius sententia de Mente Humana sit decernendum, visus sum exactè planeq; percepisse ex dictis Eruditissimorum Hominum, cum quatuor abhinc annis Patauium alia potius de causâ me contulisseni. Quamobrem ego breuibus Simplicii opinionem recensebo, ut eam ex eius verbis colligere possim, atq; vt audiui Patauii apertè copiosè, luculèter explicatam ab ijs, qui vt philosophiæ, & optimarum artium studiis ceteris valde præstant, ita sanè complura Simplicij tenebricosa dicta illustrarunt, claraq; & apertissima reddiderunt. Simplicius igitur, atq; ij, qui illum præcipuè sectantur, & eius sententiam explicant, Humanam Mentem vnâ tantum numero esse dicunt, istamq; in intelligètiarum ordinem collocant; tametsi eam longè omnium infimam, & humano orbi asistere arbitrantur. Quam etiam homini nequaquam dare esse affirmât (ita loquuntur Philosophi, & sæpe eorum verbis facilioris doctrinæ gratia vti nos oportebit) sed aliud statuunt genus animæ, quam Cogitatiuam vocant, à quo informatur homo: ex cogitatiua enim & corpore organico, tanquam ex materia, & forma conflatur homo: ex mente verò & homine, tanquam ex nauta, & nauis, nobilius quoddam, atq; diuinum compositum oritur: quippe quòd intellectus nobilissimam ac diuinam tantum homini operationem præbet. Addunt præterea, humanum intellectum formas & rationes omnium rerum in se ipso possidere, ut etiam aliæ intelligentiæ obtinent. Etenim arbitrantur isti, quæcunque nostræ, vel diuinæ mentes comprehendunt, ea tantum de causa intelligere, quòd illorū omnium



nium ideas & rationes in se ipsis contemplantur. Cum verò mens humana sit infima & ignobilissima omnium intelligentiarum, hoc sortita est (aiunt isti) vt extra se progrediatur, recedensq; à substantia propria ad humana corpora labatur; à qua quidem indignitate cætere omnes remote sunt. In eiusmodi autem lapsu, tametsi cum ea formæ etiam illæ, & rationes progrediuntur, in stultitiam tamen ac ignorationem cum sui ipsius, cum omnium aliarum rerum decidit. Siquidem, cum mole corporis opprimatur, omem amittit perfectionem, & naturam potestatis assumit, fitq; tabellæ non scriptæ confimilis. Quæ nihilominus iterum consequi amissam nobilitatem appetit: sed eam non recuperat, nisi cum in rationes illas, quæ in ipsa existunt, conuersa fuerit, & acquisierit habitum, propter quem mens deinde, seu intellectus in habitu vocatur. Duobus enim modis volunt intellectum nostrum nobiscum copulari, priori sanè, quando in ortu, quamprimum cogitativa introducta fuerit, cum nobis pueris iungitur, & est similis nautæ, qui ingressus est nauem, sed nondum operatur: altero verò modo nobiscum coniungitur, cum et contemplandi, et agendi habitus consecutus fuerit. Verùm hos habitus dum ille assequi, & in pristinam reuerti perfectionem contendit, indiget phantasmatibus (phantasmata enim appellant Philosophi rerum imagines & simulacra, quæ à sensibus imprimuntur in phantasia) non quidem ut ab illis species recipiat, illaq; intelligat (absurdum enim putant, si intellectus æternus à phantasmate caduco perficiatur) verùm vt ab eis occasionemumat contemplandi formas, quæ in ipso resident, vnaq; cum eo progressæ sunt. Atq; eiusmodi quidem ratione intellectus, antequam perfectionem suam adeptus sit, vtitur phantasia: cum autem perfectus fuerit, nulla amplius ope phantasiæ indiget, sed cum ex se ipso intelligentem phantasia insequitur, perinde ac orbis sequitur intelligentiam, quæ illum sub ratione finis mouet. Ad hæc asserunt isti, intellectum nostrum, quanquam est vnus tantum secundum rem, tria tamen sortiri nomina & rationes: tres enim in nomine reperiuntur intellectus, non quidem re, sed tantum ratione differen-

tes. Primus dicitur potestate intellectus, & ille est, qui extra se progressus est, & à propria substantia procul abest, nec potest absq; labore, & sine occasione phantasmatum intelligere. Secundus est intellectus in habitu, vel intellectus secundum actum, ut vocat Aristoteles, qui velut sciens homo euasit, & formas atq; rationes, quæ in eo sunt, quotiescunque velit, ex se ipso contemplandi vim habet. Tertium Agentem vocant, quæ dicunt esse vim huius intelligentiæ præstantiorem: quippe qui extra non labitur, sed in se ipso manet, & omnes in se rationes ac ideas retinet, quò sumpta à phantasmatibus occasione eas reponere valeat in intellectum potestate. Quamobrè addunt isti, cum hic intellectus agens non solum intelligibiles formas illuminet, sed eas etiam in potestate intellectum recondat; præterea cum in illo impetu, qui extra fit, seiunctus quodam modo sit ab eiusmodi formis, simulq; iisdem progredientibus colligatus, perbelle eum simul tanquam artem, & rursus tanquam habitum, ac lumen facere Aristoteles tradidit. Siquidè ars ab eis quæ efficit separatur, lumen verò ab ijs, quæ illustratur, & habitus ab ijs, quæ habitum possident, minime seiungi videtur. Eiusmodi verò intellectus agens est alterius intellectus, qui potestate dicitur, habitus & perfectio. etenim, cum huic, veluti formæ, copulatur, ex utroq; fit intelligentia semper actu intelligens; tuncq; homo beatitudinem illam, & felicitatem adeptus est, qua postrema & maxima frui possit. Tandem isti eo moti fundamento, quo firmatum est, omne quod ortū habet, necessariò quoq; ad interitum venire, aiunt hos tres intellectus, de quibus supra locuti sunt, in homine restringui. Humanus quidem intellectus ea ratione, qua intelligentia est, & secundum substantiam propriam, ac simpliciter (ut vtar eorum verbis) incorruptibilis & æternus est; secundū quid autem, & ea nomina, quæ iam illi sunt attributa in singularibus hominibus destruitur: siquidem intellectus quatenus possibilis, quatenus in habitu, quatenus agens dicitur, interit, quoniam quatenus possibilis, quatenus in habitu, quatenus agens in nobis etiam gignitur. Hæc est Simplicij, & eius Sectatorum opinio, cuius capita facilius & clarius, quàm fieri potuit,

potuit, recensimus; cum sæpe ipsiusmèt Simplicij, & Sectatorum verbis vti nos oportuerit. Hanc etiam eandē propē esse cum Auerrois sententia, inquiunt Simpliciani. Quod eis concedentes videamus modò (id enim maioris est momenti) an Aristoteleis dictis respondeat.

SIMPLICII OPINIO DESTRVITVR. Cap. I. I. T.



Voniam nobis controuersia est cum maximis Aristotelis interpretibus, & Philosophis; ideo Aristotelis loca, quæ huc pertinent, summa cū diligentia perpendere debemus, eaq; percurrentes fortius quibusdā aliis nos figere oportet pedem; si illud tamen iuuenti præstare possunt, quod lassī hucusq; bonæ non fecerint. A primo igitur Simplicij & Sectatorum dicto exordiemur, ac deinceps propositum ordinem persequentes cætera ponderabimus. Inquiunt isti, humanā mentem vnā tantum numero esse. Quod sanè dictum penitus Aristotelis verbis aduersatur, quæ in. x. i. Primæ Philosophiæ xlviii. contextu leguntur. Inquit ibi Philosophus. *si plures sint cæli, ut homines, principium id, quod cuiq; accommodatur, specie quidem unum erit, numero autem plura.* Hunc locum Excellentissimus Patruus meus (cuius optimi quidem viri memoria & recordatio semper mihi valde iucunda erit) prior me adduxit, ut plures esse numero humanas mentes demonstraret, dicens hic apertè Aristotelem confiteri, plures esse numero animos nostros, ut sint homines. Verum, cum Simpliciani per plures hominum formas cogitatuas (quæ quidem vox in eorum est ore tritissima) & nō intellectus accipere possint interpretando (quamuis nulla sit etiam hæc expositio) nos diligentius perscrutari oportet verba Philosophi: nani validiori quidem ratione eodem loco Simplicio occurri potest. Porro eo contextu Aristoteles cælum mundumq; vnum tantum numero esse, & non plures demonstrare contendit, itaq; argumentatur à destructione consequentis ad illius destructionē,

structionem, quod antecedit. Si plures mundi sint numero, ut homines, plures quoq; erunt numero, & eadem specie primæ eos scientes causæ: atqui non sunt plures numero primæ scientes causæ, quoniam prima mundū cœlumq; mouens causa ab omni materia separata est, igitur nec plures etiam numero cœli, siue mundi fuerint. Iam verò, si mens humana est vna, tantum numero, atq; ex ordine intelligentiarum, quæ humano assistat orbi, vana procul dubio uest atq; inanis hæc Aristotelis demonstratio. Siquidem, ut humana intelligentia pluribus numero hominibus assistit, in eisq; varios ac diuersos concitat motus ratione voluntatis, quid prohibebit, ne plures etiam numero cœli ac mundi reperiantur, & vna primaria tantū causa, quæ eos omnes verset ac moderetur? quin immo hoc facilius primaria exequi causa poterit, quippe quæ ab omni materia ac potestate sciuncta est. Addas, eadem ratione aliud prorsus ruere fundamentum, quo eodem. xii. libro firmatur ac stabilitur numerus mouentium numero eorum, quæ mouentur. Hic & tertium subiungi argumentum potest, quod maxime, ni fallor, etiam Simplicium torserit. Hic enim cum velit, intellectum nostrum ea tantum ratione intelligere, quoniam à phantasmatibus excitatus in se ipso residentes ideas earum rerum, quas percipit, contemplatur, si vnus tantum numero in singulis hominibus fuerit, hoc necessario consequetur, ut plures ac diuersi homines incumbentes eiusdem rei intellectioni, nunquam inter se discrepare, sed eiusdem sententiæ semper esse debuerint. idem enim est numero intellectus in singulis, eadem numero ideæ, quas solum intelligit: neq; phantasmata, cum ab eis species intellectus non recipiat, impedire possunt, quin eiusdem rei eadem prorsus gignantur in omnibus scientia & intellectio. Illud igitur valde mirari oportet, quod tot Clarissimi viri non modo in philosophia, sed in cæteris etiam artibus ac disciplinis tot varias de iisdem rebus, ac penitus inter se discrepantes sententias habuerint. Quare Simplicius istius nobis causam varietatis explicare debet. Sed illud modo consideremus, an rectè animus noster ad numerum intelligentiarum ascriptus fuerit. Profecto eiusmodi



eiusmodi dictum præcipue labefactatur eo argumento, quod  
 iam vulgatum sæpe, ac sæpius adductum est. Qui fieri po-  
 test, ut audeant Simpliciani, humanam mentem in numero  
 intelligentiarum reponere, si in xii. Postnaturalis Philoso-  
 phiæ commentario neq; de hac, neq; de humano istius orbe  
 ullam Philosophus oninino mentionem fecit? Nulla me her-  
 cle ratio inueniri potest, qua eam loco adducto prætermise-  
 rit Aristoteles: propterea quod ibi, ut determinet numerum  
 intelligentiarum, perscrutatur, quot sint numero motiones  
 & corpora, quæ cientur. Quò autem motionum, & corporum  
 numerum reperiat, ad Astrologos sui temporis, nempe Eudo-  
 xum, & Calippum recurrit. Et postquam sphaerarum nume-  
 rum ex sententia Eudoxi cõmemorauit, acceptauitq; Calip-  
 pi additamentum, qui xxvi. sphaëris Eudoxi alias septem ad-  
 diderat, ipse alias xxii. perscrutatur & addiicit, quas reuoluen-  
 tes, seu restituentes orbes appellauit. Itaq; cœlestium orbiu  
 in summa numerum concludens eos quinque & quinquagin-  
 ta esse determinat: inquit enim. *Omnes igitur sphaëre, & deferen-  
 tes, & deuoluentes quinque erunt & quinquaginta.* et Paulò post:  
*Multitudo igitur sphaerarum sit tanta. quare & substantias ipsas, et prin-  
 cipia immobilia, atq; etiam sensibilia tot esse existimare, consensaneum est  
 rationi.* Viderint igitur Simpliciani, si humanus orbis præte-  
 reundus erat Aristoteli, qui omnes cuiuscunque orbis sphaëras  
 exactè & accuratissimè considerauit, & alias xxii. addidit illis,  
 quas antea Eudoxus, & Calippus statuerant. Futilis enim est  
 ea responsio, quæ inficiantur isti, locum primæ Philosophiæ  
 adductum humani orbis, ac eius intelligentiæ tractationi pecu-  
 liarem esse, cum eiusmodi negotium ad librum Animæ refe-  
 ratur. Siquidem ex Philosophi sententia primo de partibus  
 Animalium, & ij. Physicorum commentario ad Naturalem  
 tantum pertinet agere de ea animâ, quæ est natura, atq; de il-  
 lis formis, quæ sunt in materiam immerfæ. Scio quibus verbis  
 opiniosissimi quidem homines Simpliciani eiusmodi ratione  
 effugiant: dicunt, enim scientiam de Anima inter Natura-  
 lem ac Diuinam medium obtinere locum, atq; in hac de ho-  
 minis forma, quæ ei dat esse, usq; ad quæstionem quid est per-  
 tractari

tractari: de intellectu verò, quo ad Si est fuerit quæstio declarata. Neq; enim ignorant, quiditates (vñ aliquando necesse est, ut supra notauimus, tritis, & vulgatis verbis Philosophorum) quæ à materia separatæ sunt, ad solum Metaphysicum pertinere. Cæterum ij dicentes talia maioribus laqueis inuoluuntur. Nam Aristoteles vi. Primæ libro Philosophiæ de hac media scientia non meminit: quippe qui tres solum cõstituit scientias, quæ contemplantur, Naturalem nimirum, Mathematicam, & Diuinam; ac pariter sanxit tria esse tantum genera definiendi, ea motus ratione, quòd in rebus, quæ sciuntur, triplex inuenimus esse discrimen: quedam enim adeò materia sunt implicata, vt sine ea definiiri nequeant: quædã verò quantum in materia versantur; nihilominus absq; ea considerari possunt: tertium genus eorum est, quæ ut à materia seiuncta sunt, ita etiam absq; illa definiuntur. Nec me fugit, Simplicium per mediam scientiam non intelligere mathematicam: quippe quòd Animæ scientia de substantia tractat, quæ alias vñ altrologiæ inter Mathematicas relicta fuit. Verum, ut media hæc scientia penitus deleatur, assero iterum Aristotelem, qui librum de Anima inter commentarios de Partibus, ac de incessu Animalium, libellumq; de sensu & ijs, quæ sentiuntur, collocauit; nec non ostendit in libro de Partibus, Naturalis Philosophi magis interesse de Anima, quàm de materia animalium disputare. Atq; eiusmodi dictum nihil offenditur, ea dubitatione, quam paulò post de intellectu mouet Philosophus; immo qui hanc mediam scientiam tuentur, asseruntq;, intellectum nostrum esse intelligentiam, nullo modo ratione ibi motam à Philosopho diluere possunt. Ibi dubitat Aristoteles, an de omni anima ad Naturalem pertineat disputare, statuitq;, non esse istius munus agere de intellectu: quoniam de ea tantum anima, quæ est natura, tractare debet. Si autem ageret de intellectu, de omni porrò intelligibili tractaret, & ita nulla præter Naturalem scientiam relinqueretur philosophia, hoc est, prima superflueret Philosophia. Eadem igitur ratione aduersus Simplicianos sic argumtor. Si humanus intellectus esset intelligentia, de eo agens Naturalis de intellectu

lectu separato ageret, igitur superuacua erit Postnaturalis scientia: quippe quod Naturalis de omni intelligibili, nimirum de eo, quod est materia implicatum, & de eo, quod est separatum, tractauerit. Idem profecto sequetur absurdum, si Animæ scientia inter naturalē, Diuinamq; media constitutatur: immo tunc etiam superflueret naturalis Philosophia. Neq; hoc possunt absurdū fugere Simpliciani: quippe volunt in libris de Anima agi de intellectu, qui est à materia abstractus, neq; est natura: quem nihilominus intellectum Philosophus loco adducto in libris de Anima doceri negauit. ibi enim Aristoteles de Humano tantum intellectu non ambigit: verum sub nomine animæ, & intellectus quancunq; accipiens animam, & intellectum dubitat, ratione mentis separatæ, an scilicet de hac per se, quatenus nullam omnino rem naturalem spectat, ad Physicum disputare pertineat. Quod apertissimè ostendit eis verbis, quibus alendi, sentiendi, mouendiq; virtute cunctis animalibus concessa, vim deinde intelligendi asserit in nullis omnino reperiri, subiungitq;, nullā rem à materia abstractam à Naturali sciētia posse considerari. Non latebat autē Philosophum, quodā intellectu præditū esse hominem, de eoq; in libris de Anima disputari. At qui Simplicij aiunt cōsectatores, de humano intellectu in libris de Anima tantum agi, quo ad quæstio si est fuerit explicata. Res mira hæc est. Humani intellectus natura et quiditas in comentariis de Anima nō docetur, nec etiam de ea agitur in xii. Primæ libro Philosophiæ, igitur, quid sit intellectus noster, qui est præstantissima huius inferioris mundi forma, nulli tradidit Aristoteles. Sed perpendant ij, obsecro eos, diligenter, cum valde acuti, nec vllō modo insulsi homines videri velint. i. i. i. & v. tertii de Anima libri contextum: viderint quippe, si tantum quæstio si est ipsius intellectus declaratur. Porro iis duabus particulis substantiam, & naturam intellectus nostri ita apertè planeq; explicat Aristoteles, ut nihil amplius desiderari possit. Iterum legant. xviii. xx. q; eiusdem libri contex. & sanè cognouerint, ea, quæ ibi intellectui Agenti tribuuntur, non ad quæstionem si est pertinere.



nere(hæc enim xvi. ac xvi. contex. fuerat absoluta) sed præcipuè naturam & substantiam intellectus Agentis explicare. Et quamuis nos eiusmodi Agentem intellectum vnà cum Alexandro Aphrodisiensi, homine in hac philosophia probatissimo ac nobili, Deum Opt. Mx. esse existimemus: attamen infra declarabimus, quæ ratione de intellectu separato usq; ad quæstionem quid est in libro de anima egerit Aristoteles, nec tamen sententiæ paulò ante adductæ libri de Partibus repugnauerit. Nunc rursus, ut animum nostrum à numero intelligentiarum remoueam, in mediū afferō eum locum. viij. Physicorum, ubi concedit Philosophus, cœlestia corpora mouentes causas per accidens ab alio moueri posse, non autem per accidens à seipsis: quoniam hoc solum formis euenit, quæ intereunt, quod tamen humanæ etiam intelligentiæ continget (tamen hæc ratione subiecti non constabit) quoniam motis nobis omnia pariter, quæ in nobis sunt, mouentur, ut in primo de Anima commentario scriptum est apertissimè. Addo hanc vltimam rationem, quæ semper à vero Peripatetico valde constans ac firmissima iudicabitur. Si mens humana esset intelligentia, aliquo tempore eodem intelligeret modo, quo ceteræ faciunt intelligentiæ: sed hoc nunquam exequitur; perperam ergo ad numerum ascribitur intelligentiarum. Siquidem intelligentiæ subito statimq; semper intelligunt, cum separatæ mentes temporis minime subiiciantur: intellectus verò noster semper indiget tempore, dum intelligit, ut nos aliàs clarissimis sententijs Philosophi demonstrauimus ea nostra disputatione, quam paucis ante diebus edidimus aduersus Quæstiones Academicas Ciceronis. De qua etiam re à nobis infra differendum erit, quoniam hic locus magis est eiusmodi proprius contemplationis. Iam tertium Simplicii dictum à nobis perpendendū videtur, quo inficiatur humanum intellectum homini præbere esse, & alterum statuit genus animæ, à quo informatur homo; quæ sanè anima ab eo cogitativa vocatur. Quam etiā fatuus hac in parte ille Arabs doctissimus asseruit, distinguere. *Intentionem indiuidualem (propriis utor illius verbis) à forma imaginatiua,*



ginatiua, & expoliare eam ab eis, quæ sunt adiuncta cum ea ex istis sensibus communibus & proprijs, & reponere ea in memoratiua, istiusque comprehensionem esse magis spirituales, quàm imaginatiue. Figmenta profecto omnia & merè nuge. Nullibi enim Philosophus de eiusmodi egit cogitatiua: sed ne vllam quidem de ea mentionem fecit in suis de Anima commentarijs. Quàm verò Dij boni negligentij nomine accusandus esset longè omnibus præstans & ingenio, & diligentia Aristoteles, si de internis externisque sensibus vniuerse & particulatim disseruisset: hanc verò silentio præteriisset animæ facultatem, quæ virtutibus sentiendi valde præstat, & est propria hominis forma? Quod verò Aristoteles hanc nunquam in animo cogitatiuam habuerit, eo præsertim loco.iii. de Anima patere potest, vbi Philosophus à C L. vsq; ad CLX. contextum discrimen statuit inter omnes animæ facultates, quibus verum & falsum comprehendimus. Porro ibi Aristoteles primùm segregat intellectum à sensu: deinde phantasiam ab intellectu: tertio autem loco ostendit, quæ ratione diuersa sit phantasia à sensu, ac reliquis animæ viribus, quibus verum pronunciamus, aut falsum, nempe à scientia, intellectu, & opinione, nec non ab opinione cum sensu coniuncta. Ibi nulla prorsus habetur mentio de cogitatiua; quod tamen Philosopho, necessum erat efficere. Atq; διανοία, ὑποκρίσις, δόξα, quibus vocibus in ea parte sepe vtitur Aristoteles, mentis ac intellectus nostri vires dicuntur, neq; ad inferiorem animam referri possint. Eo quidem in loco, nempe C LV. particula, διὰ τὸ νοεῖν Aristoteles semel (quod affirmare possim) phantasiam intelligit: quod veteres Philosophi Mentis voce phantasiam quoque significarent. Verum διὰ τὸς ὑποκρίσιος quemcunq; intelligendi actum comprehendit Philosophus; nec ea vllu modo imaginationem, aut aliam vim mente inferiorem vult nobis significare. Atqui tueri se etiam nequeunt Simpliciani dicentes, ibi cogitatiuam sub phantasij nomine, cum huic valde similis sit, ab Aristotele fuisse comprehensam: quoniam, si hoc esset, eò magis deinde restrictus fuisset Philosophus ad ostendendam inter vtranq; differētiā;

cum phantasiā à quacūq; alia cognoscente virtute disiungat: propterea quod loco adducto Aristoteles earum animę potentiārum, quę similiores inter se esse videntur, diligentius varietatem ac discrimen inquirat. Equidem nescio, quā ratione vir alioqui acerrimo ingenio Simplicius eiusmodi cogitativā finxerit, cum in iam citatę partis initio C L. contextum cum superioribus connectēs dicat, Aristotelem, cum post sensuum disputationem ad aliam animę vim iudicandi potestatem habentem transire vellet, recto ordine ad imaginationem, quę sensui proxima est, accessisse. Sed, postquam Philosophus de phantasia egit, statim ad intellectus nostri tractationem aggreditur. O rectum, præclarumq; ordinem, & dignum tanto Philosopho. Debebat ne à phantasię doctrina quamprimum ad intellectus disputationem transcendere, si cogitativa inter phantasiā & intellectum medium occupauerat locum? Eiusmodi mehercle figmentum, licet Doctissimorum virorum fuerit, adeo notum est, ut superuacaneum sit istud destruere. Quartum succedit Simplicii dictum, quo ille asserit humanum intellectum ideas & rationes omnium rerum in se ipso possidere (quod omnium sanè intelligentiarum vult esse proprium) quas ideas & rationes ei opus est contemplari, si intelligere velit. Latissimus hīc mihi sese campus offert reprehendendi Simplicium. Hic enim Platoni aliquādo ita additus fuit, ut in Peripatetica disciplina valde peccauerit. Porro Aristoteles tot locis eiusmodi labefactavit ideas, penitusq; destruxit, ac eas toties tum ratione ortus rerum, tum scientię causa vanas atq; inutiles esse demonstravit; ut, si istud idem in præsentia vellem ostendere, ea mihi frustra, & sine laude repetenda essent, quę iam trita & vulgata sunt in scholis Peripateticorum. Ego tamen duo tantum addiderim loca, quibus Simplicius ab Aristotelea veritate penitus descivisse, videbitur. Scribit Aristoteles in. xii. Primę Philosophię commentario, in ijs, quę materiam non habent, idem esse intellectum, rem, quę intelligitur, ac ipsam intellectionem, probatq; Deum Op. Max. solum se ipsum intelligere: quoniam, si quid aliud præter se ipsum

ipsum intelligeret ab eiusmodi re intellecta fumeret perfectionem, nec esset omnium rerum, quæ sunt, præstantissimus, neq; in supremo, & altissimo vnitatis, simplicitatis, nobilitatis gradu collocatus. Consideret ergo simplicius, an hæc permanere possint, si in Beatis Mentibus, ac Deo Opt. Max. rationes, rerumq; ideæ reponantur. Non me later, Clarissimos viros existimasse, Aristotelem in idearum positione à Platone præceptore suo non discrepasse: ego verò istud auderem nunquam confiteri. Etenim cur Aristoteles in priorum Posteriorum libro eas *τεπετίσματα* appellat? Cur eas toties in Naturali, & Diuina Philosophia ita asperè infectatur, ac destruit? Cur in primo Ethicorum libro affirmat, se veritatis amore coactum esse, Præceptoris sententiam de Ideis refellere? Minime decet virum summum in maximarum rerum scientia, qualis fuit Aristoteles, aliud ore proferre, aliud autem corde sentire. Quòd si etiam nunc id ei tribuere volueris, igitur Aristoteles ea debuerit argumenta diluere, quæ contra Platonem adduxit: nam eandem vim habent aduersus ipsum, illumq; eadem ratione torquent. Profectò Aristoteles, quanquam omnes formas actu, & eminenti excellentiq; quodam modo in Deo Opt. Max. contineri asseuerauit: attamen noluit has esse ideas separatasq; rerum rationes: quippe qui nullam in summo Deo neq; secundum rem, neq; secundum rationem multitudinem ponendam esse censuit: sed eum statuit naturam vnam tantum ac formam esse omnium eorum, quæ sunt, simplicissimam, nobilissimam, perfectissimam, in qua omnes aliæ quinetiam formæ splendescere dicuntur: quoniã deus est actu omnia ea, quæ sunt, sed longè nobiliori ac perfectiori quidem modo, quàm ista extra eum reperiantur, perinde ac dicimus aurum & continere, & esse omnia cætera metalla, quæ extra ipsum inueniuntur. Hinc euenit, vt Princeps ille omnium Deus se ipsum tantum intelligendo omnia quoq; alia intelligat, producat, conseruet, & admirabili ordine, summaq; iustitia administret ac moderetur. Cæterum, ut de humano loquar intellectu, in quo tota præsertim controuersia versatur, vi-

deo



deo ubiq; Philosophum aſſeuerare, huic ſemper; dum intel-  
ligit, opus eſſe Phantaſmata ſpeculari. Sed, quoniam infra  
diligentius á nobis eiufmodi ſunt loca examinanda, idcirco  
hæc nunc ſilentio prætereuntes explicabimus illa, quæ ſcribit  
Ariſtoteles in fine ſecundi libri Poſteriorum: et hic alter eſt  
locus, quo maximè Simplicií ideis obſtiterimus. Volens igitur  
in fine ſecundi libri Poſteriorum docere Philoſophus,  
quo modo in principiorum notionem deueniamus, quaſdã  
prius de eis dubitationes mouet; ac ambigit inter alia, an ha-  
bitus cognitionis principiorum, cum non inſint prius in no-  
bis, poſterius gignantur, an inſint quidem, lateant autem,  
cum inſint. Huic proximo diuiſionis membro reſpondens  
inquit, turpe, ac valde abſurdum fore, ſi principiorum no-  
titiã, quæ eſt exactior & perfectior notione demonſtratio-  
nis, in nobis iſſis poſſideamus, & ea nos lateat. Quare pau-  
lò poſt docet, quemadmodum intellectus noſter quandam  
ſolùm poteſtatem habet ad eiufmodi habitus cõſequendos,  
utq; medio ſenſu in principiorum notionem progreditur. Si  
quidem ex ſenſu fit memoria; ex memoria autem ſæpe de ea-  
dem re facta oritur experimentum, ex procedẽte autem expe-  
rimento, & ſæpe ac ſæpius confirmato vniuerſale conſtituitur,  
quod eſt deinde principium ſcientiæ. Quod quidem vniuer-  
ſale declarans Ariſtoteles ait, illud eſſe, quod eſt ſimile, & idẽ  
in omnibus eis, quæ ſenſu percepta ſunt, vniuerſale inquam  
in multis appellatum, non autem vniuerſale, quod ante mul-  
ta vocatur. Quæ profectò omnia ut ſint omnino contraria  
Simplicií dictis, iuniori etiam philoſophanti manifeſtum  
erit. Simpliciis enim iis ſuis rationibus & ideis in nobis, quã-  
primùm orti ſumus, collocat habitus principiorum; quos ta-  
men in nobis tunc eſſe Philoſophus inſiciatur. Præterea no-  
uam ſcientiarum adeptionem funditus euertit, & Platonis  
reminſcentiam, velit, nolit Ariſtoteles, in animos noſtros in-  
troducitur. Et quamuis híc dicant Simpliciã; intellectum  
ratione quidem ſui, cum ad humana labitur corpora, remi-  
niſci; ſingulares verò homines ex pura ignorantia in nouam  
rerum progredi cognitionem; attamen eiufmodi reſponſio-



ne non tollunt absurda, quæ paulò ante à Philosopho adducta sunt. Adhuc enim id consequetur, ut principiorum, & demonstrationum in nobis ipsis notitiam possideamus prius, quàm hanc consequi videamur; & nihilominus tam excellens atq; diuinum bonum ignoremus. Addit quinto loco Simplicius, humanam mentem, cum intelligentiarum sit infima, & maximè ignobilis, extra se progredi, vergereq; ad humana corpora, & secum etiam ducere rationes ac ideas illas, de quibus supra locuti sumus. Hoc hercule commentum cæteris omnibus Simplicij chimæris longè præstat, uixq; poetæ concedi posset; nec ista subtilitas vllò modo philosophia digna censenda est. Simplicius enim qui humanam mentem extollere, eamq; in amplissimo cœlestium formarum gradu collocare studuit, à suo tam procul abest proposito; dum talia fingit, ut eam potius quacunq; naturali forma deteriori efficiat: quippe qui eam prorsus deducat ad accidentium naturam ignobilissimam. Quid enim sibi vult humanum intellectum extra se progredi, labiq; ad humana corpora, nisi eum in pauciores gradus redigi, & secundum propriam remitti substantiam, quod sanè calor, frigiditatis, albedinis, nigredinis, & aliarum qualitatum est propriū? Nunquam verò dicet Simplicius, humanum intellectum, dum extra se progreditur, secundum substantiam non diuidi; sed quædam solùm deperdere accidentia, & secundum ea refringi: siquidem formis à materia separatis nihil potest accidere, cum æterni sint, ac simplices actus, in quibus summa vnitas reperitur. Quamobrem Paulò infra Simplicius in aliud tam magnum decidit absurdum, ut nihil quidè in philosophia absurdius dici, aut excogitari possit. Hic enim asserit humanam intelligentiam in hoc impetu non totam à substantia propria, sed alteram tantum illius partem recedere. propterea quòd intellectus Agens in se ipso manet, & solùm Potentia qui dicitur intellectus progreditur. Ex quo necessariò euenit, vt substàtia æterna, & incorporea diuidatur, & illud quod est actus, non sit actus: siquidem actus est indiuiduus terminus, qui vel totus (si eiusmodi lapsum huic tribueris)

bueris) extra procredi, vel totus in se manere debet. Neq; Simplicius tueri se ipsum potest, quod in humano intellectu, cum intelligentiarum sit infimus, istud debeat tolerari. Siquidem Aristoteles, omnesq; huius interpretes communi propè consensu semel, bis, atq; iterum affirmarunt, omnes formas, quæ in substantiæ genere reponuntur (eas excipio, quæ quatuor sunt propriæ elementorum, & naturam mediâ inter substantiam, & accidens obtinuisse videntur) terminos esse, ac numerorum consimiles, quæ nullo modo diuidi, seu intendi, aut remitti possint. Verum Simplicius, eiusq; Sectatores commenta persequentes sua aiunt, intellectum nostrum iam ad humana corpora progressum, cum velit in pristinam reuertere nobilitatem, sumere à phantasmatibus occasionem, ut in rationes eas & species in eo existètes còuertatur. Nescio ego videre, quæ sit eiusmodi occasio: quoniâ phantasmata eo rēpore vel intellectum mouent, vel non mouent. Si moueât, igitur intellectus sumet perfectionem à Phantasmatibus, æternumq; à caduco passione afficietur; quorū neutrum nullo modo cōcedere volunt Simpliciani. Sin autem à phantasmatibus aliqua ratione intellectus non moueatur, quæ est ista occasio, quâ intellectui præbèt phantasmata? Equidē nullam video, eam quæso mihi ostendant Simpliciani. Dicunt præterea, intellectum nostrum, cum perfectionem amissam recuperauerit, amplius phantasæ auxilio non indigere; sed phantasiam eum tunc intelligentem sectari: affirmant enim intellectum nostrum nunquam sine phantasia vel præueniente, vel comitante intelligere; & eiusmodi distinctione. x i i. primi de Anima contextum interpretantur. Immo Auerroes, qui eiusdem est heresis, hunc locum exponens inquit, haud fieri posse, ut intelligat aliquid sine imaginatione. Profectò mihi videntur isti suo se gladio iugulare. Etenim si intellectus nunquam sine phantasia intelligit, igitur à corpore separari nequaquam potest. Hoc eo in loco est Aristotelis dictum, qui ait. *si autem intelligeret est phantasia quædam, aut non sine phantasia, neq; contingeret utiq; hoc sine corpore esse.* Eiusmodi quidem consequens adeò planum est, vt nullo modo vitari possit: siue enim

enim phantasia intelligenti præcat intellectui, siue hunc se-  
 cetur: siue intellectus illa egeat, dummodo nunquam sine  
 illa intelligat, haud fieri potest, inquit Philosophus, ut à cor-  
 pore separetur, quemadmodum reliquæ animæ nequeunt  
 disjungi virtutes. Et quanquam hic aliqui se hoc laqueo pu-  
 tant absolvere dicentes, Aristotelem cum conditione fuisse  
 locutum, & præter id usum esse verbo, *neq; contingeret*, quod  
 idem posse, & non posse intellectum separari significat: ij ta-  
 men frustra laborant, ac nihil meo quidem iudicio faciunt.  
 Siquidem Aristoteles, ut prius istorum dictum refellam, ma-  
 gis infra absq; vlla conditione planè aperuit sententiam suâ,  
 Quamobrem in C L I I I. tertii de Anima contextu apertis-  
 simè asseruit intellectum absq; phantasia operari non posse  
 dicens. *phantasia enim aliud est et a sensu, et ab intellectu, et sine*  
*hac non est existimatio.* Quod sanè idem xxx. ac xxxii & xxxix.  
 contex. Eiusdem i ij. significauit, cum dixit, necessarium  
 esse intellectui nostro, cum intelligit, rei semper intellectu  
 phantasia speculari. Et nunquam in libris de Anima repe-  
 ries Philosophum, aliquo intellectui nostro proprium & pe-  
 culiare opus assignasse: sed cum semper in quocunq; tem-  
 pore puram simplicemq; potestatis naturâ conseruare, ubiq;  
 testatur. Vnde si aliter prædicant Simpliciani, ea comminif-  
 cuntur, quæ nunquam somniauit Philosophus. Iam verò al-  
 rerum adductæ responsionis caput reijcio. Valde miror,  
 quod isti dicant, eo verbo, *neq; contingeret*, possibile, & non  
 possibile significari, cum scripserit Aristoteles i ij. Sectio-  
 ne libri *μετά ΕΡΜΗΝΕΥΣ*, quotiescunq; in eis propositionibus,  
 quæ cum modo proferuntur, negatiuam particulam ipsi mo-  
 do adiungimus, nos affirmationi negationem oppositam,  
 vereq; contradicentem efficere, quæ idem, quod affirmatio,  
 nunquam significare potest. Quamobrem, si eiusmodi pro-  
 positione, Contingit intellectum non separari, cum possit, &  
 non posse separari significauerim, hac tamen altera, Non  
 contingit intellectum separari, cum nunquam separari posse  
 intellexero; quoniam aliter verè de eodem fierent affirma-  
 tiones, ac negationes oppositæ, cum eiusmodi propositione,

met. iij.

D Contingit



Contingit separari, hæc altera, Non contingit separari, ut verè contradicens & opposita negatio respiciat. Eiusmodi enim propositiones, ut loco citato docet Philosophus, mutuo se consequuntur, Non possibile esse, Non contingens esse, Impossibile esse, Necessè non esse. Qui igitur Aristotelis rationem in x. i. primi de Anima contextu necessariam esse negant, aut præcepta logices parui faciunt, aut negandi particulam è proprio loco tollunt: quàm prorsus vult Aristoteles cum verbo, Contingit, iungendam esse, cū in sequenti contextu planè affirmet, intellectum nostrum nunquam à corpore separari posse, si phantasie ope semper indiguerit. hæc autem illius sunt verba. *si uero nullum est proprium ipsius, non utiq; esset separabilis.* Quæ superiora optimè consequuntur, videlicet, non contingeret separari, impossibile esset separari, & necessè esset non separari. Sed fortasse in ijs Logicorū præceptis diutius morati sumus, quàm par erat. Idcirco ad aliud Simplicii dictum veniendum est, quò aperitiùs quidem videbimus, ut ille coactus sit Aristotelis verba extorquere, ac durius, quàm eruditum virum deceat, interpretari. Hic igitur inquit intellectum Potentia, & Agentem secundum substantiam eandem prorsus rem esse; sola verò ratione inter se discrepare. Porro Aristoteles in i. iii. libro de Anima de duplici intellectu mentionē facit, & alterū νοῦν δυναμει, & δυνατῶν, atq; παθητικόν appellat, quem iccirco etiā nos intellectum potentia, siue Possibilem, seu Patibilem vocandum semper duximus: alter verò ποιητικὸς νοῦς, & ἐνέργεια ab eo nūcupatur, qui intellectus faciens, siue intellectus actus propriè à nobis diceretur; sed hunc passim & cōmuniter Philosophi interpretes intellectum Agentem vocant. Iam verò, ut ad Simplicium redeam, qui fieri potest, ut Agens ab intellectu Potentia sola ratione differat, si Agens est purissimus actus, substantiam inquam, quæ est actus, nulla humanæ animæ pars, vel particula semper se ipsum intelligens, ac ab omni materiæ cōcretionē seiunctus, & immortalis? Alter verò contra, qui possibilis dicitur, hanc solam naturam habeat, ut sit pura potentia, & animæ nostræ particula, neq; seipsum



se ipsum intelligat, nisi per accidens, dum scilicet alia percipit, nec subiecto à sensu, & alendi virtute separatur? Profectò qui aiunt, intellectum Potentia, & Agentem vnā & eandem esse substantiam, similes sunt eis Philosophis, qui Deum, & materiam eandem esse substantiam asseruerunt: in enim pariter materiam & efficientem causam ratione eiusdem effectus eandem rem statuunt. Quod semper, tanquam illud, quod fieri nequit, derelictus est Aristoteles, ac ceteri Peripatetici omnes: quippe qui ex hoc nouerint, illud euenire, ut possent simul de eadem re duæ veræ esse propositiones inter se omnino contrarie. Quibus autem rationibus Aristoteles intellectum Agentem cum habitu, quale lumen est, comparauerit, infra ostendemus propius, ni fallimur accedentes ad illius opinionem, quam Simplicius effecerit. Et pariter declarabimus, quæ sit postrema hominis felicitas ac beatitudo constituenda illi, qui secundum Aristotelis decreta philosophatur. Somniant quippe isti, non docent humanam felicitatem, cum inquirunt, eam nos adipisci, cum intellectus Agens, tanquam forma, intellectui Potentia coniungitur. Nempe illudunt nos si homines alioqui grauissimi, cum illud summum bonum proponant nobis, quod neq; ipsi, nec quisquam alius vnquam adeptus est. Caveant autem, ne eos eademmet ratione reprehendere valeamus, qua ideam boni à Platone introductam Aristoteles in primo Ethicorum libro reiecit. Nam ostendant nobis ij viri Doctissimi illud summum bonum, quod mens humana consequi valeat. Hæc sanè beatitudo, qua fruitur intellectus nobis, cum Agens, quatenus forma, ei coniunctus est, prætermitti à nobis debet, ut pote illa, quæ Aristoteli ignota fuit, atq; ab homine hac in vita naturali tantum ingenio, & humanis viribus acquiri nequaquā potest. Quod Beatus Thomas in 88. Quæstione primæ patris Summæ doctus quidē, vberiusq; demonstrauit. Quamobrem eum hac in re semper valde commendauerim, quod iustis & optimis de causis, vt verum Peripateticum, summumq; decebat Theologum, Aueroem, ac ceteros huius hæresis accusauerit. Illud

randem aggredior, quod ultimo loco asserunt Simpliciani: inquit enim humanum intellectum secundum naturam, & substantiam propriam æternum esse ac immortalem: ea verò ratione gigni ac interire, quia Agens, Potentia, & in habitu, siue secundum actum intellectus appellatur. Porro hæc omnia dicta arbitror Aristoteleæ sententiæ penitus repugnare, eo nimirum modo, quo à Simplicianis intelliguntur. Atq; ut hæc prius omnia vniuersali, & optima ratione tollā, quam particularim considerem, quo modo isti affirmare audent, humanum intellectū secundum substantiam propriā, atq; simpliciter esse immortalem, per accidens verò destrui, & interire ea scilicet ratione, qua Agens, Possibilis, & in habitu, siue secundū actum intellectus nominatur, si in fine x. li. bri Diuinæ Philosophiæ habeamus apertissimè nobis significante Aristotelem nihil omnino dici posse, corruptibile esse, vel incorruptibile per accidens, cum eiusmodi contraria necessario insint, quibus insunt. Quare, si quid corruptibile secundū accidens diceretur, cum illud, quod secundū accidens dicitur, ut non insit aliquando, contingat, idē sequeretur, ut aliquando corruptibile, aliquando esset incorruptibile; quod profectō secundū naturam fieri nequaquam potest. in citato autem loco propria hæc sunt verba Philosophi: *verum enim contrariorum alia quibusdam per accidens competunt, quælibet sunt & ea, quæ nuper diximus, & alia sanè complura: alia impossibile est illo competere modo, quorum de numero corruptibile est ipsum, atq; incorruptibile. Non est enim corruptibile quicquam per accidens: etenim ipsum quidem accidens potest non esse: corruptibile autem de numero est eorum, quæ hisce, quibus competunt necessario insunt: vel idem & unum corruptibile, atq; incorruptibile erit, si fieri potest, ut ipsi corruptibile non insit. ipsum ergo corruptibile aut substantiam esse cuiq; corruptibilium, aut in substantia esse necesse est. Eadem est profectō de incorruptibili ratio: ambo enim ex hisce sunt omnino, quæ necessario competunt. Iam verò singularim hæc dicta perpendamus, primumq; de intellectu Potentia loquamur. Cum inquit, hunc interire, Aduersarii (hinc enim de eiusdem etiam ortu fieri iudicium poterit)*

rit) vel istud, dum viuit adhuc homo, vt Socrates & Plato vel cum moritur, intelligunt euenire. Si dum viuit homo, mendacium dicunt: propterea quòd intellectus noster quatenus Possibilis est, nunquam viucentibus nobis extinguitur: si. n. hoc unquam accideret, eo præsertim eueniret tempore, cum sit intellectus secundum actum. Verùm tunc quinetiã potentia est, ut. viii. contex. i. de Anima asserit Aristoteles: quippe nunquam potestatis naturam abijcit, vt mox palam fiet. Sin autem putant Simpliciani, moriente Socrate, vel Platone intellectum interire Possibile ea nempe de causa, quia potestas eius & apertudo intelligendi destruitur, cum illius tamen substantia remaneat, tale aduersus ipsos argumentum formo, quod maximè torquet eos, & apertissimè demonstrabit, vnã cum intellectus nostri potestate eiusdem quoq; interire substantiam. Intellectus noster in Socrate moriente, quatenus Possibilis dicitur, interit, igitur quatenus etiam intellectus est, & secundum substantiam propriam necessario extinguitur. Consequens à me facile probatur: quoniam intellectus nostri substantia & natura est sola potentia. Inquit enim Aristoteles eo quinto admirabili ac propè aureo contex. *Quare neq; ipsius ulla aliqua est natura nisi, hæc, quod possibilis est. vocatus itaq; animæ intellectus (dico autem intellectum, quo intelligit, & existimat anima) nihil est actu eorum, quæ sunt, antequam intelligat.* Non me latet, Simplicium timidè ad hunc locum accedere, multumq; elaborare in ea particula. Neq; interpretanda: quoniam ex hac ille quinetiã comprehendit, intellectum nostrum materiæ primæ conferri, quæ pariter eam tantum naturã habet, ut sit pura nudaq; potestas. Atqui Simplicius dum inmutat verba contextus, totam Philosophi sententiam dilacerat, longeq; ab interpretis munere recedit. Nam intellectus noster si per accidens tantum possibilis diceretur, nunquam asseruisset Philosophus, hoc ei natura propria conuenire: immo verò, si hic secundum naturam propriam actus existeret, semper ac perpetuo talis esset, nec vllò modo illius contrarium aptari ad eum posset; neq; hic, vbi eius naturam Philosophus explicare contendit, vlla

ratione



ratione possibilis vocari potuisset. Quamobrem, si intellectus nostri potentia vel viuente, vel pereunte homine inquam dissoluatur, necessario quoq; istius destruetur substantia: quoniam hæc eadem est cum ipsa potestate. Præterea quo nani pacto inquit Simpliciani, intellectum nostrum, quatenus possibilis est, interire, eius autem superstitem remanere substantiam? Siquidem cum Socrates moritur, eiusmodi (vt eorum verbo utar) deficit possibilitas. quid deinde fit de substantia intellectus? remanet quippe, isti respondebunt. vbi seruatur? in cæteris, dicent, hominibus; neq; enim extra homines humanus reperitur intellectus. Sed qua ratione substantia intellectus, quæ erat in Socrate, à reliquis conseruatur hominibus, nisi ea è Socrate in alios se se transfulerit homines? Aut hercule è Socrate in cæteros homines transibit, aut euanescet in eodem. Cæterum hanc rem vberius etiam vt pertractemus, cum opinionis nostræ præcipuum sit fundamentum; magisq; ex Aristotelis sententia confirmemus, intellectus nostri substantiam vnâ cum eiusdem potentia in nobis occidere, ea afferemus in mediũ, quæ à Philosopho in libro de longitudine & breuitate vitæ scribuntur. Ea verò hæc sunt. Multa enim suo modo intereunt, ut scientia, sanitas, & morbus: namq; corrumpuntur hæc, etiam si non pereant, in quibus concepta fuerant, sed integra maneant. Sic ignorantia interitus est recordatio, & disciplina: rursus scientiæ obliuio, & fraus. Euenit tamen, ut cæterorum corruptiões naturalium interitus comitetur. Animalia enim si obierint, etiam scientia & sanitas, quæ inerant ipsis, pariter intereunt. Quamobrem de anima quoq; huiusmodi rationibus uteretur aliquis. Quoniam si in corpore fuerit anima non natura; sed eo pacto, quo in ipsa anima scientia est posset etiã utiq; alio modo perire, non solũ vnâ cū corpore. itaq; cum talis esse non appareat, aliter eius societatem corpori iunctiũ haberi oportet. Hæc sunt Aristotelis verba, ex quibus duo potissimũ contra Simplicianos eliciuntur. Alterum sanè est, quòd, cum quædam formæ duplici de causa per se, & ex accidenti, vide licet ratione contrarij, & subiecti ratione, cui insunt, deleantur, scientia, quæ intellectui nostro, tanquam subiecto, ad hæret, vel saltem in eius vi ac potestate sita est, & ab eo comparatur,



paratur, & exercetur, non solum obliuioni, & fraudis causa; sed etiam propter interitum destruitur hominis. Alterum vero est, quod ex hoc loco maximè perspicuum fit, intellectum vnà cum reliquis animæ viribus ex semine oriri, atq; hominem in formare. Cum enim Aristoteles duplici ratione quasdam formas interire docuerit, vel ratione contrariorum, vel propter subiectorum, in quibus insunt, dissolutionem, addit deinceps, propter hæc posse aliquem argumentari, animam extrinsecus ad corpus non accedere, sed esse illius formam, quæ è potentia feminis educatur. Etenim si anima (& sub nomine animæ intellectus præsertim comprehenditur, quoniam de hoc magis est controuersia) non fuerit animati corporis forma, quæ è semine statim oriatur, sed postea accesserit, vt scientia, quæ deinde in animam nostram aduenit, & disciplina comparatur, poterit sanè aliter interire præter eum modum, quo interitum corporis sequitur. Siquidem vt scientiæ, & aliarum formarum, quæ extrinsecus adueniunt, proprius est alter interitus, quem superstitionibus adhuc eorum subiectis patiuntur; & alter, non proprius, atq; ex accidenti, quò pariter vnà cum subiectis propriis tolluntur; ita necessario duplex animæ daretur interitus, si postmodum corpori adiungeretur. Vnde necessario periret aliquando anima animali adhuc incolumi remanente. Ceterum, cum non appareat, addit Philosophus, animam esse eiusmodi naturæ, ut ea pereunte adhuc animal superstes relinquatur, sed ipsa potius cum animali intereunte deficiat, casseneradum est, eam aliter, ac scientia subiecto proprio iungatur, cum corpore societatem inuisse, nempe è virtute seminis educatam huic tanquam formam coniunctam esse, quæ ab eo nequeat separari. Duo igitur excitato loco, sunt firmissimè accipienda, quæ in vnum etiam rediguntur, videlicet, humanam animam; vt reliquæ sunt naturales formæ, corpori animato, esse coniunctam, præterea intellectum hominis interitum consequi. Cuius quidem rei illud est signum, quoniam animali extincto scientia pariter, quæ ipsi inerat, euanescit. Et quanquam habitus scientiarum in phantasie organo

organo, veluti in subiecto proprio, fundantur, vt præter aliorum sententiam interpretum in vi i. Cap. sequentis libri de clarabimus; in intellectu verò solum, tanquam in vi ac potestate eos longo studio, & experientia sibi acquirere, & exercere siti sint: adhuc tamen Simplicianis valde obstat hic locus quippe: qui intellectum nostrum à phantasmatibus solum intelligendi captare occasionem velint, cumq; cum scientis habitum sibi comparauerit, phantasiam veluti insequentem habere pedissequam, cum nulla istius ope amplius indigeat. Quamobrem, si pereunte animali, adhuc etiam intellectus remaneret, scientia quoq; ac ceteri mentis nostræ habitus superessent. Nec satis est, ut possibilitas intellectus deleatur, cum quia eiusmodi possibilitas ex sententia Aduersariorum est accidens & aduentitium quoddam intellectui; & ideo subiectum scientiæ dici minime potest: tum etiam, quia secundum eos viuente adhuc homine destruitur possibilitas, & remanet scientia in intellectu, cum ab hac reiecta fuerit possibilitas; & mens nostra exoptato habitu decorata. Cæterum, vt omnis dubitatio & scrupulus euellatur, qui hac in re nos stimulare posset, qui intellectum semper inter operandum phantasmata necessario inspicere asseueramus, duo alia subiicimus Aristotelis loca, in quibus ille apertissime fatetur, intellectus nostri interire substantiam. Ex quibus tibi etiam perspicuum fuerit, quàm optime hic philosophorum præstantissimus sibi semper ubiq; cõstiterit. Prior igitur locus est in xx. tertii de Anima contextu, vbi inquit, nos minime reminisci, quoniam passiuus intellectus corruptibilis est. Non sum nescius, quid hic Auerroes, & Simplicius commenti fuerint. Sed infra in tertio libro nos ostendemus, quemadmodum in intellectu hic passiuo substantiam & naturam intellectus nostræ, qui Potentia appellatur, intelligere debeamus. Alter locus est in xxx. sessione Problematum problemate iiii. vbi manifestò asserit Aristoteles, humanam mentem à Natura gigni, ac deinde etiam perinde ladi, vt cetera Naturæ opera lacerantur. Quæ tamen, si esset perpetua, neq; Naturæ opus diceretur, neq; ab vlla re lationem aut detrimentum pati posset.

posset. Ibi igitur inquit Philosophus. *Est enim mens quoq; rebus a Natura nobis impertitis adnumeranda, uicem sane gerens instrummenti: ceteræ omnes, scientiæ, artesq; nostra opera sunt; mentem ipsam opus esse Naturæ fatendum est.* Ac paulò post subiungit. *Ita etiam mens, quæ res naturalis est, non protinus, sed in senectute maxime nobis contingit; atq; tunc potissimum consumatur & absoluitur, nisi detrimento aliquo lacera lesaq; sit, quemadmodum cetera quoq; opera Naturæ.* Hactenus satis copiosè demonstrauiamus, intellectum nostrum Potentia gigni, ac destrui secundum substantiam propriam, & nō secundum tantum eius possibilitatem, aiebant ut Simpliciani. Tam verò de secundo intellectu disserendum est, qui intellectus in habitu ab iis nuncupatur. Nempe hic intellectus in nobis gignitur eo modo, quo infra proprio Cap. ostendemus: nunquam autem extinguitur, nisi cum homo interit: quippe qui solo nomine ab eo intellectu, de quo paulò ante locuti sumus, diuersus est; cum in intellectu in habitu nihil aliud sit, quàm intellectus Potentia, qui homini scienti similis euasit, & perfectionem suam adeptus est. Quòd si uiuente etiam homine Simpliciani hunc interire velint, cū ei intellectus Agens, tanquam forma, coniungitur, atq; ex intellectu in habitu semper actū intelligens euadit intelligentia, eos iterum animaduerto, illa fingere, & comminisci, quæ nunquam docuit Aristoteles. Hic enim nullum alium in intellectum Potentia aduenire actum significauit præter eum, de quo in viii. contex. disseruit, atq; tunc intellectum nostrum *νοῦν κατ' ἐνέργειαν* appellauit; tamen si pleriq; latini omnes, & Simpliciani eum intellectum in habitu vocare consueuerunt. Si verò intellectus noster, postquam scientis habitum acquisiuit, maiorem adhuc perfectionem assequi posset, & fieri semper actū intelligens intellectus, utiq; Aristoteles, postquam de intellectu secundū actum disseruerat, statim hanc alteram intellectus nostri perfectionem nobis explicasset, cum hic locus tanquam proprius & peculiaris huic rei debeatur; nec tantam animi nostri præstantiam, summamq; felicitatem tacitus ullo modo præterisset. Verum hæc Auerrois, ac Simplicii commentitia



ria futilisq; sentētia satis hucusq; rationibus nostris euahuit; atq; iterum magis propter eas, quas infra adducturi sumus, euanesceat. Iam perscrutari oportet, an Simpliciani idem rectē de intellectu Agente cōsuerint, vt huic certamini, quod nobis cum illis est, aliquando finis imponatur. Profectō si Aristoteliis verbis fidem adhibere voluerimus, nunquam in intellectum Agentem gigni, aut interire dixerimus: siquidem Aristoteles cum istius naturam explicat, eum prorsus ab omni materia separatū, perpetuumq; & immortalem esse fatetur. Neq; hīc possunt effugere Simpliciani, quoniam hęc verba non de intellectu Agente ea ratione, qua Agēs dicitur, sed qua intelligentia est, à Philosopho proferantur: propterea quòd Aristoteles in tertio de Anima commentario de intellectu Agente, quatenus intelligentia est, minime disputat, ne limites Naturalis Philosophi transgrediatur. Eo autem in loco i i. de Anima adducto diligenter inspicienti patere potest, quemadmodum ibi Philosophus mūnēra & præstantiam Agentis intellectus exponat hunc sanē cum altero comparans, Potentia qui dicitur intellectus. Quod enim inquirunt Simpliciani, intellectum Agentem, quatenus Agēs est, in Socrate & Platone gigni, ac interire, minime affirmandum est: etenim cum intellectus Agens secundum substantiam propriam sit purissimus actus, scientia nimirum secundum actum, atq; , ut vno eum explicem verbo, sit Deus Opt. Max. quemadmodum infra à nobis demonstrabitur, nullam ei prorsus tribuere mutationem possumus. Et quamuis intellectus Agēs singularibus hominibus multò posterius intellectu Potentia coniungatur, eo scilicet tempore, cum phantasmata in phātasie organo retineri, ac percipi ab intellectu Possibili incipiunt: nihilominus eiusmodi copulatio verē intellectus Agentis ortus appellari nequaquam potest; quemadmodum istius etiam verus dici nequit interitus, cum quis perit singularem hominum, & in iis Agens desinit illustrare phantasmata. Quòd si pertinaciter tueri vellet Simpliciani, cum singulares homines intelligere incipiunt, ac deinde occidunt, quendam ortum, atq; interitū Agētem



Agentem intellectum pati, caueant primum, ne effectum nouum intellectui diuino tribuant, qui ab eo sine vllō medio proficiscatur; ac deinde, ne in eundem transferant illam nouitatem, quæ propria est singularium & caducorum hominum. Intellectus enim Agens semper ac perpetuò phantasmata illuminat, eaq; actu intelligibilia reddit. Et licet hoc die in te, vel in me ea collustrare incœperit; ob id tamen nō tollitur, quin sit æternum ita egregium & præclarum illius beneficium; neq; hac de causa vllum effectum nouum, aut genus ortus ei ascribere debemus. Quod item de obitu intellectus Agentis asserunt, aliter quidem se habet, ac ipsi arbitrantur. Nam intellectus Agens, cum eum tantum ad Socratē, vel Platonem, ac reliquos indiuiduos homines retuleris, qua ratione in eis deficit (si tamen eum deficere, concedere velimus) quatenus Agens nuncupatur, eadem porrò, quatenus intellectus est, ac substantia incorporea & immortalis deficere dicitur. Nec ipse valeo ingenio meo comprehendere, quo fieri possit modo, vt intellectus Agens, cum Socrates interit, quatenus Agens deficiat, & adhuc, quatenus intelligentia est, ratione eiusdem remaneat Socratis. Mihi quidem eo tempore videtur, si qua ratione est Agens, defierit esse in Socrate, nihil etiam amplius, quatenus intelligentia est, cum eo habere commercii. Probabilior sanè videtur esse altera ratio, qua asserunt Simpliciani, intellectum Agentem, quatenus Agens est, in homine deleri, quando, vt forma, intellectui Potentia coniungitur, nisi hæc copulatio, tanquam vana & futilis, iam explosa à nobis fuisset. Quare superuacaneum est amplius in hoc libro aduersus eam differere: si qua enim dicenda superfuerint, ea in v i i. secundi libri caput, differre oportet, vbi veram & propriam Aristotelis sententiam explicabimus de humana felicitate. Hæc sunt ea, quæ Simplicii, eiusq; Sæctatorum opinionem præcipuè labefactare, ac penitus destruere existimauius. Complura alia aduersus hanc hæresim à nobis adduci potuissent, quæ copiose aliàs à doctissimis viris fuerunt examinata: sed ea fortasse nō adeò Simplicium torquent, nec opinionis suæ fundamenta

euertunt. Iam verò nobis aggredi opus est ad illius sententia<sup>e</sup> explicationem, quam verè & constanter de Humano intellectu tenuisse Aristotelem, opinamur. Sed, eam ut distinctè & ordinatim, quoad eius fieri possit, exponamus, paulò altius nos ordiri, oportet, & breuiter ea recensere, quæ in duobus pri-

mis Animæ commentarijs

à Philosopho dis-

puta<sup>t</sup> fue-

runt.



# AD COSMVM MEDICVM FLORENTINORVM, AC SENEN-

SIVM DVCEM


Præstantissimum,

IVLII CASTELLANII FAVENTINI

IN SECVNDVM LIBRVM

de Humano Intellectu

Proœmium.



Ostquam homines, PRAESTAN-  
TISSIME COSME, multiplices,  
ac præclaros Naturæ, & cœlestium  
corporum effectus admirantes cœ-  
perunt primùm philosophari, &  
quas ignorabant, humanarum,  
ac diuinarum rerû causas indaga-  
re (siue Persas, siue Assyrios, seu  
Celtas, siue Aegyptios, siue, quod  
ego arbitror, hos Græcos fuisse volueris) ortæ sunt, & pau-  
latim creuerunt illæ artes ac disciplinæ, quæ nos ad bene bea-  
teq; viuendum informare consueuerunt. Ceterû à veteribus  
illis admodum antiquis Græcis (ab ijs enim præsertim Philo-  
sophiam, & omnes ingenuas disciplinas habuimus) vsq; ad  
Aristotelis tempus vera methodus & ratio latuit philosophâ-  
di: siquidem omnia, quæ ad differendi Artem, & Natura-  
lem, ac Diuinam scientiam, & ad Mores hominum attine-  
bant, hucusq; confusè, & sine vllò ordine explicata fuerant,  
& Poetarû fabulis obscurissimisq; allegorijs occultata. Vn-  
de omnes prorsus Philosophos, qui ætate Aristoteli anteces-  
serunt, nullam nobis perfectè planeq; tradidisse earum di-  
sciplinarum

serpstrarum, quas supra commemorauimus, sed potius fere  
balbutisse de omnibus, recte censere potueris. Tandem igitur  
accessit admirabili ac propè diuino ingenio præditus, &  
flumen orationis aureum fundens Aristoteles, qui cuncta  
Maiorum suorum dicta diligentissimè perpendens, & firmis  
sensuum vestigijs rerum inquirens veritatem, in summa  
caligine & tenebris iacentem, veluti sol, accendit & illu-  
strauit Philosophiam; eamq; adhuc paruulam, ac propè nu-  
dam, & balbutientem ad prouectam, usq; ætatem ingenue  
& liberaliter educauit, aureis & purpureis induit vestimen-  
tis, ac ita celeri & exercitata lingua formauit, ut de quacunq;  
re sine vlla hæsitacione loqui, ac differere posset. Inter om-  
nes verò laudes, quibus perpetuò Aristotelem usq; ad cælum  
extollere debemus, ea præcipua est, quòd hic philosopho-  
rum præstantissimus vniuersam philosophiam, quæ omnes  
ante permixtas & cõfusas habebat partes, ita ordinauit, præ-  
clareq; disposuit, ut nihil nos vtilius, nec commodius, nec  
aptius ad eam adipiscendam ab humano vnquam ingenio  
habere potuerimus. Hac, ni fallor, adductus ratione vir do-  
ctus in primis, & acutissimus Auerroes in Physicæ Auscultationis  
procæmio Aristotelem vocat sapientissimum Græcorum  
omnium, eiq; hanc egregiam, & summam tribuit lau-  
dem, ut Naturalem, ac Diuinam Philosophiam, & Logicen  
hic solus inuenerit, solusq; ad summam deduxerit perfectio-  
nem, cum ea, quæ usq; ad illius ætatem ante fuerant scripta  
à Philosophis, nec Logices, nec Philosophiæ verè partes nuni-  
cupari possent. Sed præter hæc si aliam quoq; **POTENTIS-  
SIME DVX**, partem inspexeris, in qua de vita hominum &  
moribus disputatur, profectò noueris Aristotelem, nihil om-  
nino prætermisisse, quod ad hanc vberius, & pulchriori ordi-  
ne, quàm alij fecerint, pertractandam, & perfectè absoluen-  
dam spectaret. Quid? non ne etiam Aristoteles Oratoriam,  
& Poeticam artem ita ingeniosè, ordinatim, & apertè tradi-  
dit nobis, ut pariter in hoc scribendi genere apud Græcos, &  
Latinos Auctores, iudicio Grauißimorum Hominum, pri-  
mus palmam acceperit? nec minus hodie, postquam huius  
Rbeticorices,



Rhetorices, & Poetices commentarii à Petro Victorio, ac  
 Vincentio Madio Philosopho; Franciscoq; Robortello,  
 tribus sanè Doctissimis, ac mei amantissimis viris explicati  
 fuerūt, illius monitis & præceptis vera ars & industria pateat  
 Oratorum, ac Poetarum omnium, quàm splendescat eiusdè  
 libris præpotens & gloriøsa Philosophia: Porro excellens &  
 incredibilis fuit, ILLUSTRISIME COSME, magnitu-  
 do ingenii, singularis disserèdi subtilitas, mira docendi venu-  
 stas, & elegantia, maximè ordinatū, & pulcherrimum scribè-  
 di genus Aristotelis; ac inter eos, qui de philosophia, & opor-  
 tarum artium studiis bene meriti sunt, hic quidè, si diligenter  
 perpenderis, cæteris tibi omnibus longè præstitisse videbitur.  
 Quare nos vni Aristoteli, cū eius potissimum diligentie, indu-  
 striæ laboribus, & studiis summo opere deuincti simus; maxi-  
 mas agere gratias, & maiores etiam semper habere debueri-  
 mus. Cæterum, vt summa, & perfecta tanti ac singularis glo-  
 ria philosophi, quæ huic quidem soli tribuenda est, expe-  
 rientia magis eluceat, nos cum ordinem breuiter expli-  
 cabimus, qui ab eo in Naturali philosophia obserua-  
 tus est, ut deinceps deueniamus ad eam methodum,  
 quæ vsus est in Animæ tractatione: Hæc enim prius  
 omnia percurrenda esse duximus, cum ad per-  
 cipiendam Aristotelis sententiam de Hu-  
 mano intellectu valde conducant;  
 cuius deinde explica-  
 tionem statim  
 aggredie-  
 mur.

QUIS FVERIT ORDO, ET SCOPVS

*Aristotelis in Naturali Philosophia.*

Cap. I.



VM Aristoteles in Naturali Philosophia doctrinam animalium, tanquam scopum, sibi proposuisset, postquam Naturæ ordinem sequens, de primis naturalium rerum principiis & communi earum motu, adhucq; de substantia, & cursu cœli, ac reliquis quatuor simplicibus corporibus, quibus vniuersitas mundi constituitur, nec non de vniuersali ortu, ac interitu rerum, & mutua quatuor elementorum immutatione tractauit; addiditq; eorum corporum disciplinam, quæ in media, & suprema aeris regione, ac in visceribus terræ duplici habitu gignuntur, reliquum erat, ut ipsum animalium disputationem aggredere. Verum, quoniam ei, qui perfectam contendebat animalium tradere cognitionem, operæ præcium erat hæc tria exequi, nempe ipsum animalium in primis substantiam & naturam explicare, deinceps de eorum ortu, tertio autem loco de vita, & morte illorum differere; ideo prius Philosophus de ijs omnibus confusam quandam nobis tradidit disciplinam in eis libris, qui de Historia animalium inscripti sunt. Cum. n. multiplex & varia esset natura animalium, diuersæ essent tū internæ, tum externæ eorum partes, varii modi eorum ortus, ac dissimiles vitæ, victusq; rationes inuenirentur, & omnia hæc plures ac diuersas in se haberet proprietates; satius esse duxit Aristoteles prius hæc omnia generatim, & eo tantum ordine, quæ seruat historia, nobis enarrare, quousq; solum questio si est ab eo explicata fuisset: nā paulo post distincte magis & diligenter, ut Philosophum decet, omnium causas inquit, & contemplatur. Cum igitur post eiusmodi historiam de substantia & natura animalium ei disputandum esset, quoniam duæ sunt principales partes, quibus animalium substantia naturaq; completur, materies nimirum, ac forma, idcirco quamprimum aggressus est harum contemplationem. Verum cum materia semper

ria semper à forma subiici videatur, & ea, quæ animalium est propria, notior sit ipsorum forma, quæ anima vocatur, atq; ingrediatur etiam illius definitionem, hac de causa Aristoteles primùm in libris de Partibus, & de incessu Animalium commentario causas nos docuit omnium eorum, quæ ad corporeas animalium partes attinebant. Quem etiam seruasse ordinem philosophum, possumus affirmare, in eorum tractatione, quæ sunt expertia animæ; quamuis propter naturam istorum corporum imperfecta ita distinctus eiusmodi ordo apparere nequeat. Sed Aristoteles prioris, & corporeæ partis animalium causis explicatis Animæ disputationem exorsus est, quæ in primo libro de partibus dixerat magis Naturali Philosopho conuenire, quàm materiæ, hoc est corporis animalium contemplationem, quoniam ea dignior est nomine Naturæ, quàm animalium materies habeatur. Quamobrem Aristoteles, ut doctè Themistius animaduertit, omne studium ac diligentiam, & postremas ingenii sui vires adhibuit ad negotium Animæ pertractandum adeò, ut propter eiusmodi disputationem magis, quàm propter ceteros commentarios, summam tanti Philosophi eruditionem, præstantissimumq; ingenium extollerere, admirari, & colere debeamus.

**QVA DE CAUSA ANIMAE SCIENTIA**

*ceteris ferè omnibus nobilitate præstet.*

**Cap. I.**



Antea est Animæ scientiæ nobilitas atq; præstantia, & ex altera parte adeò laboriosa ac perdifficilis est illius contemplatio, ut noluerit Aristoteles ad rem ipsam aggredi, nisi prius utrunq; horum veluti præmio quodam ostendisset. A priori igitur, & præclare quidem, sumpsit exordium, ut homines ardentius ad studium huius scientiæ cohortaretur. Anima autem cum sit forma, animaliumq; perfectio, ideo huius notionem dixit Philosophus & subiectionem, & demonstrationis inter ceteras vniuersæ philosophiæ

F contem-





contemplationes, Postnaturali tantum excepta, principem  
obtinere locum. Etenim siue infimam & ignobilissimam ani-  
marum spectaueris, quæ plantarum est propria, siue animad-  
uerteris supremam eam vim, & nobilissimam, quæ intelle-  
ctus & mens appellatur, atq; hæc seu sit animæ pars & potē-  
tia, siue extrinsecus proficiascatur, ac vti nauta se in nos na-  
scentes insinuet, siue intus communi aliarum rerū ortu pro-  
ueniat, quid nam ea admirabilius in hoc vniuerso caducarū  
rerum ambitu, quid præstantius, quid mehercle diuinius  
reperiri potest? Porro aliquis posset existimare v i i. Phis-  
ficæ Auscultationis librum, duosq; primarios cœli commen-  
tarios subiectæ materiei nobilitate animæ disputationem ex-  
cellere: sed hæc minime probanda esset opinio: quoniam in  
v i i. Phisicorum libro de Deo ea ratione, qua prima est mo-  
uens causa, non autem, qua est Deus Opt. Max. disputatur.  
In cœli autem commentariis quamuis cœlum animatum esse  
ponatur, in eoq; dextrum, & sinistrum, ceterasq; differen-  
tes loci positiones inueniri demonstretur; attamen de ipsius  
anima & forma, hoc est, de natura et substantia intelligentiæ  
cœli minime pertractatur: sed tantum in eis libris agit Philo-  
sophus de cœlesti materia, in qua residet intelligentia, perin-  
de ac se gessit in libris de Partibus Animalium, in quibus ocu-  
los, manus, & pedes, ac reliquas partes, licet cœsiut anima  
præditæ, haud tamen, quatenus eiusmodi sunt, considera-  
uit: quoniam animæ contemplationem ad libros animæ re-  
legauit, quemadmodum etiam intelligentiæ cœli considera-  
tionem Primæ reliquit Philosophiæ. Ceterum Animæ disci-  
plina demonstrationis *æpistola* Mathematicis scientiis, nedū  
ceteris cognitionibus longè præstat: propterea quòd in ea as-  
signatur causa, qua primis demonstrationum principiis assen-  
timur. Quod eo loco palàm fit, ubi ostenditur intellectum  
nostrum, cum in aliqua arte vel disciplina percipienda par  
hominis scientis euaserit, primorum principiorum termi-  
nos ea ratione cōnectere, & simul iunctos deinde affirmare  
constanter, cum eos intellectus Agens lumine suo maximè  
claros perspicuosq; reddiderit. Intellectus quidem noster  
primis



primis assentitur principiis, & ea iudicat, aliter sese habere  
 nō posse: atqui hic assensus & approbatio ab eo proficiscitur  
 præeunte lumine alterius intellectus, Agens qui nuncupa-  
 tur. Cuius quidē causæ, explicatio cum peculiaris sit Ani-  
 mę contemplationi, ab hac ceterę scientię (ut notauit inge-  
 niose Themestius) constantiam suam, & ἀντιβείναι assument.  
 Quamobrem Animę scientię cedere etiam debent Mathema-  
 ticę demonstrationes. Fortasse etiam quis crederet, eadem  
 ratione Postnaturalem Philosophiam ab animę doctrina an-  
 tecelli. Sed nos aliās in ea disputatione, quam contra Cice-  
 ronis Academicas Quęstiones commentati fuimus, omni stu-  
 dio probare contendimus, Diuinam scientiam inter omnes  
 principem obtinere locum. Cum enim potissimas, quibus  
 discimus, causas consideret, ac Dei Opt. Max. à quo intel-  
 lectus noster, & omnis alia res, ac veritas proficiscuntur, na-  
 turam & substantiam exponat, nos maximē docere videtur  
 & exactissima esse omniū disciplinarum, quę certa, firmaq;  
 scientia animum nostrum exornāt. Quam tamen sententiā  
 nostram ita explicauimus, vt saltem eruditis viris aliquid in  
 se, probabiliter continere videretur. Quamobrem haud  
 multum cum eis contendere debuerimus, qui Animę scien-  
 tię primas tribuere voluerint, eamq; hac in parte Diuinę etiā  
 antepone philosophię. Nos enim satis in ea Disputatione  
 consecutos esse arbitramur, si iuniorum Philosophantium  
 ingenia aliquātum excitauerimus. Verū eiusmodi ἀντιβείναι,  
 qua Animę contemplationem ceteris præstare disciplinis as-  
 serimus, ne hac in parte mancum quis crederet Aristotelem,  
 ad illud genus reduci debet, quo XLII. Primi Posteriorū  
 particula affirmat Philosophus, exactiorem, & priorem esse  
 scientiam alteram altera, quę ipsius esse, & propter quid est,  
 eadem dicitur. Siquidem intellectus noster iam habitum  
 scientis adeptus perinde demonstrationum principia respi-  
 cit, vt hæc deductas ab eis conclusiones spectant. Quare nec  
 etiā alicui mirum videri debet, quòd aliās Philosophus Ma-  
 thematicarum scientiarum ἀντιβείναι in primo gradu colloca-  
 uerit: tunc enim Aristoteles de ea ἀντιβείναι locutus est, quę ap-

paret in eis demonstrationibus, quæ testimonio sensuum cōfirmantur, atq; à causis ad passionēs & effectus demonstrandos proficiscuntur. Qua hercule ratione primas obtinent Mathematicæ demonstrationes, nō modò cum effectus prioribus causis, veris, proximisq; concludant; sed eis etiam videntur causis, quæ sensibus nostris, nedum intellectui manifestæ sunt: propterea quòd in continua & discreta quantitate, nec nō in quarto genere Qualitatis, quæ communia sunt sensibilia, tantummodo versantur. Sed iam methodum Aristotelis perpendamus: plus enim fortasse, quàm par erat, super hac priori parte digressi sumus.

QVAM METHODVM IN TRACTATIONE

*Animæ seruandam Aristoteles in primo libro polliceatur.*

Cap. I I I.



Ostquam Aristoteles Animæ disciplinam ostendit, cū subiectæ materie nobilitate, cū demonstrandi ἀκρίβειαν, præter Diuinam, cæteras omnes scientias excellere, nec non vtilitatem animaduertit, quam ea vniuersæ philosophiæ, præsertimq; Naturalium rerum contemplationi affert, proposuitq; se velle primū illius naturam & substantiam, deinde accidētia, & passionēs proprias inuestigare (in iis enim duobus præcipuè Animæ disputatio versari debet) in mediū difficultates affert, quæ & vtraq; parte nascuntur. Verūm, dum ostendit Philosophus, disputationem Animæ & in eius substantia, & passionibus examinandis multis obstructā esse difficultatibus, admirabili quadam arte & industria nos docet, qua vti nos methodo oporteat, ut omnes eurentur difficultates, dubiaq; dissoluantur. Eiusmodi verò ordinem, ac methodum seruandam esse ex philosophi verbis elicio. Quamuis de methodo definiendi maxima inter Philosophos ageretur quæstio, & alii aliter senserint, nos tamen in primis animæ definitionem asserere debuerimus, cum omnis, quæ suscipitur de aliqua re institutio debeat à definitione

tione proficisci. Ceterum cum diuersarum rerum diuersæ  
 etiam sint definitiones, primum nos animaduertere oportet,  
 an omnis anima vno & eodem loco, & subiecto contenta sit,  
 vel potius secundum diuersos locos (ut censuit Plato) subie-  
 ctæq; partiatur: & si sit eiusmodi speciei in cunctis animan-  
 tibus, an specie, vel genere in illis distinguatur. Etenim cum  
 nouerimus, omnes animas communi saltem inter se genere  
 conuenire, perpendemus postea diligenter, an animæ defini-  
 tio conflare debeat, vt animalis, hoc est, an definiri debeat,  
 vt genus vniucum: an potius talis sit omnis animæ defini-  
 tio, qualis est equi, canis, hominis, Dei, videlicet, an anima,  
 vt analogum genus species suas respiciat, quemadmodum ea,  
 quæ dicta sunt, sub viuo tanquam sub genere analogo redu-  
 cuntur: *ἡ δὲ* quippe, scilicet viuum primum de corpore cœ-  
 lesti, quod Dei voce intelligo, vt etiam Simplicius accipit,  
 deinceps de homine, cane, & equo veluti analogum prædi-  
 catur. Quod si nouerimus, animam in numero esse reposi-  
 tam analogorum, eam definire volentes, cum prius de tota  
 anima, quam de illius partibus differendum esse duxerimus,  
 primum nos inquirere oportebit, in quo genere reponatur,  
 videlicet, an in prædicamento substantiæ, vel alio quouis no-  
 uem generum collocari debeat: & inuento eius genere pro-  
 prio iterum considerandum erit, an in eo compositi, & mate-  
 riæ, vel potius actus & formæ rationem habeat. Post gene-  
 ris inuentionem haud multum elaborandum erit in differen-  
 tia animæ inuestiganda: propterea quod eam verè analogū  
 genus non habet, cum nihil sit, vel posterius quoddam factū.  
 genus quippe analogum non est res, quæ per se firma & con-  
 stans existat, sed à prima suimet specie omnem vim suam ac-  
 cipit: Verum, ut Animæ definitionem complere valeamus,  
 eius accidentia & passionēs incipere oportuerit: quæ sanè  
 via, à posteriori vocata, peculiaris est Naturali Philosopho.  
 Quemadmodum enim ipsum Quid est, quod dicitur princi-  
 pium demonstrationis, maximè nobis confert ad passionēs  
 & accidentia cognoscenda; ita ex altera parte, cum ignora-  
 mus definitionem, accidentia ad eam consequendam nobis  
 valde



valde conducunt : propterea quòd effectus vestigia sunt intellectu ad causas substantiasq; rerum percipiendas, cum in effectibus nescio quo pacto reluceat, & splendescat natura causarum. Sed illud præter hæc à nobis debet animaduerti, an Anima habeat aliquam passionem & operationem propriam : si enim uiderimus omnia istius opera & passionès à corpore dependere, atq; etiam intellectum absq; obiecto corporeo suo munere nequaquam fungi posse, tunc ita à nobis agendum erit, ut Animæ definitionem afferamus, in qua materia & corpus appareat : quæ quidem definiendi ratio maximè Naturalis est propria, ad quem attinet ob eandem causam de omni anima, quæ corpore, aut virtute corporea indigeat, pertractare. Hæc mea quidem sententia est methodus, quam primum in vniuersali animæ tractatione, deinde in singulis quinetiam speciebus Animæ definiendis seruandam esse proposuit Aristoteles. Nemini autem mirum videri debet, si hac in parte philosophus tradiderit modum definiendæ Animæ, cum in 1. Posteriorum libro de methodo definiendi satis exactè & diligenter tractauerit : neq; enim iccirco Aristoteles tanquam superuacaneus condemnari debet. Nam duplicem habemus Logicam (ut sæpe notat Auerroes) alteram vniuersalem, particularem alteram. Vniuersalis porrò vniuersales & communes regulas tradit philosophandi; & hanc Aristoteles in libris Logicæ facultatis vniuersam complexus est. Particularis autem particulares nos docet modos progrediendi in particularibus philosophiæ contemplationibus; hancq; in librorum statim initiis Philosophus proponere consuevit. Quod manifestum est in Physicæ Auscultationis præmio, ubi viam & methodum docet, qua illum uti oporteat in Naturalium rerum principiis inuestigandis. Sanè hæc particularis Logica ea est, quam in primo libro de Partibus Animalium *ἡ μετέωρος* vocat Aristoteles, eamq; in omni contemplandi genere inueniri affirmat. Sed nos altero quinetiam modo allatam dubitationem diluere possemus; quanquam prior satis valde facere videtur. Aristoteles enim in secundo Posteriorum libro nobis solum

tradit



tradit methodum definiendi species, & genera subalterna: de analogi verò definitione minime illi agendum erat: quoniam Logicus, cum sit artifex quidam crassus, Naturali, atq; Diuino Philosopho relinquit analogi considerationem; & si de eo ullam cogitationem habeat, illud sub æquiuoco comprehendere videtur.

QVAM DILIGENTER SERVAVERIT ARI-

stoteles propositam methodum in tradenda com-

muni anima definitione.

Cap. IIII.



AM verò à nobis videndum est, vt accuratè seruauerit Aristoteles eam methodum, quæ in primo libro ab eo fuit proposita. Porro Philosophus reiectis veterum sententiis philosophorum, quas de Anima protulerunt, eisq; selectis, quæ aliquid in se boni continere videbantur, quamprimum in secundo libro sententiam propriam afferre decreuit. Cum verò Anima, ut diximus, sit quoddam genus analogum, prius vniuersalem quendam de Anima sermonem habere debuit: quoties enim cunq; analogum alterum genus, & comprehensiones magis vniuersalis, sibiq; superiores habet, ante de analogo tractare oportet, quàm de speciebus illius differatur. Hac me hercule ratione Philosophus prius de Natura egit, eamq; definiuit in 11. Physicorum commentario, quàm de materia, & forma, quatenus Naturæ species dicuntur, sermonem faceret. Eundem præcisè ordinem in tractatione motus eum seruasse, perspexeris. Ens autem, quanquam vt analogum genus de substantia, & accidente prædicatur, attamen quia non habet supra se genus, neq; superiorem animi comprehensionē (quale enim genus reperies, & quid conceperis animo, quod ens appellari nequeat?) vniuersè ab Aristotele definiri non potuit. Quamobrem in 111. Primæ Philosophiæ commentario, cum ad propositam rem aggreditur, quamprimū diuidit ens in substantiam,

stantiam, & ea, quæ substantiæ accidunt (quæ sanè diuifio quædam maximè vniuerfalis entis tractatio nuncupari potest) & postquam de ente secundum accidens, & ente vero, quod est in anima (quæ duo entis genera propriè entia non dicuntur) in vi. libro differtur, statim in vii. ad substantiæ considerationem transit. Quæ cum sit prior entis analogi species, ab ea cunctorum omnino entium, vt in secundo quarti libri contextu Philosophus admonuerat, iudicium, notioq; dependet: & qui eam perfectè nouerit, vniuerfi pariter entis cognitionem fuerit consecutus. Quibus autem de causis vniuerfalis rerum disputatio particulari antecedere debeat, diligens, nec homo insulsus Auerroes in Physicorum proœmio, & sæpe aliàs declarauit; quæ quidem causæ tyroni etià philosophanti patere debent. Nunc vero ad ipsam rem accedentes dicimus. Cum Aristoteles veller communem omni animæ definitionem asserre, illius primùm genus inquirir, & ea de causa statuit substantiam quandam naturam esse, eamq; in tria genera, nempe materiam, formam, compositum secar: atq; vnum quodq; horum declarando asserit, eam esse materiam, quæ secundum se non est hoc aliquid, formam autem esse illam, propter quam res dicitur esse hoc aliquid; cum deinde illud compositum appelletur, quod ex vtraq; constat. Quibus item adiungit, se per formam & speciem intelligere *ἐντελέχεια*: quod absq; ratione non adidit, cum *ἐντελέχεια* ex Alexādri doctissimi hominis, ac diuini quidem interpretis sententia perfectionem & finem illius rei significet, cuius est *ἐντελέχεια*, & in primam, secundamq; diuidatur, quod speciei, & formæ non euenit. Post hæc Philosophus, vt ostendat Animam esse formam, non autem materiam, siue compositum, atq; ut reperiat communes animæ operationes, quæ in cunctis viuentibus inueniuntur, & quibus mediis totam definitionem complere possit, naturalia diuidit corpora, quæ substantiæ præcipuè dicuntur, in ea, quæ vitam habent & ea, quæ sunt expertia vitæ, & quæ sit vita declarans infert, corpora vitam possidentia necesse esse, ut sint substantiæ compositiæ. ex quibus

quibus deniq; concludit, Animam non posse esse corpus, neq; materiam, cum in subiecto insit, ut eius pars, atq; perfectio. Quare sequitur necessario, ut sit species & ἐντελέχεια, ἐντελέχεια autem corporis physici potentia vitam habentis. Quoniam verò duobus modis dicitur ἐντελέχεια, siue actus, primus videlicet, ut scientia, secundus, ut contemplatio, Anima est actus primus, siue prima ἐντελέχεια corporis physici potentia vitam habentis. Et hæc vniuersalis est Animæ definitio, in qua industriam Aristotelis & ingenii acumen admirari debemus: quippe qui genus analogum solùm etiã analogis terminis definierit: etenim substantia, actus, corpus, Potentia, vitam habens secundum analogiam prædicatur. Quem pariter modum Philosophum obseruasse in motus, & Naturæ definitione perspexeris. Hæc autem definitio secundum analogiam attributionis dictam de alendi, sentiendi, intelligendi virtute prædicatur; quoniam primum, & magis alendi virtuti conuenit, quàm reliquis duabus, cum ea absq; altrice anima constare nequeant, & ea sublata aliæ duæ pariter deleantur; quæ sunt primæ speciei analogi proprietates. Verum, ut persequamur ea, quæ proposito nostro maximè conducunt, Philosophus post adductam definitionem nititur probare securis & oculi exemplo, Animam esse primum actum, & quod quid erat esse (ut aiunt nostri Philosophi) corporis animati. Sed neq; hoc contentus longè omnibus præstas & ingenio, & diligentia Aristoteles in xiii. eiusdem secundi libri contextu proponit, se velle alteram communem omni animæ definitionem investigare, quæ dicat propter quid est, ac veluti principium sit allatæ definitionis, quæ fuit tanquam conclusio, & quæstionem quia est tantummodo explicat, cum veram causam non assignauerit, propter quam Anima sit forma, & quod quid erat esse corporis animati. Ad hanc verò alteram communem omni animæ inueniendam definitionem, non particularem, ut pleriq; aiunt interpretes, eadem via à posteriori dicta progreditur. In Sciendis enim animatis corporibus ab inanimis vitæ operatione, & distincta vitæ actione in eam, quæ intellectus est,

elloy

G sensus,



sensus, motus secundum locum, & alendi, augendiq; virtutis; nec non quibusdam harum animæ partium proprietatibus declaratis, atq; vt istarū aliquæ in plantis & animalibus separentur, in homine verò omnes sola ratione discrepent; tandem assert in xxiiii. contextu alteram definitionem explicantem propter quid Anima sit forma, & præmus actus corporis animati; & hac ratione quidem argumetur. Cum illud, quo viuimus, sentimus, mouemur secundum locum, & intelligimus, duplici in nobis de causa reperitur, & beneficio corporis, & beneficio animæ: sed corpus secundaria id nobis ratione præstet; anima autem veluti prima causa istud priori nobis ratione largiatur, necessario sequitur, ut Anima quædam species & forma, non autē aliqua materies & subiectum dicatur. Siquidem illud forma & actus appellatur; à quo primò actiones proueniunt, quæ in animalibus videntur. Quod scientiæ ac sanitatis exemplo clarissimè demonstratur, primaria quarum ratione nos scimus, & sanorū corporum muneribus fungimur. Vt priori autem ratione vitam, sensum, motum secundum locum, & intelligentiam ab Anima obtineamus, hinc facile deduci potest. Etenim cum triplex dicatur esse substantia, nimirum species, materia, compositum, & materia sit potentia, species actus, qui quidem est prior potentia, atq; Animæ actus non sit ipsum corpus, sed cuiusdam corporis, nempe animati corporis esse dicatur, Anima profectò illud erit, quo prius viuimus, sentimus, mouemur secundum locum, & intelligimus. Quamobrem statim in xxvi. particula subiungit Philosophus, eos optimè sensisse, qui Animam corpus & esse negarunt, & eam nihilominus absq; corpore persistere nequaquam posse affirmarunt. Porro hucusq; Aristoteles vniuersè & generaliter de Anima pertractauit: mox dein de singularem vniuscuiusq; potestatis Animæ tractationem aggreditur: quoniam vniuersalis rerum cognitio parum prodest, nisi particularis, quæ exactior est, eam comiteretur. Antequam vero rem ipsam attingat Philosophus proponit, ordinem à nobis notioribus sibi obseruandum esse, eum nimirum

velle



velle ab obiectis ad opera, & ab operibus progredi ad partium Animæ substantiam & naturam explicandam. & itaq; in primis agit de alendi, augendiq; virtute; quippe quæ in animatis omnibus reperitur, & idcirco infima est, ac aliarum ignobilissima: addas tu, & quoniam est prima species, de qua Anima, ut analogū, p̄dicatur. Absoluta altricis animæ disputatione de omni sensu tum externo, tum interno differit Aristoteles: tertio loco naturam explicat phantasiæ: tandem verò ad intellectus nostri contemplationem accedit. Quam sanè partem veluti scopum nobis proposuimus, & ad eam quā primum aggrediemur, postquā ea, quæ ex superioribus philosophi dictis eliciuntur, breuiter perstrinxerimus.

ANIMAM NON POSSE A CORPORE

*separari, & quæ sit vera hominis forma, quibusq; partibus constet, & quomodo uocetur.*

Cap. V.



VM supra dixerimus, Animam non esse corpus, sed esse aliquid corporis nimirū primā corporis ἐντελέχειαν, hoc est, primū corporis actū & perfectionē, idq; demonstrauerit Aristoteles. nō solū ratione quia est dicēte, sed ea etiā, quæ propter quid explicat, vnā cum Gregorio Niceno Theologo alacri animodebemus asserere, Animam ex Aristotelis sententia à corpore seiungi non posse: ἐντελέχεια, enim quæ est perfectio finisq; postremus, ac ille habitus, qui motione acquiritur, minime separari potest ab eo, cuius est ἐντελέχεια: quoniam hoc naturæ actus, ἐντελέχειαq; repugnat. Sed quia hoc aliquis de intellectu posset ambigere, idcirco nos in præsentia istud aperire conabimur eis præcipuè Aristoteleis dictis, quæ hucusq; recensuimus. Porro Aristoteles Animæ genus inquirens, quò eam definire posset, substantiam in materiam, formam, compositumq; diuisit; & cum forma sit ea, qua res dicitur esse hoc aliquid, illam pro genere Animæ sumpsit, & tandem allata definitione in vii. particu-

la concludens hæc ait : si quid igitur commune de omni anima oportet dicere, erit utiq; primus actus corporis physici organici . Sanè intellectui, si hic, vt æternum, à corpore seiungetur, non erit communis Animæ definitio . Neq; hunc possumus locum interpretari, ut nonnulli faciunt, dicentes hic Aristotelem de alendi solùm, ac sentiendi virtute loqui: propterea quòd allatam definitionem in x x i i i . contextu probat eo, quòd Anima proprium ac verum principium est, quo viuimus, sentimus, mouemur secundum locum, & intelligimus. Ex quo apertissimè constat, sub priori definitione intellectum etiam comprehendì, & omnem animam, siue plantæ, seu bestiarum, siue hominis fuerit, corporis actum à nobis affirmamandam esse. Præterea Philosophus in x x v i . contextu eorum sententiam reiicit, qui Animam ad corpus tantum accõmodabant, nec quid, aut quale esset eiusmodi corpus determinabant : & ex altera parte commendat eos, qui Animam non esse corpus, sed bene esse aliquid corporis, & sine corpore existere nequaquam posse, opinabantur . Verùm vt hæc veritas magis appareat, & ostendamus, quàm firmè semper in hac sententia permanserit Aristoteles, alium superiorem locum x v . contex. diligenter considerandum proponimus, vbi asserit, altricem animam à sensu, & intellectu posse disiungi; sensum autem, ac intellectum ab ea in mortalibus minime separari posse . Profectò, vt vult Aristoteles, animam stirpium secundum substantiam propriam, nedum secundum rationem, à sensu & intellectu seiungi : ita me hercle cum sensum, & intellectum inquit ab alendi virtute non separari, necesse est etiam, hæc tria vt secundum substantiam propriam simul iungi in caducis affirmet. Et si quis hoc à Philosopho intelligere veller apertius, ut planè videat, nos non posse aliter interpretari Aristotelem, legat, ac perlegat x x i i . contextum, qui sequitur, vbi Philosophus, postquam probauit, animam stirpium à cæteris secerni, ostendit deinde, reliquas partes animæ sola inter se ratione posse disiungi: inquit enim. Reliquæ autem partes animæ manifestum ex his, quæ separabiles non sunt, sicut quidam dicunt: ratione autem, quòd aliæ, manifestum est: sensitivo

*sensitio enim & opinatio aliud; siquidem & sentire ab ipso opinari. similiter autem & aliorum, quæ dicta sunt, unum quodq; . Nempe Aristoteles quod in primo asseruerat libro Platonem reprehendens, qui animi nostri partes inter se loco, & subiecto distinxerat, hic apertissime confirmavit, intellectum scilicet cum sensu, & reliquis Animæ potentijs vnâ & eandem esse substantiam, neq; ab eis, nisi sola ratione disiungi posse. Illud verò mihi non obiiciatur, hic nos per opinatiuum debere intelligere phantasiam, vel eam cogitatiuam, quam nunquam excogitauit Aristoteles: propterea quòd Philosophus de eis Animæ partibus loquitur, quibus supra constare Animam affirmauerat in xviij. contextu dicens. Nunc autem totusq; dictum sit solum, quòd Anima est horum, quæ dicta sunt, principium, & his definita est, uegetatiuo, sensitio, intellectio, & motu. De quibus deinde statim in sequenti contextu dubitauit, an inter se loco, & subiecto disiungerentur, ac in xx. contextu docuit, quid de alendi virtute credere debeamus. Igitur reliquum erat, ut in xxi. de reliquis iam motam ambiguitatem dissolueret. Verba autem græca διανοητικόν, καὶ διφασικόν in phantasiam, siue cogitatiuam perperam conuertuntur, ut fideiiores, eruditioresq; Græcorum interpretes attestantur. Sed præter hæc alio quidem loco secundi libri de Generatione Animalium cap. iij. uti ad hanc sententiam valde aperto ac optimo possumus. Vbi Aristoteles, postquam nobis ostendit, semina fecunda esse ratione spiritus in eis contenti, atq; eiusmodi spiritum naturam ignis non obtinere, sed potius similem esse elemento stellarum, tandem subiungit, omnem animam inesse in semine secundum potentiam; nempe omnem vim ac animæ partem vnâ cum semine à patre deciso oriri; tametsi aliqua est à corpore separabilis, qualis humana mens existit; aliqua verò nequeat separari. Atq; hæc sunt verba Aristotelis. Corpus autem genituræ, in quo semen animalis principii contentum vnâ prouenit, partim separabile à corpore, in quibus diuina pars comprehenditur, qualis est, quæ mens appellatur: partim inseparabile; hoc inquam genituræ semen dissoluitur. Quibus verbis apertè conspiciamus, mentem nostram idem cum*



cum cæteris Animæ virtutibus habere subiectum, vnâq; ori-  
rî cum semine; quoniam est principium animalium, præ-  
stantissima nimirum virtus, quæ repériatur in homine. Sciẽ-  
dum est igitur, vt colligamus ea, quæ ex iam supra demon-  
stratis inferri debent, cunctas Animæ virtutes, de quibus pau-  
lò ante mentionem fecimus, in homine reperiri, & sola inter  
se ratione differre. Siquidem vbi animarum præstantissima,  
quæ mens est, inuenitur, ibi necessum est reliquas pariter  
ignobiliore inesse (de caducis enim animalibus loquimur)  
quarum vis & potestas à nobilissima illa contineatur: quip-  
pe intellectus alendi, ac sentiendi virtutẽ perinde in se com-  
plectitur, vt quadratum in se triangulum continet; cum pro-  
pè in animis se res habeat, quemadmodum in figuris con-  
spicitur. Quamobrem humana Anima, cum hominis sub-  
stantiam compositam vnâ reddat, vnâ tantum est nume-  
ro, & regiam sedem habet in corde, ut Aristoteles in libello  
de iuuent. & senect. ac in fine commentarii de communi  
animalium Motu apertissimè fatetur; tametsi deinde disper-  
gitur per vniuersum corpus. Quæ sanè Anima quâuis vnâ  
tantum sit numero, atq; vt vnâ in nostri ortu temporis pun-  
cto è virtute seminis educatur; plures tamen habet partes  
(nam est quoddam totum, non quidem in actu, sed in poten-  
tia) quas partes aliis nominibus alia ratione habita potentias  
& facultates nuncupare solemus. Quare maximè decepti  
sunt illi, qui crediderunt, quas nos facultates & virtutes Ani-  
mæ vocamus, eiusdem esse proprietates & accidentia: quip-  
pe quòd sunt Animæ partes, quæ naturam eius & substantiã  
constituunt, quod manifestò explicat Aristoteles dicens.

*Anima ijs definita est vegetatiuo, sensitiuo, intellectiuo, & motu.*  
Præterea si eiusmodi potentias volueris esse proprietates, ta-  
le subiectum à te Anima statuetur, cui demonstrationibus  
eiusmodi inesse accidentia, probare possemus; & verè dice-  
re, Animam sentire, intelligere, contristari, gaudere, irasci,  
tandemq; eam texere, & ædificare. Quæ tamen nomina,  
tanquam non apta nec congruentia Animæ, in primo libro  
ab ea reiecta fuerunt. Addas tu, si hæc potentia proprietates,  
& accidentia

& accidentia Animæ fuissent, eas toties Philosophus Animæ partes non appellasset: quoniam proprietates suorum subiecto-  
rum partes minime dicuntur. Hæ igitur partes ac potestates Animæ ita in vna anima colligantur, ut loco, & subiecto, quod  
supra monstrauimus, inter se minime separentur; sed æquæ  
omnes per singulas corporis partes diffuse sunt, velut colori,  
odori, saponi, qui in malis sunt aureis, cōtingere videmus. Et  
licet omnes Animæ uirtutes in quauis corporis parte reperiā-  
tur; minime tamē reprehendēda est Natura, quod frustra pe-  
dibus vidēdi facultatē tribuerit, cum hac in parte non videa-  
mus; neq; hic Natura fabricata sit instrumentum: quoniā fa-  
ctis est, ut oculis vidēdi munere fungamur. Porro Animæ par-  
tes ac potētīe subiecto, & loco inter se nō seiunguntur; sed ea  
ratione discrepant, quod aliæ, vt sensus & intellectus, nescio  
quomodo afficiuntur, antequam consequatur eorū actiones:  
aliæ verō, ut alendi, ac mouendi facultas, absq; vlla ab eis par-  
tione suscepta tantum agere videntur. Cui hoc alterū disci-  
men addas: siquidē Anima in omnium istarum functione nō  
vitur instrumento alendi quippe sentiendi, ac mouēdi virtus  
sine instrumento operari nequeunt: solus verō intellectus in-  
strumentum corporeum non requirit. Ex quo factum est, ut  
inter Animæ potestates aliquæ à materia abstracte; nonnullæ  
verō in materiam immerse dicerentur ea videlicet ratione,  
quod hæ vtantur, illæ non vtantur instrumento corporeo. om-  
nes tamē, vt diximus, in corpore sunt, & in vna vnius Animæ  
substantia colligantur, quæ ex nutriendi, sentiendi, moue-  
di virtute, nec non intellectiua constat particula; atq; ab  
hac vltima, tanquam à nobilissima omniū, intellectiua appel-  
lata est. Itaq; intellectiua anima, non intellectus vera erit ho-  
minis forma, quæ informabit hominē ac perficiet: siquidem  
intellectiua anima totum est quoddam, in qua, tanquā pars,  
vniuersæ formæ intellectus reponitur. Et si intellectus pro in-  
tellectiua anima, & contra intellectiua anima pro intellectu  
aliquando à Peripateticis vsurpentur, hos dixerim, ita loqui  
more Poetarum, qui partis voce totum, ac totius vocabulo  
sæpe partem significat. Sed iam tempus vidēdi adest, quam  
naturam & substantiam huic præstantissimæ parti assigna-

uerit Aristoteles, quæ est in causa, vt homo, cuius est propria, non modò cunctis aliis viuentibus maximè præster; sed propè etiam accedat ad diuinarum ac beatarum mentium nobilitatem.

QVÆ SIT NATVRA INTELLECTVS

Potentia. Cap. V.



VM Aristoteles, absoluta altricis animæ & sensuum cum externorum, cum interiorum disputatione, intellectus contemplationem aggressus esset, admirabili profecto arte ac ingenio eiusmodi negotium pertractauit. Siquidem cum duplex in nobis sit intellectus, alter, qui intellectus, δυναμις, & δυνατός, id est, Potentia, & Possibilis à Philosopho vocatur, cum hic solum naturā habeat puræ simplicisq; potentie, qua omnia actu potest euadere: alter aut, ab eo ποιητικός, & ενεργητικός, qui dicitur, quòd purus actus & simplicissimus existat, & ex altera parte omnia actu faciat intelligibilia; præterea cum iterum prior in intellectum secundum actum, & in eum, qui est potentia omnium penitus formarum expers, diuideretur; ab hoc postremo exorsus est, ut familiarem sibi Naturæ ordinem sequeretur, quæ à minus perfectis ad perfectiora semper progreditur. De eiusmodi verò intellectu duo sibi proponit inuestiganda, nimirum quæ sit natura & substantia intellectus nostri; deinde, quò pacto cum in rerum, quæ materia implicantur, cum in earum, quæ ab hac seiunctæ sunt, contemplatione versetur. Porro cum quæ stionem priorem absoluit, ab intellectu obiecto non orditur, ut in ceteris Animæ viribus explicandis ab eo factum est; quoniam hoc est difficillimum cognitum, ipsoq; intellectu nobis ignotius: sed media intellectus operatione deducit nos in substantiæ ac naturæ illius cognitionem. Quoniam verò intellectus actio simillima est sensus operationi, & sicut sensus ad sensibilia, ita sanè intellectus ad intelligibilia se habet, propterea



propterea Philosophus ex sensus actionis, cum ea, quæ intellectus est, comparatione, tanquam ex firmo stabiliq; fundamento, terminat & concludit veram & propriam naturam intellectus Potentia. Ita vt rectè censere possis, à sensu huiusq; operatione nobis valde perspicua vniuersam hanc intellectus nostri proficisci notionem; ac in re multum obscura & perdifficili cognitu nulla potuisse Philosophum maiori declaratione vtī, ac facilitate docendi. Consideremus igitur diligenter, qua ratione substantia & natura intellectus ex consimili huic sensus operatione nobis innotescat. Atq; ut præclaram Aristotelis methodum, quoad eius fieri possit, ostendamus, ad singularem aliquem sensum, veluti ad oculum, recurramus, cum istoq; comparemus intellectum: ita enim facile cuncta ea eliciemus, quæ ad naturam intellectus pertinent, & huic attributa sunt à philosopho generaliter conferente intellectus actionem sensus operationi. Sanè oculus, ut ex ii. Animæ commentario percepimus, cum oculorum omnium iudicium ferat, eiusmodi naturam habere videtur, vt eorum species recipere valeat, easq; recipiendo nescio quodam afficiatur modo; quæ quidem affectio nō passio, sed potius est appellanda perfectio. Quare antequam colorum species suscipiat, à colore diuersus est, ac potentia species; specie verò suscepta colori similis euadit. Præterea, cum colorum omnium species recipere debeat nullo penitus colore depictus est; quoniam color, & eiusdem species, omnino non differunt, ut sepæ aliàs, ac præcipuè ex tertii de Anima CXLVII. contextu didicimus. Ita nō hercle, ut oculus, intellectus noster se habet. Cum enim sit ille, cuius interest rerum intelligibiles formas percipere, eas suscipiendi facultatem habet. Atqui eas dum suscipit, tantum abest, ut vlla afficiatur passione, ut potius valde perficiatur. Quare, vt etiam sensus, dicitur impatibilis ea nimirum ratione, quòd inter operandum nullum contrarium abiicit, sed perfectionem consequitur. Idem quoq; ut oculus, antequam intelligibilem formam recipit, est eiusdem formæ dissimilis, ac eadem solum potestate, non actu: cum enim paulò post

H eam

eam susceperit, actu species, & ei similis redditur. Tandem  
 (& hæc est potior, ac magis optata consequentia) cum intel-  
 lectus noster omnes intelligibiles formas recipere debeat, im-  
 mo, ut rectius loquar, cum omnia debeat fieri intelligibilia,  
 omni forma & actu omnino priuatus est, & secundum natu-  
 ram propriam solum pura est nudaq; potestas. Etenim si ali-  
 qua forma existeret, quomodo esset intelligibilium forma-  
 rum dissimilis, antequam eas reciperet, & quo pacto cæteras,  
 & omnes formas diceretur posse recipere? intus enim existens  
 prohibet, ne ingrediatur externum; cuius est ratio, quoniam  
 id, quod recipitur, actus est recipiendi: duo autem actus per-  
 sistere simul nequeunt. Quamobrem Aristoteles ex ijs duo-  
 bus veris antecedentibus, videlicet, quoniam intellectus,  
 antequam percipiat intelligibiles formas, ab eis diuersus est;  
 & quia omnes intelligibiles formas debet percipere, insert  
 in iii i. contextu, necessarium esse, ut sit penitus omni for-  
 ma spoliatus: inquit enim. *Necesse est itaq; , quoniam omnia in-  
 telligit, immixtum esse, sicut dicit Anaxagoras, ut superet, hoc autem  
 est, ut cognoscat: nam alienum iuxta apparens prohibet, atq; seiungit.*  
 Quoniam omnia intelligit intellectus, nempe in materiam  
 immerfas, & abstractas formas eum necesse est, quò eas in-  
 telligat, immixtum esse, hoc est, & omnibus formis abstra-  
 ctis, & cunctis eis, quæ materia implicatur, spoliatum ac  
 denudatum esse. Cum inquit Philosophus, *quoniam omnia  
 intelligit*, vel de formis tantum in materiam immerfis, vel de  
 abstractis, vel de vtrisque sermonem habet. Si de vtrisque loqua-  
 tur, propositum meum sum consecutus: si abstractas solum  
 intelligat adeò, ut intellectus noster forma abstracta esse ne-  
 queat, sed benè materia implicata esse possit, quomodo dein  
 de cæteras materiatas formas intelliget, si materiatae formæ,  
 quatenus formæ, specie non differant? sin autem ea verba  
 Philosophus pronunciarit de corporeis & caducis formis, ut  
 intellectus debeat ab omni materia seiungi; attamen esse  
 queat forma separata, similiter haud poterit reliquas abstra-  
 ctas formas intelligere: quoniam intellectus noster recipien-  
 do species intelligit, ut supra monstrauius, atq; iterum  
 magis

magis à nobis confirmabitur . Sed præter hæc tota ruit similitudo, quam statuit Aristoteles inter sensum ac intellectum inueniri; quæ profectò magnificienda est, cum sit huius loci potissimum fundamentum. Oculus quippe, ut diximus, quia debet colorum species recipere, omnis expers coloris est: ita etiam intellectus, cum omnes intelligibiles formas recipere debeat, necesse est, ut quacunq; omnino forma priuetur. Et quanquam oculus, ac cæteri sensus secundum se actus & formæ sunt; dicantur autem esse in potentia, quatenus obiecta propria respiciunt: non ob id tamen, intellectum formam & actum esse à nobis statuendum est: sensus enim ex natura propria sunt formæ & actus: quippe qui instrumenta præcipua informant: atqui intellectus nullam habet corporis partem, quæ eius sit instrumentum, ab eoq; cõformetur. Et Aristoteles quãdo sensui contulit intellectum, ea ratione sensum considerauit, qua refertur ad sensibilia, & ea recipit. Nullus autem mihi occurrat, si intellectus, quod omnes intelligibiles formas recipit, quocunq; priuatur actu, eadem etiam ratione, cum materiam primam, quæ est nuda potentia, ac item aliquando intelligat se ipsum, quatenus naturam solùm potestatis habet, necesse esse, ut ab omni potentia separetur: siquidem intellectus noster materiam primam non comprehendit, quod ab illius specie moueatur (materies enim ex se ignota est) sed eam tantum analogia proportionis, atq; transmutationis ratione, quæ est actus, intelligit. Quo quidem obliquo & non legitimo argumento etiam percipit se ipsum, quatenus hic tantum naturam potestatis habet, quemadmodum infra à nobis declarabitur. Quamobrem intellectus noster ab omni potentia minime debet esse seiunctus (neq, enim in natura rerû inueniretur, cum nihil omnino esset) sed est actu ens nulla præditum forma eandem potentix naturam habens, quam materiæ primæ tribuimus. Verum, ut clarissimè pateat, quam nunc defendimus, propriam ac germanam Aristotelis esse sententiã, sequentia ipsius verba subiungimus, Aristoteles, cum in con-  
 textu iiii. ex eo antecedente, quod intellectus noster om-



ria comprehenderet, illud consequens intulisset, necesse esse, cum immixtum fore, & ab omnibus formis separatum, iterum ex hac conclusione alteram deducit, quæ apertius quidem ac planius naturam Potentia explicat intellectus. Quare neq; ipsius ulla aliqua est natura, nisi hæc, qua possibilis est, vocatus itaq; Anima intellectus (dico autem intellectum, quod intelligit, & existimat Anima) nihil est actu eorum, qua sunt, antequam intelligat. Viderint isti, qui, intellectum nostrum formam abstractam esse, ita acriter defendunt, an de forma separata vere & conuenienter hæc verba pronunciari possint, nempe, ut nullam aliam naturam habeat præter eam, qua sit possibilis, & nihil sit actu eorum, quæ sunt, antequam intelligat. Profecto tantum abest, ut eiusmodi verba de abstracta forma proferri possint, ut valde potius naturam illius destruant: separata enim forma secundum naturam propriam est actus, neq; potentia dicitur; & cuiusq; eam rei contuleris, nunquam poterit actus naturam amittere. Frustra etiam laborat Simplicius in ea particula, Neq;, interpretanda, absq; ratione immutat positionem verborum, indignissimè totam Philosophi sententiam lacerat. Sanè illa particula, Neq;, ad quoddam aliterum refertur, quod item solum potentia naturam possideat; atq; hoc nihil est aliud, quam prima materies: siquidem intellectus noster est materie primæ valde consimilis: nam, ut materia prima nulla ex se forma sensibilis; ita intellectus noster omnis forme expers in genere intelligibiliū fit omnia; & ideo materialis ab Alexandro sæpe dicitur intellectus, ac materia rerū intelligibiliū, ut altera sensibilibus materies appellatur. Atq; intellectus noster tantam habet ad materiam Primam similitudinē, ut nulla quouis alia duo similia inter se reperiri possint. Nam, ut prima materies omnes sensibiles formas in sua continet potestate, nullam omnino istarū possidens actu; sed eas deinceps actu consequitur, cū efficiens causa ex illius potentia eas educit in actum: ita intellectus noster nulla est actu forma intelligibilis, sed potentia omnes; quarum fit singule actus, quod phantasmata ab intellectu Agente illuminata ex huius potestate ad actum illas similiter deducant. . Talem igitur vult,

vult, esse Aristoteles naturam intellectus nostri. Neq; enim hic pro intellectu intelligentiam aliquam, vel Agentem intellectum, seu phantasiam, quæ aliquando vocata est intellectus, accipere possumus: quippe quod sermo est de humano nostroq; intellectu, quod eis verbis notauit philosophus, *dico autem intellectum quo intelligit & existimat Anima*, hic nempe humanus noster intellectus nihil est actu eorū, quæ sunt, antequam intelligat. Dixit, *eorum quæ sunt*, ut omnia excluderet actu intelligibilia, quod idem infra xviii. context. apertius iterum confirmauit; quò, si quis nollet assentiri litigiosus & pertinax, clarissimè illius sententiam perspiceret, inquit enim. *Atq; intellectus, potentia quidem, est quodam modo intelligibilia ipsa: actu uerò nihil est eorū antea, quàm intelligat ipse. Oportet autem in ipso nihil esse, atq; in tabula, in qua nihil est actu scriptum antea, quàm in ipsa scribatur: hoc enim in ipso fit, atq; accidit intellectu.* Pulcherrimè confertur intellectus noster ei aptitudini ad characteres recipiendos, quæ in tabula rasa deprehenditur, & non tabellæ præparatæ; quod voluit Auerroes, qui hac in parte dum accusat summum interpretè Alexandrum, Aristotelem pariter, ac Theophrastum reprehendere coactus est. Aptitudo enim & potentia duobus modis considerari potest: altero quidem capitur modo pro priuatione innuente subiectum aptum ad recipiendam formam; quæ quidem potentia adueniente actu destruitur, quoniam actui contraria est. Sed altera deinde ratione per potentiam, & aptitudinem intelligimus vim, facultatē & naturā quandam ad patiendū aptam; quæ sanè adueniente actu non destruitur, sed eo perficitur, qualis potentia videndi ambulandi, & cetera eiusdem generis dicuntur. Etenim hæc potentia si ab actu destrueretur, illud sequi, necesse esset, vt videre mus, cum minime istud efficere possemus. Atq; eiusdem modi potentiam vult Aristoteles, esse intellectum nostrum; quoniam nullum ante obtinet actum, quàm intelligit: & eadem de causa deliciæ meæ Alexander dixit, hunc similem esse magis præparationi, quàm tabellæ præparatæ, cum hæc sit quoddam actu compositum. Porro hæc potentia non est ea, quam

quam Aristoteles in secunda Qualitatis specie collocavit: sed enim illa est accidens, & agendi quædam facultas. At qui potentia, de qua nunc loquimur, dicitur patiens, & natura quædam potens, ac substantia ad patiendum apta, qualis est prima materies, & hic intellectus noster. In substantiæ quippe genere patientem collocari potentiam, ex primo Physicorum, ac vii. Diuinæ Philosophiæ libro manifestò collegimus præter Auerroem, qui in libello de substantia Orbis asseueravit, materiæ primæ substantiam in ipsa tantum potentia consistere. Etenim cum materia prima omnes sensibiles formas recipere deberet, necessariò secundum essentiam (si mihi uti liceat tritis & vulgatis verbis. Latinorum) potestatem obtinuit; quæ deinde cæteris rebus (ut iterum aiunt) per participationem atq; per accidens aduenit: quippe illa, quæ assiduè variant ac permutantur, ea sola ratione patiuntur istud, quod materiam primam participant. Quam obrem hoc in loco Simon Portius, Philosophus alioqui grauiissimus, in maximum errorem delapsus est, cum intellectum Possibilem Animæ nostræ accidens & proprietatem ex Aristotelis sententia decreuerit, eumq; seiunxerit à numero substantiarum. Siquidem cum Philosophus semel, bis, atq; iterum hunc Animæ nostræ partem vocauerit, minime ambigendum erat, an substantia esset, cum substantiæ partes substantiæ sint, & non accidentia. Nam prætermitto eundem Philosophum, qui quarto de Partibus Animalium cap. x. substantiam hunc appellauit dicens. *solus enim animalium homo erectus est: quoniam eius natura, atq; substantia diuina est: officium autem diuini est intelligere atq; sapere.* Porro Philosophus in primo contextu particulam potius Animæ, quam partem satis ingeniosè vocauit intellectum: propterea quòd mens humana non est in earum numero rerum, quæ sint actus, vel vllò perficiuntur actu: sed in eorum ordine collocatur, quæ omni forma spoliantur; entia quidem manca quodam modo, & imperfecta. Cæterum hæc potentiæ species, quam dicimus esse substantiam, totum non modò intellectum nostrum complexa est; sed aliorum quinetiam intellectuum partem occupauit.



pauit. Idem propè in ordine intellectuum animaduerti potest, quod materię sensibili, & eis omnibus, quibus cum illa communicatur, euenire paulò ante monstrauiamus. Etenim in genere intellectuum duo, qui extremi sunt, simplicem naturam habent: quippe Deus Opt. Max. est purissimus actus ab omni penitus materia, & potentia separatus, & solum se ipsum intelligit. Contra verò intellectus noster pura est nudaq; potestas: reliqui inter hos medij ex potentia, & actu componuntur: propterea quòd ceteris omnibus natura intellectus possibilis magis, & minus admiscetur; propter quàm in intelligentiis reperitur multitudo, & maioris, minorisq; distantia nobilitatis. Profectò nisi hoc potentia genus in illis existeret, omnes essent purissimi actus, & æquali omnes præditę perfectione, nec vllò pacto multiplicatę essent. Hæc verò potentia, quę abstractarum, ac beatarum mentium compositionem ingreditur, non est ea potentia logica, quæ in illis ab omnibus esse conceditur: sed est realis (vt ita loquar) potestas, quæ præter logicam necessariò poni debet in intelligentiis, quæ aliud extra se contemplantur. Siquidẽ cum id, quod intelligit, & id, quod intelligitur, reperiatur in illis, & hæc duo res verę existant, nec non ex ijs componantur intelligentię, necesse est fateri, veram esse potentia, nõ logicā, quę in re intelligente collocatur. Vera igitur, ac reali potetia, nedũ logica & comētitia, participes facti sunt diuini intellectus: sed mens humana omniũ infima adeò p̄ eā dispersa est, ut illā secundũ essentiā receperit; ac propterea (quod sæpe, ac sæpius diximus) eam solum naturā habeat, qua omnes intelligibiles formę possit euadere. Hęc me hercule sententia Aristotelis adeò plana & aperta est, vt, si aliàs obscure & breuiter opinionem propriam attulerit, hac in re planius, & apertius loqui non potuisset. Quamobrem cætera Aristotelis dicta satis bellè & optimè ad hanc nostram interpretationem accommodantur. Quippe Philosophus in vi. context. eundem intellectum nostrum asseruit, nulli corpori, & organo admistum esse: quod nulla alia ratione euenit, nisi, quia, si corpori admistus esset, & organo, aliquid secundum actum

actum existeret, & ita reliquas formas deinde recipere non posset. Eodem similiter contextu intellectum nostrum ex Platonis sententia cum loco comparauit, non quia, ut locus locata corpora, sic intellectus species conseruet intelligibiles; sed ea nimirum de causa, quoniam, ut locus locata recipit corpora, & caret omni corpore, ita intellectus species intelligibiles suscipit, omniumque, expertus est. Eadem propter ratione Philosophus in xxxviii. contextu intellectum nostrum manui similem esse dixit: propterea quod, ut manus fit ensis, malleus, securis, & omnia quaecumque; organa & instrumenta reperiuntur (etenim manus ea ratione organum organorum dicitur; quod in ea, quibus utitur, organa conuertatur) sic intellectus noster spiritali quadam ratione (latini ita loquuntur interpretes) fit lapis, arbor, animal, homo, & omnes ceterae intelligibiles formae. Neque hinc aliquis putet, falsam esse eiusmodi explicationem meam; quod eodem loco Philosophus humanam mentem specierum specie vocauerit: quippe qui eam ita non appellauit, quoniam haec sit aliqua species & actus, cum nihil sit actu eorum, quae sunt, antequam intelligat; sed quoniam potest omnes intelligibiles species euadere. Porro altera, ac subtiliori quidem ratione mihi occurri posset, primum, quomodo intellectus noster, si sit pura simplexque potentia, sub definitione Animae collocabitur, quam corporis actum Philosophus esse, determinauit: deinde, qua ratione in nobis existere poterit, cum omne, quod existit, aliquo actu existere dicatur. Ad priorem respondeo difficultatem, illam Animae definitionem cuiusque animae vniuersum non conuenire. Nam, ut recte inquit Alexander, pluribus rebus, quarum nonnullae sint perfectiores, quaedam vero ignobiliores, communem definitionem eundem quidem ac certam asserere non possumus. Intellectus vero noster, perinde ut nauta nauis, actus dicitur corporis: quippe est animati corporis actus, cum illud sit, cuius ratione agimus, videlicet intelligimus, & existimamus, ut nauis gubernator est in causa, qua nauis mouetur, rectumque conficitur cursum. Haec equidem ratione cum locum xi. contextus, in secundo

in secundo de Anima commentario exponendum puto. Ita  
 verò alter nodus à me dissoluitur. Quemadmodum prima  
 materies, quæ secundum se ipsam potentia est, ratione for-  
 mæ actu in composito existit: ita etiam intellectus noster, cū  
 sit totius humanæ animæ particula, quæ est corporis actus,  
 existit actu illius beneficio: qui nihilominus secundum natu-  
 ram propriam nuda est potestas ei aptitudini similis, quam  
 in tabella, in qua nihil actu sit scriptum, comprehendimus;  
 & idcirco nullius dicitur esse corporis actus, neq; alicui affi-  
 xus est organo, quod informet. Ex quo factum est, vt sim-  
 plex, immixtus, separabilis ab Aristotele fuerit nuncupatus;  
 & etiam à sensu differat, quòd à vehementiori obiecto ma-  
 gis perficitur, cum sensus valde potius lædi videatur. Ex qua  
 porrò similitudine, quam intellectus noster habet cum pri-  
 ma materia, pro confirmanda indissolubili eius cum reliquis  
 partibus animæ societate, illud deducere potes, quod aliàs  
 Auerroes de eadem materia prima satis doctè, ac ingeniosè  
 pronuntiauit. Etenim intellectus noster, qui secundum natu-  
 ram propriam pura est potestas, si vnquam se iungeretur  
 à corpore, ac cæteris partibus Animæ, quarum beneficio exi-  
 stere dicitur, illud sanè, quod per se potentia est, per se actus  
 efficeretur. Quod adeò absurdum est, ut nullo pacto mente  
 nostrâ, aut cogitatione percipi possit. Non me latet, quæ-  
 dam alia Aristoteles dicta primo aspectu huic explicationi  
 meæ repugnare: sed hæc, ne sermonem meum confundere  
 ac perturbare videar, in sequenti libro perpendam singula  
 diligenter. Nunc illud certum, firmum ratumq; habere de-  
 bemus, naturam intellectus nostri, quam primùm ille ab or-  
 tu suscipiat, puram esse, simplicemq; potentiam omnis  
 formæ expertem & actus. Quod cum satis superq;  
 à nobis demonstratum fuerit, reliquum est, ut  
 videamus, quia ratione mens nostra fiat  
 secundum actum, & perfectio-  
 nem propriam  
 adipiscatur.





**I**n intellectus noster, qui omnium formarum ex-  
pers, & omnino rudis ac ignarus nobiscum ex-  
oritur, postquam ætate adolescente phantasię  
pueri nimia humiditas ad eam exiccatur, ut phan-  
tasmata, quę sunt rerum imagines intro ab ex-  
ternis sensibus delatę, retinere possit, tunc incipit exornari  
actu, & aliquarum rerum adipisci notionem. Antea verò ni-  
hil potest agnoscere: quoniam virtutes Animę tali ordine  
Natura disposuit, ut inferiores superioribus inter operandū  
subministrarent. Quamobrem præstantiores quicquam age-  
re nequeunt, nisi prius ignobiliores propria munera exequā-  
tur. Et idcirco intellectus noster ex se proprio fungi officio  
nequaquam potest, sed semper indiget auxilio phantasma-  
tum, a quibus commoveatur: phantasmata enim contem-  
plando rerum formas, quę in eis resident, percipit, & tunc  
pariter se ipsum intelligit: nā intelligendo alia se ipsum per  
accidens cognoscit, quia fit res intellecta. Quod si, tantum  
ultra progrediatur in cōtemplatione phantasmatum, ut mo-  
dò hæc, modò illa intelligendo singula factus sit, nomen abij-  
cit Potestatis, & alterum scientis. & intellectus secūdum actū  
consequitur. Tunc enim cum singula factus est, par & simi-  
lis scientis hominis euasit, veluti Geometrę. Siquidem, ut hic,  
quotiescunq; ei placuerit, Geometriam exercere potest; ita  
porrò & intellectus noster tunc a se ipso agere & operari va-  
let. Ea ratione verò singula factus esse, dicitur intellectus no-  
ster, cum singulares, & vniuersales rerum formas perceperit.  
De qua re infra tractabimus, & ostendemus præter ali-  
quorum sententiam, singulare quinetiā ab intellectu nostro  
comprehendi. Hic igitur actus, siue habitus, propter quem  
interpretēs Aristotelis intellectum in habitu vocarunt, cum  
eum potius Philosophus intellectum, κατ' ἐνέργειαν appella-  
uerit, nihil est aliud, quàm forma & perfectio intellectus, qui  
materialis & potentia, seu Possibilis dicitur. Qui sanè habi-  
tus &

tus & perfectio, quanquam intellectui tribuitur; non debemus tamen existimare, eam ab intelligibilibus formis proficisci, quæ à Materiali, seu Potentia intellectu susceptæ in eo deinde iaceant, quiescant, ac veluti in penu cõseruentur; quod pleriq; latinorum, nec non Themistius, & ipse pariter Alexander meus existimarunt. Qui omnes decepti sunt iis duabus præsertim rationibus; prior est, propterea quod memoria sensus tantum, & non intellectus est passio, ut in libello de Memoria apertissimè declaratur; quam cum etiam tribuant intellectui, mancum, mendacemq; reddunt Aristotelem. Altera verò est ratio: quoniam, cum intellectus noster, qui secundum se pura potentia est, omnem actum ab intelligibili forma suscipiat, si eiusmodi formæ ac species intellectui remanerent, plures formæ eodem simul tempore vnum idemq; subiectum perficerent. Igitur phantasiæ beneficio in habitu, vel secundum actum fieri intellectum nostrum existimemus. Cum enim ex frequenti doctrina, ac longo studio, & exercitatione phantasia omnibus phantasmatibus imbuta fuerit, illaq; firmâ distincta, ordinata (hic enim est plurimi faciendus ordo) adeò custodierit, ut intellectui, quando fuerit opus, obijciat, tunc intellectus noster dicitur esse secundum actum, & per se ipsum operari posse: quia mouens est quodam modo in Anima, nempe in phantasia, quæ est Animæ pars, ut rectè eum locum L. X. contextus in secundo de Anima libro Auerroes interpretatur. habet enim tunc intellectus noster phantasiam, tanquam sibi apertum librum, quem legere semper potest, quando ei libuerit. Porro nûquam in Aristoteleis libris inueneris, intellectum nostrum adeò perfici, ut phantasiatibus non indigeat, ac naturam abijciat potestatis: quippe huic quancunq; rem, & quouis tempore intelligere velit, semper opus est illius phantasia contemplari, quod pariter à phantasia comprehendí debet, & esse in actu. Hoc summo opere aduertendum est: quoniam, modò aliam rem, & potius hanc, quàm illam, intellectus noster apprehendat; neq; possit nisi vnius rei vno eodemq; tempore incumbere intellectioni: propterea quòd

modum & normam phantasiæ cognoscentis, semper insequitur. Etenim circa leonis simulachrum si versabitur phantasia, intellectus non poterit hominem intelligere, sed leonem; quod idem affirmandum est de cæteris rebus. Et si intellectus noster aliquando animal moueri percipiat, hæc duo, ut vnum comprehendit, cum ex prædicato vnum, subiectoq; conficiat. Diximus, etiam, intellectum nostrum potentiae naturam nunquam amittere: propterea quod, quando dicitur esse secundum actum, item adhuc potentia est quodam modo, inquit Aristoteles; tamen non est talis, qualis ante erat, quàm didicisset, vel inuenisset. Tunc quidem potentia est, sed minus ab actu remota, cum facilius in actum descendere valeat: quod phantasiam habet refertam imaginum, sibiq; eo modo, quem diximus, præparatam, nec vllò præceptore amplius, vel exercitatione indiget. Sed ex hac nostra declaratione forsitan occurrat illud, si formæ, & species rerum, propter quas intellectus in habitu vocatur, in phantasiæ organo, tanquam in subiecto proprio existerint, perperam Aristotelem in Ethicorum libris in duo genera habitus diuississe, & eorum quosdam in sensu, quosdã verò in intellectu collocasse. Quod non est ita: siquidem ibi Philosophus virtutes intellectuâs in mente nostra reposuit non, quia in ea, veluti in subiecto proprio residerent (ita enim fundantur in organo phantasiæ) sed quoniam in illius vi ac potestate collocantur, & ab intellectu, vt in initio secundi Ethicorum scribitur, doctrina, & longo experimento comparantur, istasq; ad eum pertinet exercere: quemadmodum illæ, quæ Morales dicuntur, ex altera parte in appetitu gignuntur ex consuetudine, & ab eo similiter exercentur. Neq; verò alicui mirum videri debet, quod intellectus noster, cum sit imaginatione nobilior præstantiorq; facultas, simulachra rerum, & formas reseruare nequeat; propterea quod iste, cum nullam habeat determinatã corporis partem, quæ informetur ab eo, ac secundum se non sit actus; sed pura simplexq; potentia, quæ ab intelligibilibus tantum rebus in actum deducitur, plures in se ipso formas conseruare



uare nequit. Phantasia verò tamen si ea ratione, qua phantasmata respicit, dicatur esse potentia; secundum se tamen est actus & forma, & organum habet proprium (siue istud cor, siue quid aliud extiterit) quod informatur ab illa, atq; perficitur. Quo circa satis commodè, & belle sanè multæ variazq; rerum imagines & simulachra, quæ intro à sensibus deferuntur, in ipsa, vel eius organo conseruari possunt. Cum igitur intellectus noster (ut, si iam propositæ rei partem explicemus) secundum actum, atq;, ut homo sciens, euaserit (quem solum eruditi ac sapientes viri summis laboribus, & studiis consequuntur) tunc supra naturam propriam se se potest reflectere, & se ipsum comprehendere, ut naturam tantum puræ ac simplicis potentie habet. Eiusmodi quippe notionem, cum ardua sit ac perdifficilis, prius quam ille habitum acquisiuit, assequi nequaquam potest. Tunc verò ad eam, peruenit Syllogismo ab immutatione sumpto eo præcisè modo, quo materiæ primæ notitiam consequitur: quippe qui se ipsum intelligentem factum esse animaduertens, cum antea rudis ac ignarus esset rerum omnium, & modo hanc, modo illam rem intelligere, seq; facultatem obtinere intelligendi omnes formas, se ipsum profectò secundum vim & naturam suam nudam puramq; potentiâ esse comprehendit. Hanc me hercule cognitionem Philosophus intellexit, cum in fine viii. contextus inquit, *Et ipse autem se ipsum tunc potest intelligere.* Accipiunt ferè omnes Latini, & Græci interpretes exponendo notitiam illam, quam sui ipsius habet intellectus noster, dum alia percipit. Quæ quidem vana est, ac friuola interpretatio: siquidem intellectus noster semper necessariò se ipsum intelligit cætera intelligendo non modò, cum factus est secundum actum; sed etiam antequàm scientis habitum acquisierit, quippe qui intelligens sit res intellecta; & ideo per accidens, quatenus in actu est, pariter se ipsum intelligit. Quapropter, si de eiusmodi intellectione locutus esset Philosophus, vtiq; nò dixisset, *Et ipse autem se ipsum tunc potest intelligere,* verùm ita sanè scripsisset, & ipse necessariò tunc se ipsum intelligit: quod tamen adhuc ea, quam dudum attulimus

attulimus, ratione inaniter dictum fuisset. Porro interpre-  
tes Aristotelis, cum hanc ignorauerint cognitionem, quam  
intellectus noster scientis habitum adeptus sui, ipsius conse-  
quitur, non cum est in actu cetera intelligendo; sed quando  
in natura propria permanens potestatis, percipit quoq; se  
ipsum, ac intuetur, ut naturam solum puram potestatis habeat;  
iterum valde hæsitaerunt, variaq; pronuntiarunt in affe-  
renda causa, propter quam intellectus noster semper non se  
ipsum intelligit: quæ tamen satis clara & aperta mihi quidẽ  
videtur. Erenim intellectus noster haud potest se in omni tẽ-  
pore supra naturam propriam reflectere, propterea quod  
semper non est intellectus secundum actum, videlicet, non  
semper factus est singula, neq; scientis habitu exornatus est,  
quem summa difficultate, ac labore consequitur. Nam eo  
tantum tempore, cum illum acquisierit, in potentia adhuc  
existens, se ipsum quoq; , ut naturam potentia solum obti-  
neat, percipere ac tenere potest. Hic verò si quis ambigeret,  
quo modo intellectus noster se ipsum hac ratione comprehẽ-  
dere queat, cum nullo pacto eius simulachrum in phantasia  
gignatur, quam semper ei, cum intelligit, opus est intueri;  
respondemus, non omnia, quæ intelliguntur, necesse esse,  
vt propria specie sub sensibus cadant: sed satis aliquando es-  
se, si eorum effectus, aut contraria, vel etiam eorum quid si-  
mile à nobis sentiantur. Cum igitur intellectus noster sit ma-  
teriæ primæ valde consimilis, quemadmodum hæc intelli-  
gitur, quoniam sub sensu cadit ea proportio, quam ad materiã  
artificiorum habet: ita ille potest se ipsum agnoscere; ut na-  
turam simplicis potentia solum possideat: quoniam mate-  
ria prima, quæ huius est naturæ simillima, sensum ac phan-  
tasiam mouet ea analogia, quam diximus. Et ita in-  
tellectus sensui, ac phantasia subiicitur: quoniam  
aliquid huic simile, nempe prima ma-  
teries excitat sensum,  
ac phanta-  
siam:

Qua

## QVA RATIONE INTELLECTVS SINGVLA

euadere dicatur, & quid sit eius obiectum proprium,  
atq; ut singulare etiam ab eo, percipiatur.

Cap. VIII.



Ostea quā Aristoteles, natura intellectus possibilis explicata, ostendit nobis, ut idem singula possit euadere; ac fieri intellectus secundū actum, quamprimum in viii. ac x. contextu nos docet, quā ratione singula euadat in intellectus noster; vt mirum ac præclarum ordinem videas, eoq; dignum Philosopho, qui solus inter omnes Græcos bonarum artium, & Philosophiæ grauissimus verè author ac magister nuncupari potest. Cum igitur inter ea, quæ ab intellectu nostro comprehenduntur, quædam ab hac tumultuosa materia separata existant, nonnulla in eam immersa sint, quando hæc omnia perceperimus, tunc sanè intellectus noster singula euasisse dicitur, similisq; hominis scien-  
tis esse. Ea verò, quæ materia sunt implicata, quoniam quædam sunt composita, quædam simplices eiusmodi compositorum formæ, hoc est, quædam singulares, quædam vniuersales dicuntur formæ, vtrâsq; sed diuersa ratione, percipit intellectus: has quidem, quod ab omni materiæ conditione separantur, & actu intelligibiles efficiuntur: illas autem ea ratione, quā ipse sensui & phantasie coniunctus est. Porro intellectus noster, cum nullum ei Natura sinxerit instrumentum, quod informet, eumq; à mole corporea solutum esse voluerit, à singulari forma materiæ appendicibus innoluta commoueri nequit. Propterea in vniuersalem speciem, tanquam in obiectum proprium, sibiq; congruum defertur. Vniuersale autem alterum physicum, alterum quidem logicum appellatur. Physicum nil profecto est aliud, quàm cōmunis & vniuersalis forma, quæ in singularibus reperitur, eisq; præbet esse: quod sanè vniuersale in phantasmate delitescens Agentis intellectus beneficio splendet, seq; obuiat intellectui nostro eo modo, quo à nobis infra declarabi-

tur.



rur. Logicum autem vniuersale, siue istud secundæ intentionis appellare maius, effectus est intellectus nostri, qui ex communis formæ, prioris scilicet vniuersalis in singularibus reperi, similitudine illud fabricatur. Intellectus verò noster physicum potius, quàm logicum, veluti magis proprium ac legitimum respicere videtur: hoc enim illud est, ratione cuius res constant, ac perficiuntur, & cuius scientia præsertim inquiritur, ac afferuntur definitiones. Sed quanquam intellectus noster in vniuersale, tanquàm in verum ac proprium sibi obiectum, fertur; attamen aliquando euenit, ut hic etiam ad singulare descendat: singulare enim percipit, non quia singularis speciem suscipiat in se ipsum, quoniam hæc solum à sensu recipitur; & intellectus noster, cum nullam corporis partem informet, nulloq; alligatus sit organo, particulatim nequit ac singulariter à rerum imaginibus affici; sed quoniam sensui, hoc est, phantasie coniunctus est, & ad eam nonnumquam inflectitur. Nempe intellectus ea ratione, qua intellectus est, & ab omni corporeo organo separatus, ac in se permanet, vniuersale comprehendit: ea verò de causa, qua cum phantasia connexus est, eamq; claudit ac terminat; percipit singulare, cuius species in phantasie organo recepta est. Neq; hoc factum difficile alicui videri debet: liquidem Communis etiam sensus diuerforum, & contrariorum sensibilibum species iudicat eodem tempore, quas non recipit in se ipsum; sed eas ideo simul comprehendit omnes; quòd ad ipsius pedes & genua (ut Themistii verbis utar) iaceant, & ad eum, veluti ad finem ac terminum, omnes delatæ sint. Hanc sanè duplicem cognoscendi rationem intellectus nostri Philosophus significauit, cum in x. contex. dixit. *sensitiua igitur parte calidum discernit & frigidum, et quorum est quedam ratio, carce: alia uerò esse carnis discernit, aut separabili, aut se se habente ad se ipsam, perinde ac se se habet, cum extensa fuerit linea flexa.* Non me latet, viros grauissimos quibusdā adductos rationibus, quæ distinctione paulo ante allata facillè diluuntur, oppositâ defendisse sententiâ. Atqui ambigere oportet neminem, an singulare aliquando ab intellectu nostro cognoscatur: multa enim sunt, quibus

bus conuincimur ad hoc mordicus affirmandum . Primum ergo, quod inquit Ioannes Grammaticus, nisi intellectus noster singulare comprehenderet, mens nostra esset sine mente : quoniam non omnia intelligeret, nec singula fieri dicetur quod supra philosophus asseuerauit . Præterea intellectus, cum sensus errata per sepe corrigit, necesse est, ut singulare, tametsi hoc est sensus obiectum, cognoscat : neq; .n. alter fieri possent eiusmodi correctiones . Addas prudentiã, & Artem, quæ sunt habitus intellectus, ut plurimum in singularibus versari : propterea quod in earum syllogismo atq; discursu particularem semper minorem efficiunt propositio nem: immo verò Philosophus in vi. Ethichorum libro viii. & x i i. cap. manifestò inquit, singularium propriè rerum esse prudentiam, quæ experientia nobis innotescunt. Quibus deniq; has duas alias subiicio efficacissimas & planè inexplicabiles rationes. Cum nos communia axiomata, quæ sunt principia demonstrationum, ea ex singularibus deducendo, formemus, ut in fine secundi Posteriorum libri à Philosopho docetur ; ac præterea inter vniuersale & singulare discrimen differentiamq; ponamus; atq; hæc duo munera sensui attribui nequeant, quippe qui nullo modo vniuersale comprehendat, necessum est, ut ea intellectui demandemus: qui quidem sine vllius absurdi consecutione satis bellè & commodè ea ratione, qua Phantasiæ coniunctus est, & huius terminus dicitur, potest singulare comprehendere, quod sui speciem in organum Phantasiæ produxerit. Et quanquam aliqui hac nostra ætate philosophantes, viri aliqui ingeniosi, atq; doctissimi, hanc postremam rationem eò dilui existimant, quod homo ille sit, qui inter vniuersale, & singulare differentiam ponat: ij tamen propositi nihil assequuntur: nam si homini propriè effectum hunc tribuerimus; adhuc tamen vna tantum, & eadem virtute animæ hoc homo exequi debebit. Quare, cum hoc sensu nequeat efficere, medio igitur intellectu singulare ab vniuersali disjunget, & inter vtrumq;, differentiam constituet.

K De

DE TRIPLICI INTELLIGENDI ACTV,

*neq; intellectiōem nostram fieri in instanti posse;  
sed postulare semper aliquid temporis.*

Capit. I X.



Vanquam intellectus noster secundum naturam propriam in vniuersale, quod eius obiectum est proprium, defertur; ac deinde media phantasia ea ratione, qua illa coniunctus est, ac eius est terminus, cum ad actionem potius, quàm ad contemplationem rapitur, aliquândo etiam ad singularis rei notionem descendat: attamen non semper eodem modo in istorum contemplatione versatur: Siquidem ipse vel simplici comprehensione res percipit, vel componendo & diuidendo simplices terminos, vel propositiones ex terminis conflatas iterum connectendo eas intelligit. Quamobrem tres intelligendi actus in mente nostra reperiuntur, Simplicis videlicet rerum comprehensio, quæ prima cæteris antecedit: terminorum coniunctio, quæ sequitur: & conexio propositionum, quæ est ipse discursus, & ratio argumentandi. De quibus sanè actibus Aristoteles à xx i. tertij de Anima contex. vsq; ad xx vi. admodum subtiliter & argutè differuit, vt secundam principalem partem absolueret, quam initio tertij sibi pertractandam esse proposuit. Nos igitur hanc etiam explicabimus partem eodem ordine, & iisdè ferè verbis, quibus vsus est Aristoteles, ne huius dicta, & sententias distrahere, ac lacerare videamur, quod fortasse alij facere non dubitarunt. Intellectus igitur noster in simplici rerum comprehensione, ut ab hac prima exordiamur, cum indiuiduus sit, necesse est etiam, ut eas, quatenus indiuiduæ sunt, & in indiuiduo tempore percipiat. Res verò simplices quoniam plerunque videntur esse diuiduæ (immutabiles. n. solæ ac separatæ substantiæ secundum se, & per accidens ex pertes sunt omnis diuisionis) idcirco perpendamus diligentissime qua ratione illas intellectus noster apprehendat. Porro ea, quæ quantà sunt, vt longitudo, quamuis in plures par

tes



tes secundum potentiam diuidua sint; nihilominus, quia actu sunt indiuidua, iccirco ea intellectus noster, ut indiuidua, & in tempore indiuiduo percipit. Quod si quantum, ac longitudinem in duas partes secauerit, & vtranq; seorsum intelliget, pariter secauerit tempus, atq; in duobus actu indiuiduis temporibus eas partes, ut duas actu indiuiduas percipiet: tempus enim perinde diuiduum, ac indiuiduum est, ut longitudo. Si autem rursus mens nostra perceperit longitudinem, quatenus ex duabus partibus constituta est, & nihilominus actu indiuidua est, ita etiam eam intelliget in tempore ex duabus partibus constituto, indiuiduo tamen secundum actum. Atq; eiusmodi quidem ratione ea, quæ quantitatem habent, & sunt actu indiuidua, ab intellectu nostro comprehenduntur. Ea verò, quæ non secundum quantitatem, verum secundum formam, hoc est, potentia & actu sunt indiuidua, à nobis intelliguntur, quatenus sunt indiuidua secundum formam, & in indiuiduo tempore, indiuiduaq; mentis intelligentia. Verum quæ diuidi per se possunt, cuiusmodi est tempus; ac longitudo, ea percipit intellectus noster in indiuiduo tempore: quippe aliquod in eis reperitur, quod per se indiuiduum dicitur, nimirum punctus, & instans, quæ tempus ac longitudinem reddunt indiuidua. Quæ sane ideo ab intellectu nostro comprehenduntur, quod sunt per accidens indiuidua; quemadmodum ex altera parte ab eo percipiuntur formæ, quoniam per se diuidi nequeunt. Post primam, ac simplicem rerum intelligentiam, in qua nulla potest contingere falsitas, quoniam vel istæ penitus sciuntur, vel penitus ignorantur, intellectus noster simplices terminos simul iungit, & propositionem format: prædicatum enim subiecto connectens, vnum conficit; atq; vt vnū, vtrunq; comprehendit. In qua quidem intellectione sæpe decipitur, quod omnis falsitas à cōpositione, quæ in affirmatione, & negatione conspicitur, initium ducat. Tertius ac vltimus sequitur actus intelligendi, quo mens nostra iterum propositiones, ex simplicibus terminis confectas, simul connectendo, ac discurrendo à re notiori ad alterius minus no-

te cognitionem progreditur : In quo similiter genere intelligendi sæpe numero fallitur , cum pro veris frequenter accipiat falsas propositiones. Quæ cum ita se habeant, nobis perspicuum esse potest , quàm longe diuersa sit intellectus nostri à superiorum , & beatarum Mentium intelligentia : earumque perpetuò in simplici, ac indiuidua propriæ naturæ contemplatione versantes, aliarum pariter rerum omnium, quæ extra illarum naturam inueniuntur, obtinent cognitionem, cum cætera omnia in earum essentia splendescant ; & nihil vnquam falsitatis apprehendunt. Atqui intellectus sæpe inter operandum labitur in errorem , falsumq; imbibit, cum simplices terminos , propositionesq; simul connectit : præterea percipiendo alia per accidens se ipsum intelligit : & si aliquando etiam supra naturam propriam reflectitur, id obliquo quodam modo, & nisi post multum laboris, & studii consequitur : ad hæc non semper incumbit contemplationi , cum sæpe ab opere vacare coactus sit. Illud verò tandem in intellectu nostro , quod nunquam intelligentiis euenit, perpetuò verum esse deprehenditur . siue enim simpliciter apprehendat res, siue componat & diuidat , seu discurrat ipse , determinati aliquid temporis eius postulat intellectio , cum in instanti vlla intellectus nostri actio perfici nequeat. quoniam , licet phantasma in temporis momento sui speciem producat in intellectum , ut etiam efficit color, eiusdem tamen speciei functio, quæ intelligentia est , absq; tempore absolui nequaquam potest : quod oculo similiter accidit, qui coloris speciem suscipit in instanti, & colorem deinde nō cognoscit ac iudicat, nisi dederis huic aliquid temporis : Hæc sententia profectò noua, & mira quibusdam visa est, cum eam aliàs pugnacissimè defenderimus cap. viii. Disputationis nostræ, quam contra Ciceronis Academicas scripsimus. Quam hoc in loco iterum confirmandam iisdem, propè rationibus sumus arbitrati : quòd Græci & Latini ferè omnes aliter hac in parte Aristotelem interpretati sunt, & satis longè ab eius sententia descuerunt. Hic tamen eas tantum rationes asseremus, quæ ex i. ii. de Anima libro apertissimè

simè colliguntur alias silentio prætereuntes, quæ loco adducto videri possunt explicatas vberius. Intellectionem igitur nostram fieri in tempore, & non in instanti, apertissimè demonstrauit Philosophus in *xxi. ii.* & *xxi. iii.* tertii de Anima contextu, vbi de simplici rerum loquitur comprehensione, in qua potissimum tota lis & controuersia versatur, cum ibi intellectum nostrum indiuidua secundum actum, in diuidia secundum formam, & indiuidua secundum accidens in tempore indiuiduo comprehendere assenauerit. Neque enim ibi pro tempore indiuiduo instans debemus accipere, ut inquit omnes interpretes, quoniam ea sequerentur ab absurda, quæ mox ostendemus. Aristoteles in *xxi. ii.* contextu demonstrare nobis volens, quo modo intellectus noster, qui est secundum se simplex, & indiuiduus intelligat ea, quæ dicuntur quanta, nec indiuidua, nec simplicia esse videntur, inquit, hunc eiusmodi in tempore indiuiduo posse comprehendere, quoniam actu indiuidua sunt, qualis conspicitur longitudo, quam pro exemplo accipit, ac huius deinde rationem dicti reddens subiungit, tempus diuiduum, & indiuiduum esse æquè, ac est longitudo: quippe inquit. *Nihil prohibet intellectum, cum longitudinem intelligit, indiuisibile intelligere, & in indiuisibili tempore: est enim actu indiuisibilis: & tempus, perinde atque longitudo, diuisibile atque indiuisibile est.* Iam ergo si pro tempore indiuiduo instans intellexerimus, qua deinde ratione tempus diuiduum, & indiuiduum erit, ut longitudo? instans enim & potentia, & actu indiuiduum est. Præter hæc in eadem particula asserit Aristoteles, si duas intellectus longitudinis medietates seorsum intelligat, ita quoque in duas partes actu diuidet tempus. Si tempus indiuiduum, in quo supra dixerat percipi longitudinem, instans fuerit, quo pacto in duas hæc secabitur partes, cum instans nec actu, nec potentia, ut diximus, in partes secari possit? perpendo iterum diligenter ea, quæ in particula sequenti scribuntur: quippe Aristoteles declarans, qua ratione illud, quod non secundum quantitatem, at secundum formam est indiuiduum, & pariter illud, quod est per accidens indiuiduum, ab intellectu nostro



stro percipiatur, vtrunq; horum in tempore indiuiduo com-  
prehendi fatetur dicens. *Quod uero non quantitate, sed forma est*  
*indiuisibile, id indiuisibili tempore, & animæ indiuisibili percipit atq;*  
*intelligit. per accidens autem, & non hoc sanè, quo illa diuisibilia sunt,*  
*id, quo intelligit, & tempus, in quo intelligit: sed hoc, quo indiuisibilia*  
*sunt: inest enim & in his indiuisibile quoddam, at fortasse non separa-*  
*bile, quod quidem unum tam tempus ipsum, quàm ipsam longitudinem*  
*facit. atq; id in omni sanè continuo, & tempore, & longitudine simili*  
*ter inest.* Si pro tempore indiuiduo instans acceperis, nullo  
modo Philosophus calumniam effugiet: nam hic Aristote-  
les, cum rationem afferens, qua indiuiduum tempus in quo  
fit intellectio, & longitudo, quæ sunt per accidens indiuidua,  
in tempore indiuiduo percipiuntur, dicat hoc euenire, quia  
in eis reperitur aliquod, quod ab eis separari nequit, & per  
se indiuiduū dicitur, quod nimirum instans, & punctus est;  
ridicula sanè & omnino falsa pronunciaisset: siquidem instans  
aliud continere instans ab eo non separatam, ratione cuius  
intelligatur, asseruisset; & idem protulisset instans, quod est  
per se quidem indiuiduum, per accidens, & ratione alterius  
indiuiduum esse. Quæ profectò adeò indigna sunt Aristote-  
le, vt nihil indignius dici, aut existimari possit. Neq; hæc  
duo absurda possumus euitare eo, quòd Aristoteles in xxxiii.  
context. cum tempus inquit, ratione instantis esse indiuiduū,  
& ideo ab intellectu nostro comprehendi, de eo tempore in  
diuiduo non loquatur, in quo paulo ante dixerat fieri intelle-  
ctionem: propterea quod de eodem prorsus sermonem ha-  
bet, quod ostendit ijs verbis. *Per accidens autem, & non hoc sa-*  
*nè, quo illa diuisibilia sunt, id, quo intelligit, & tempus, in quo intelli-*  
*git, sed hoc, quo indiuisibilia sunt.* Adeo igitur clara & aperta sunt  
verba Philosophi, vt constanter asserere debeamus, non in in-  
stanti & subitò, verùm in tempore, quod tamen sit vnū, atq;  
continuum intellectum nostrum suis fungi muneribus. Et  
hercule valde mirari nos oporteret, quòd Aristoteles voluisset  
in instanti nostram fieri intellectiōnem, & nihilominus  
instantis voce nunquam usus fuisset, cum ille circumscrip-  
tiones asserre, & proprias voces prætermittere non consueuerit.

Nemini

Nemini autem mirum videri debet, quòd naturalis generatio fiat in instanti, atq; intelligentia nostra, quæ spiritualis est quadam generatio, necessario aliquid temporis postulet: quoniam in intellectu nostro, & cæteris cognitione viribus præditis, præter illam primam imaginum, specierumq; productionem, quæ fit in instanti, iudicium deinde & cognitio obiecti reperitur, quæ perfici in temporis momento nequeunt. Hoc in sensu, & phantasia valde conspicuum est, phantasia quidem, tametsi à phantasmate in instanti mouetur, huius tamen in instanti cognitionem ea assequi minime potest; sed aliquid semper temporis requirit. quod quemuis hominem in se ipso equidem experiri crediderim: quippe qui nullum reperiri arbitror, qui hoc unquam fuerit consecutus, ut vllam rem in instanti perfecte planeq; imaginatione perceperit. Idem prorsus in iudicio sensus animaduertes. Illa enim quæ oculorum nostrorum aciem citò ac celeriter transeunt, quod ex obstreperante, & omnia prosterrente tormento illo, quod vulgo bombardam vocant, glans eiecta efficit, iccirco videre non possumus: quoniam nobis non datur id temporis, quod iudicium postulat oculorum. Atq; istud, quod de videndi virtute protulimus, quiuvis etiam audiendo, odorando, gustando, & tangendo experietur. iis addere possemus ea, quæ in tractatione de communi sensu, & in phantasie definitione in i. ii. de Anima ab Aristotele scribuntur, nisi hæc omnia fuisse, & apertè in Disputatione nostra fuissent explicata. istud solum subiiciemus, quod sententiam nostram maxime confirmabit, nempe Aristotelem in CXLVI. cõtex. cum vellet ostendere, quo pacto Communis sensus in vno, & eodem tempore de diuersis simul, & contrarijs sensibilibus iudicat, vsum eodem prorsus fuisse modo loquendi, quem in xxi. i. & xxi. i. i. cõtex. tertij de Anima commentarii paulo ante perspeximus. Dixit enim communem sensum in tempore inseparabili ac indiuiduo simul diuersa, & opposita sensibilia cognoscere. Qui deinceps in fine libelli de sensibus, & ijs, quæ cadunt in sensum, apertissimè declarauit, quid pro tempore inseparabili, ac indiuiduo intelligere debeamus. ibi enim

enim eadem mota difficultate nos anima dūertit, ut pro tempore indiuiduum, tempus interpretemur, quod totum continuum existat, in quo quidem communis sensus de pluribus, ac diuersis sensibilibus iudicium simul ferre potest. Quam eiusmodi verborum explicationem, & loquēdi genus si à me iterum confirmari desideras, afferō eundem tibi Philosophum in v. ac x. libro Primæ Philosophiæ, vbi per tempus indiuiduum minime instans, sed tempus vnum actu continuum accipi manifestò perspexeris. In v. cap. de vno, cum dixerit, illud verè secundum naturam esse continuum, cuius est vnus motus, qui sit vnus motus subiungens ait. *vnus autem is est motus, qui indiuisibilis est, atq; indiuisibilis tempore.* Quod iterum in x. libri initio declarans eadem propè verba habet, & inquit de continuo sermonem habens. *Tale autem est ex eo, quia motus est vnus, & indiuisibilis tempore, atq; loco.* Quamobrē ego hanc ingeniosam me hercule, & veram summi Peripatetici, ac singularis Doctoris mei de intellectu nostra sententiam satis peripateticè ac firmè bis à me defensam fuisse crediderim. Et quāquam hic locus quibusdam doctis viris perdifficilis esse videtur, neq; iī adeò facile adduci possint, ut credant, hanc veram & germanam Aristotelis de hac re sententiam esse, cum hic alibi sensisse aliter videatur: ego tamē nunquam eiusmodi opinionem mihi deponendam puto. Nam cum ea, quæ in x. Ethicorum libro cap. iiii. vt aliàs notauimus, à Philosopho scribuntur, vbi visionem, & voluntatem fieri in instanti, asserere videtur; tum illa, quæ in vii. Physicorum habentur de intellectu nostri habitibus, ac scientiæ adeptione, paululum semper nobis officere & obstare duxi. Alexander Pancius, Nobilis Ferrariensis Academiæ Philosophus, qui ob præclaram eruditionē, incredibilemq; illius erga me beneuolentiam summopere à me diligitur, & observatur, cum iī i. Animæ librum interpretando ad hunc locū peruenisset, duo paulò ante à nobis adducta capita pro contraria opinione magna fundamenta esse putauit. Sed aliàs nos diximus, in sensus actione, & aliarum animæ potentialium, quæ cognoscendi facultatem habent, duo esse à nobis

bis



bis considerāda. prior est obiecti motio, quod imaginem sui & speciem virtuti cognoscenti offert, hancq; illa ad agendū excitat; quod quidem in instanti fit, temporisq; momento. Atq; Philosophus in initio iii. cap. x. Ethicōrum libri de eiusmodi loquens obiecti motione, visionem, ac voluptatem fieri in tempore negavit: nam color, & delectabile statim subitōq; mouent videndi vim, & appetendi; istasq; deducunt ad actum. Alterum verò, quod nos animaduertere oportet, est eiusmodi obiecti cognitio, quæ ab anima proficiscitur; atq; hæc absq; temporis spatio perfici nequaquam potest. Alter præterea vii. Physicorum locus ita explicandus nobis quidem videtur. Nam Aristoteles à x vii. vsq; ad xxi. particulam, siij quatuor contextus diligenter à nobis perpendantur, ad id præsertim intendit, ut probebatur tum corporis, tum animi habitus non esse alterationes, nec propriè ac per se alteratione fieri, primū, quia sunt perfectiones; deinde verò, quoniam ex eorum sunt numero, quæ ad aliquid dicuntur: perfectiones enim non sunt alterationes, nec ea, quæ ad naturam & perfectionem suam tendunt, alterari, sed potius fieri id, quod verè debent esse, dicuntur. Item ea, quæ dicuntur ad aliquid, dū fiunt, alterationem minime patiuntur: immo verò, cū hæc insint in aliis, neq; se ipsis consent, nec alteratio in iis, nec ortus, neq; mutatio p se esse omnino potest: sed aliorū hæc alterationes, mutationesq; per accidens sequuntur. Et ita tum corporis, tum animi virtutes quadam facta in sentiendi, & appetendi parte alteratione nascuntur. Quare Philosophus hic præcipuè de habitibus sermō habet; de quibus (ut mea fert opinio) aliud est loqui, ac de actionibus, quæ illos pariunt, vel ex eis deinde nascuntur. Quod si instaueris, in xx. contextu de eo actu loqui Philosophum, qui scientiam gignit, & ab hoc paulò post proficiscitur, respondebo, ex verbis Philosophi in hoc loco minime deduci posse, in instanti fieri intellectionem; sed nos hinc illud tantum apprehendere, cum actum, quo scientiam intellectus noster assequitur, tum eum, qui à scientia iam parte deinde fluit, neq; alterationem dici posse: quippe quod

L eiusmodi

eiufmodi fiunt actus nulla intellectu prorsus affecto passio-  
ne: sed si qua est mutatio, ea quidem præcelsit in corpore:  
nam, cum cessant corporis nostri motiones, & appetitus cõ-  
quiescunt effrenata libidines, mēs nostra sapere incipit pro-  
prijsq; muneribus fungitur.

QVID SIT PRIMÒ INTELLECTIVUM AB

intellectu nostro in simplici rerum cõprehensione.

Cap. IX.



**I**X. ijs, quæ hucusq; conclusimus, nobis perspi-  
cium esse potest, quid sit illud, quod primò  
se offerat intellectui nostro in simplici cõ-  
prehensione rerum: in hac enim præcipuè  
dubitarunt interpretes Aristotelis, cuius nam  
rei primò notitiam consequamur. Verùm nos varios intel-  
lectus nostri mores animaduertentes omnem hîc facile diffi-  
cultatem rescindemus, & subito amplexabimur veritatem,  
Intellectus igitur noster cum non eundem semper morem  
seruet, sed aliquando à nobis consideretur ea ratione, qua  
sensui coniunctus est, ac eius terminus appellatur: aliquan-  
do verò ut intellectus, ac in se permanens; atq; hac iterum  
ratione modò rudis & omnium penitus formarum expers,  
modò scienti similis à nobis conspiciatur, profectò in triplici  
hac consideratione ad eandem semper rem, tanquã ad obie-  
ctum primum, non mouetur. Atqui cum sensus, qui cum  
primum ortus est, à generante distinctam eorum, quæ sen-  
tiuntur, notitiam est consecutus, primò in sensibile per se  
propriūq; feratur (communia enim sensibilia medijs pro-  
prijs iudicatur) ac inter propria tangibiles qualitates, quod  
sensus tactus primus est omnium, & inter eas, quas actinas vo-  
cant, atq; ex duabus actiuis caliditatem, validiorem sanè, pri-  
mò cognoscat; eadem, ni fallor, ratione intellectus noster,  
quando, se se inflectens ad sensum, ac tanquam terminus hu-  
ius, ad percipiendas res excitabitur, singularis, atq; compo-  
siti, & inter hæc calidi in primis cognitionem attinget. Quod

si intellectum nostrum perspexeris, quando rudis & exper-  
 tus, nec multum adhuc in disciplina, & usu rerum exercita-  
 tus, tunc sanè in stupida illa confusaq; cognitione initio ma-  
 gis vniuersalia in plurimis apprehēdit: quod hæc eum prius,  
 & fortius, quàm minus vniuersalia commoueant, cum saepe  
 ac sæpius ferierint sensus nostros. Quod pueri iam balbu-  
 tientes apertissimè nobis ostendunt, qui omnes homines, pa-  
 tres, & omnes foeminas vocant matres. Eo enim tempore ta-  
 met si vera pariter rei forma accidentibus eis valde commu-  
 nibus inuoluta in phantasiā delata est: attamen tunc pro-  
 pter eam, quam diximus ignorantiam, & experientiam nō  
 dicam, eam nec phantasia, nec intellectus noster percipere  
 distinctè possunt. Cum intellectus verò noster singula factus,  
 & scientis habitum, ac vltimam adeptus fuerit perfectionem,  
 eo quidem tempore distinctè pleneq; veritatem rerum per-  
 spiciet, atq; in veram, & propriam rerum formam specialis-  
 simam nimirum speciem, tanquam in perfectissimum obie-  
 ctum primò deferetur. Has tres me hiercule conclusionēs ex  
 Aristotelis dictis elicere debemus, easq; tenere constanter  
 permittentes principes Latiorum de hac re inter se digladi-  
 ri, si id velint nimium agere pertinaciter. Reliquum est, ut  
 videamus, quot sint habitus intellectus nostri, & quæ sit eius  
 felicitas, ut deinceps ad alterum intellectum, Agens qui dici-  
 tur, deueniamus.

DE DUO ESSE HABITVS IN GENERA INTELL-  
 ECTUS, & quæ sit vera hominis beatitudo ex  
 sententia Aristotelis. Cap. XI.



¶ Vbi dixerimus intellectum nostrum scientis  
 in hac habitum sibi comparare, debemus ani-  
 māduertere, duos esse habituum genera, quibus  
 deinde menti nostræ duo etiam nomina impo-  
 nuntur. Porro habituum varietas ex rerum  
 diuersitate oritur, quibus nos intelligendo incumbimus:  
 alia enim actioni nostræ subiiciuntur, oriunturq; ac intere-



unt, & possunt aliter se habere: quædam verò aliæ subiectæ tantum contemplationi necessariae ac sempiternæ dicuntur. Profecto ad iis omnibus incumbendum intellectus noster æqualem à sui ortus initis propensionem & facultatem habet. Ceterum cum priorum habitum acquisierit, Practicus dicitur à Peripateticis: quemadmodum cum posteriorum rerum habitum sibi comparauerit, Speculatiuus nuncupatur. Practicus bonum sibi pro fine constituit, & licet aliquando in veri indagatione versetur, id tamen boni, & actionis gratia considerat, quare consilio & deliberatione utitur, & huius inferuit, obsequiturq; voluntas. Speculatiui autem intellectus finis est veritas, quæ nullam penitus actionem respicit. A nobis præterea sciendum est, hæc duo habituum genera plures subiectas sibi species habere. Siquidem practicum omnes eas virtutes, quæ dicuntur morales, atq; ex consuetudine comparantur, & insuper prudentiam & artem continet, quanquam ars à prudentia seiungitur, quod illa faciendi, hæc verò sit agendi principium. Speculatiuum vero disciplinas eas cõplectitur, quæ ex doctrina maxime gignuntur, ab eaq; suscipiunt incrementum; quæ idcirco, ut ait Philosophus, multum experimenti, ac temporis postulant. De quibus omnibus Aristoteles in Ethicorum libris ita luculenter, copiose, docteq; pertractauit, ut nihil supra efflagitare possis ab homine omnium disciplina morum eruditissimo. Homo verò cum est habitibus practicis exornatus, & viuut secundum eos ac operatur, humana fruitur felicitate, quæ homini ea ratione, qua homo, & ciuilis est, conuenit. Atqui cum fuerit speculatiuos adeptus, eis vtens vitam perfectio nobiliorem, ac beatio rem degit: quippe qui naturam tunc humanam transcendere, & ad diuinarum mentium nobilitatem popè accedere videtur. Nam quamuis utroq; habituum genere, rectè agendi nimirum, & contemplandi, nos similes Dei Opt. Max. eiq; amicissimi reddamur, id nihilominus contemplatione magis, quàm actione consequimur. Si qui autem luno- nes apperunt hanc vltimam Aristotelis felicitatem adipisci, ad eam minime peruenire poterunt, nisi prius eos sibi habi-

tus comparauerint, qui practici, & virtutes moris dicuntur.  
 Vt autem virtutibus, ac bonis moribus imbuantur adolescen-  
 tes, eis operæ precium est (quod item Socrates Philosopho-  
 rum sanctissimus in Phædone præcipiebat) appetitus omnes  
 & animi perturbationes coercendo in prima adolescentia as-  
 suescere bonis operibus. Quod facile consequentur, si assiduè  
 proborum, & Eruditorum Hominum vtentur familiari-  
 tate, & eorum præcepta seruabunt, vestigiaq; persequentur.  
 Ita mehercle deinceps ad speculandi studia conferre se pote-  
 runt, & adeò in eis proficere, ut tandem ex ijs naturalibus  
 & caducis formis ea ratione, qua motionis termini dicuntur,  
 & substantiæ sunt, nec non bonitatem participant, ad sum-  
 mum totius mundi opificem Deum suæ mentis aciem erige-  
 re valuerint, eumq; contemplari, vt est actus omnium quam  
 simplicissimus, nobilissimus, perfectissimus, & est causa ef-  
 ficiens, forma, & finis omnium rerum; nec non vt sua scien-  
 tia, longè nobilior nostra, est ipsius substantia, ac immor-  
 talitas, & vita sempiterna; ac quemadmodum solum se ip-  
 sum intelligendo omnia quoq; alia intelligit, ac producit,  
 non Naturæ modo, aut vlla coactus necessitate, sed ex sola  
 maxima sua bonitate, ac electione, quæ quidem est altior no-  
 stra, & ei plurimum antecellit, & ab ipso met Deo solum est  
 comprehensibilis: qua eadem admirabili quadam lege, &  
 ordine, summaq; iustitia administrat vniuersum orbem, tem-  
 perat, moderatur, perpetuoq; conseruat. Hæc est postre-  
 ma summaq; hominis beatitudo, quam nobis Aristoteles, de  
 qua in xxxix. particula xii. primæ Philosophiæ mentio-  
 nem egit, ibiq; hanc paruo in nobis tempore durare assene-  
 ruit. quod sanè euenit, quia istam solum in senectute post  
 multas vigilias, & lucubrationes consequimur. Et si quis  
 mallet Simplicij, & Auerrois figmento potius adhærere, il-  
 ludq; iterum confirmare, quoniam minus exacta, & perfec-  
 ta videatur eiusmodi cognitio: quam Dei Opt. Max. nos  
 diximus adipisci ex ijs caduci formis, & inferiorum, ac superi-  
 orum corporum latione; ac talis ideo notitia nequeat  
 nos felices ac beatos efficere; huic notandum est quod in fi-

de primi de partibus Animalium Philosophus animaduertit. Quamquam enim nos Dei Opt. Max. ac aliarum Beatarum Mennum leuem, & modicam notionem consequimur: nihilominus, tanta est æternarum substantiarum nobilitas, atq; præstantia, ut parua & mediocri earum cognitio tam mura & incredibili nos afficiat delectatione, ut eam perfectissimæ, & exactissimæ harum caducarum rerum scientiæ anteponamus, nosq; ob illam felices ac beatos arbitremur esse, perinde ac amantes, qui ex puellarum suarum, quarum amore feruent, sola facie & conspectu se beatiore fieri prædicant, quam si aliam quamuis mulierem totam contrectare totaq; frui possent. Futilis autem omninoq; commentitia est illa Auerrois & Simplicij beatitudo, quam asserunt, nos adipisci, cum intellectus Agens, ut forma, Potentia intellectui coniungitur: propterea quod intellectus noster absq; phantasmate nihil intelligere potest, ut satis superq; in priori libro monstrauimus. Neq; ipse legi, aut audiui vllum vnquam inuentum fuisse hominem, qui in hoc vitæ statu aliquam huius inferioris, vel superioris mundi formam (Dei Opt. Max. diuina miracula excipio) sine eius phantasmate vel rectè, uel oblique eam referente intelligere potuerit. Quod item Beatus Thomas, cum ut summus Philosophus, cum ut Theologus omnium præstantissimus asseuerauit in ea Quæstione præsertim, quam de uita contemplatiua egit. ubi ad secundum quinti Articuli respondens argumentum hæc habet. *Contemplatio humana secundum statum presentis uitæ nõ potest esse absq; phantasmatibus: quia connaturale est homini; ut species intelligibiles in phantasmatibus nudeat, sicut Philosophus dicit in i. ij. de Anima: tamen intellectualis cognitio non consistit in ipsis phantasmatibus; sed in eis contemplatur puritatem intelligibilis ueritatis, et hoc non solum in cognitione naturali; sed etiam in eis, quæ per reuelationem cognoscimus. Sed præter hæc si Aristoteles, cuius hic veram præcipuè sententiâ inquirimus, ultimam felicitatem nostram, quæ contemplatiua dicitur, in illa Agentis, ac Potentia intellectus coniunctione posuisset, non dixisset in x. Ethicorum libro, cū propriam de hac re sententiam profert, nos potiri aliquando huius*



huius felicitatis, quæ ex contemplatione oritur: quoniam aliqua inest nobis Deorum operationis similitudo: nec par-  
to post etiam in hac beatitudine latitudinem ullam constituisset dicens. Quousq; igitur contemplatio se se extendit, eousq; se se ex-  
tendit & felicitas ipsa: & quibus contemplatio magis inest, ipsæ & fe-  
licitas magis inest, non per accidens quidem, sed per ipsam utiq; con-  
templationem. Etenim si intellectus noster beatus euaderet,  
cum ei Agens, vt forma, coniunctus esset, tunc eius quidem  
intellectio similis quoquo modo immortalium Deorū ope-  
rationi non diceretur, sed eadem prorsus esset: quoniam se-  
ipsum tantum intelligendo æquè ac Beatæ Mentis, omnia  
quoq; alia comprehenderet, neq; hichomo magis, & ille-  
minus felix diceretur, cum æqualiter omnes beati essent:  
quippe qui intellectum Agentem pro forma adepti fuissent,  
qui eodem profectò modo in omnibus copulatus esset cum  
intellectu potentia, iam verò, cū hæc omnia explicauerimus,  
quæ ad intellectum nostrum per se spectant, reliquum est, vt  
alterius intellectus, qui vocatur Agēs, siue actus, attingamus  
contemplationē, & ostendamus, qua adductus ratione hunc  
introduxerit Aristoteles, & quam hic nobis vtilitatem præ-  
stet, & quæ sit natura huius atq; substantia. Quæ sanè om-  
nia eo ordine, ac methodo à nobis fuerint explicanda, quam  
videmus Philosophum obseruasse.

QVA COACTVS NECESSITATE INTRODUXE-  
rit Aristoteles Agentem intellectum quid hic conferat intel-  
lectui potentia, & quam diuersam ab eo naturam ac  
substantiam habeat. Cap. XII.



Quoniam sæpe ac sæpius asseuerauimus, intelle-  
ctum nostrum, priusquam intelligat, nullum  
omnino habere actum, & nihilominus posse  
actu omnia euadere, necesse est, vt aliquod repe-  
riatur agens, quod eiusmodi potentiam intel-  
lectus nostri deducat in actum: Sicut enim in naturali omni  
generatione, siue re corpora est alterum, quod materiæ ra-  
tionem

tionem habet, & est potentia omnia illa, quæ in eo genere sunt, alterum vero, quod est causa efficiens, perinde ut ars, omnium eorum, quæ potentia inerant in altero, quod materies appellatur: ita sanè in Humana Anima, in qua incorporæ, siue (ut iuniorum verbo utar) spiritualis quædam generatio conspicitur, necesse est utrunq; horum inuenias, alterum nempe intellectum, qui materiæ respondeat, & fieri possit omnia, atq; alterum, qui e contra omnia possit efficere, cū agentis rationem habeat. Iam verò, ut planè videamus, quopactò agat hic intellectus Agens, & quæ sit natura eius atq; substantia, à nobis aliud est repetendum, quod supra crebrò notauimus. Sæpe diximus, intellectui nostro, si intelligere velit, operæ precium esse, aliquod semper phantasma contemplari, quod pariter eodem tempore à phantasia comprehendatur: nisi enim intellectus noster à phantasmate moueatur, nihil omnino agere per se ipsum potest. Atq; istud in harum non modò formarum, quæ intereunt, & oriuntur, sed etiam in immortalium substantiarum, & actuum intelligentia necessarium semper esse constanter asseuerabis; permittesq; Simplicianos ea, quæ velint, cōminisci, cum multis non modò sententiis Aristotelis, sed etiam cuiuscunq; hominis experientia omne eorum signum penitus euanescat. Cum autem phantasma ab externis rebus proficiscens cum omnibus pariter indiuiduorum conditionibus in phantasmæ organo, quod statuit esse cor Peripateticus magnus Alexander, recipiatur, perq; illud extendatur, intellectum commouere nequit, nisi prius fuerit expoliatum omnino eiusmodi conditionibus: quippe quod materiale phantasma immaterialem intellectum mouere nunquam posset, cum nulla inueniatur inter rem materialem & immaterialem proportio. Quare necessum est, aliquod habeamus efficiens, quod phantasma ab omni materiæ conditione seiungat, quò sui specie excitare queat intellectum. Quoniam verò hoc agens phantasma reddere debet immateriale, idcirco necessum est, ut immateriale etiam, & ab omni penitus potètia separatum eiusmodi sit efficiens: propterea quod si ulla huic potètia admisceretur,

admisceretur, nunquam phantasma à materiæ appendici-  
bus, & ab omni potentia segregare posset. Præterea cum  
materialis res quicquam agere in re immateriali nequeat,  
quoniam nulla, ut diximus, inter has proportio reperitur,  
eiusmodi quidem agens, dum phantasma efficit immateria-  
le, re vera nihil in eo gignet, sed illud tantum redder intelli-  
gibile. Talis igitur intellectus Agens (ex ordine enim intelle-  
ctuum sumas oportet efficiens istud, quod à nobis inda-  
gatur) ea sanè ratione se gesserit. Siquidem hic materia-  
tas partes, quæ vniuersalem formam in phantasmate deli-  
tescentem obscurant, segregando, ita illud collustrabit,  
ut immateriale, ac intelligibile euader, poteritq; tunc sui  
specie, intellectum nostrum commouere. Porro ab in-  
tellectu Agente phantasma nihil noui accipit, sed solum  
hoc habet, ut modò intelligi valeat, cum prius tale mi-  
nime esset: eiusmodi enim agens, veluti habitus phan-  
tasma respicit, & habitus quidem, vt lumen, ait Aristo-  
teles. Quæ me hercule comparatio si rectè, & diligenter  
consideretur, euanescent omnes difficultates, quas hoc in lo-  
co mouere interpretes solent. Nempe ut lumen perspicuam  
coloris partem illuminans, colorem non efficit, sed eum so-  
lùm talem reddit, vt videri queat, itaq; sola præsentia est ei  
ratio ut habitus, oculum sui specie commutandi: eodem sa-  
nè modo intellectus Agens vniuersalem formam in phantaf-  
mate à singularium conditionibus adumbratam suo illu-  
strans splendore, idq; sola præsentia præstans, eam minime  
gignet, sed solum intelligibilem efficit, estq; ut habitus qui-  
dam phantasmatis, qui non verè agit, sed est solum agendi  
ratio, æque ac citharam pulsandi ars, quæ verè pulsare nò di-  
citur, sed illa est, cuius beneficio citharedus operatur. Hac  
me hercle ratione suo fungitur munere intellectus Agens,  
qui tamersi phantasmatum gratia nobis tributus esse videtur,  
magis tamè ob ipsam intellectionem eum nos possidere cre-  
dendum est: nam mediis phantasmatis suum beneficium  
in intellectum potentia confert. Namq; phantasma ea quidè  
ratione, quod ab Agente illuminatum est, excitat intelle-



Aum nostrū, huncq; deducit ad actum, qui deinde sic à phā-  
 tasmate commotus vi & natura propria rem percipit intelli-  
 gibilem. Etenim cum intellectionis nostræ duæ sint causæ,  
 nempe intellectus Agens, atq; phantasma, eam intellectu  
 Agenti tanquam principali & potiori causæ, acceptam refer-  
 re, opus est, quanquàm medio phantasmate, quod est secun-  
 da causa, eandem præster. Hic igitur intellectus, eiusmodi  
 porro ratione vocatus ποιητικός, & ἐνέργεια, omnia potest  
 efficere, ea nempe, quæ potestate sunt intelligibilia; actui ef-  
 ficere intellectus Potentia tam materialia, quàm ea, quæ sunt à materia  
 separata, spirituali, siue incorporea quadam ratione euade-  
 re potest. Iam verò ex iis, quæ diximus, satis faciliè patere po-  
 test, quæ intellectus Agentis natura sit atq; substantia: quip-  
 pe qui simplicissimus, & purissimus est actus: est enim sub-  
 stantia (vt inquit Aristoteles) existens actus, idem penitus cū  
 ipsius met actu scientia, atq; se ipsum perpetuò & semper in-  
 telligit, & ab omni omnino est materia, potentiaq; separa-  
 tus, ac immortalis. Quamobrem tantum abest, ut ex eiusmodi  
 intellectu, & altero, quem possibilem appellamus, huma-  
 na anima constitutatur, ut potius alter maximè opponatur  
 alteri. Siquidem intellectus noster, qui possibilis dicitur, secū-  
 dum naturam propriam est pura nudaq; potestas, estq; ani-  
 mæ nostræ particula, quæ recipiendo species rerum intelli-  
 git, neq; se ipsum nouit, nisi per accidens, videlicet dū aliā  
 percipit; & si aliquando etiam circum substantiam propriā  
 se ipsum conuertit, hoc quidem rarò, & non semper conse-  
 quitur; propterea nec loco, neq; subiecto à ceteris partibus  
 animæ nostræ separatus est. Quæ quidem omnia, vt naturæ  
 intellectus Agentis paulò ante explicatæ maximè aduersen-  
 tur, cuiq; Peripatetico diligenter inspicienti manifestū erit.  
 Quamuis autem animam nostram ex intellectu Agente, &  
 Possibili constitutam esse negauerim, non ob id tamen infi-  
 cior, aliquam in anima nostra inesse compositionem: sed il-  
 lud tantum assero, ex possibili, Agenteq; intellectu substan-  
 tiam vnā, tanquam ex duabus partibus veris, & assentiali-  
 bus

bus (quod aiunt) minime constata esse. Aristoteles enim dixit, Quoniam in omni natura (pro qua nos intelligimus naturalem generationem, & rem corpoream) alterum inuenitur, quod est materia, & potest omnia fieri, alterum verò, quod omnia potest efficere: ita necesse est in anima, scilicet in spirituali generatione, & re incorporea has duas inesse differentias. Non dixit Philosophus partes: hoc utiq; sciuisset pronuntiare, cum ei nomen partis maximè familiaris esset. Ad hæc Aristoteles intellectum Agentem lumini similem esse dixit: lumen verò hum visus, aut coloris vnquam partem vocaueris? color enim ex diaphani, ac opaci mistione constat. Quanquam memini alias, Benedictum Mansolium omni doctrinæ genere, & eloquentia valde excellentem virum, ac mei amantissimum, cum aliquot, qui tunc Ferrariæ Medium audiebamus, & nobilis, & eruditi Horatii Malecutii domum nos exercendi gratia sepe conueniremus, colorem eiusdem esse naturæ cum lumine, ex sententia Aristotelis satisfactè, & ingeniosè, ut omnia consuevit, in disputatione quadam sustinuisse. Verum, ut ad rem redeam nostram, quid cogit nos, Agentem intellectum animæ nostræ partem decernere, tametsi efficientis munere fungitur? non ne in naturalibus, & corporeis similiter rebus agens à patiente distinguitur? mas enim & fœmina inter se agunt, & patiuntur; & nihilominus duæ sunt inter se diuisæ substantiæ. Atqui statuas, intellectum Agentem esse partem animæ nostræ, & videas quæso, deinde, quid consequatur. Etenim cum hic sit purissimus æquis secundum substantiam, & se ipsum semper intelligat, non ne pretiosissimos optimosq; in nobis thesauros haberemus, qui attamen nos laterent? Et quam legitimam pro Aristotele habere posses, excusationem, qui toties Platonem reprehendit, quod ideas omnium rerum in nobis inesse voluerit? illud verò nos parum compellere videtur, ut scilicet intellectum Agentem animæ nostræ partem confiteamur, quoniam huic cum intellectu potentia ea conueniant, esse nimirum separabilem, immistum, & imparitibilem. nam præter hæc tot deinde rationibus ab eo distingui-


Matur,

tur, ut nullo modo cum eius natura coherere possit. hic enim scilicet intellectus noster secundum substantiam propriam est pura nudaq; potestas: ille verò nimirum Agens, est purus, ac simplicissimus actus: hic aliquando intelligit, aliquando non intelligit: ille in intelligentia semper versatur: hic si aliquando cognoscit naturam propriam, id summa cū difficultate, & argumento quodam obliquo consequitur: ille perpetuò se ipsum percipit, ac intuetur, cum eius scientia secundum actum sit eiusdem natura atq; substantia: hic à sensu, & altrice anima nequaquam loco, & subiecto disiungitur: ille verò ab omnibus animæ partibus, materia omnino separatus est. Atq; ut illud, quod maximè vrget, non prætereamus, si intellectum Agentem partem animæ nostræ tenueris, arduum ac difficillimum tibi erit, causam reddere propter quam Aristoteles, cum in xx. tertii de anima context. solum separatum, solum immortalem, solum perpetuū esse affirmaverit. Postea quam enim Philosophus in xvii. & xviii. context. necessitatem, ac officium & munus intellectus Agentis aperuit, & deinceps in xviii. particula ostendit, quæ huic cum Possibili intellectu cōueniant, incœpitq; naturam eius, & substantiam explicare, tandem in xx. context. inter utrunque discrimen ponit, & Agentem ab intellectu potentia separando, perficit naturæ, ac substantiæ illius explicationem. Quamobrem nulla alia ratione existimare possumus, Agentem, intellectum solum separatum, solumq; immortale atq; perpetuum vocatum fuisse à Philosopho, nisi quia eū tunc cū intellectu potentia, qui etiā in nobis inest, & noster est proprius, comparauerit. Quippe mendax fuisset Aristoteles, si absolute locutus esset, cum præter Agentem alii diuini pariter intellectus, separati, immortales perpetuiq; reperiantur. Mirum tandem, ac quasi nefandum esset, quòd Aristoteles intellectum nostrum voluerit esse eternum, ac immortalem, & de eo eiusmodi nunquam voces protulerit, cum in eius præsertim disputatione versatus est; quas nihilominus de intellectu Agente, de materia prima, de corpore cœlesti, de prima illud mouente Causa, ac cæteris beatissimis mentibus aperte palamq; pronuntiavit. Age verò



quispiam me intorrogat, quis sit eiusmodi intellectus Agēs, cum eum nullam animę nostrę partem esse, decreuerim; Equidem vnā cum Alexādro Præstantissimo interprete Aristotelis, respondebo, hunc esse Deum Opt. Max. cui quidē sententię maximē suffragari videntur ea dicta Aristotelis, quę supra iam dudum à nobis adducta fuerunt: solus quippe summus ipse mundum arcens, & continens Deus omnia efficere potest, quę intellectui agentis tributa sunt. Illa præterea verba, quę significant, Agentem secundum substantiam esse existentem actum; cuius scientia sit eiusdem substantia, semperq; , ac perpetuo seipsum intelligere, ac solum separatim esse, solum immortalē, atq; perpetuum, in Deum Opt. Max. præcipuē conueniunt, & ad summam eius præstantiam, singularemq; perfectionem aptissimē quadrant. Quibus hanc satis firmam subiungere rationem possumus. Cum intellectus Agens debeat ab omnibus conditionibus, & appendiculis materię, & ab omni potentia phantasma separare, necessario opus est, eum ab omni materia remotum esse, ac potestate, nec non vi ac natura propria esse intelligibile, si cætera hunc participando ab eo reddi debent intelligibilia. Tantę verò perfectionis, atq; virtutis solus est omnium Princeps, ac moderator Deus, & huic solum eiusmodi officium demandari potest: nam reliqui diuini intellectus omnis omnino potentię non sunt expertes, cum eis saltem admisceatur potentia intellectus possibilis, de qua supra locuti sumus. Hac profectò ratione hic intellectus, quem Agentem communiter vocamus, in xviii. tertij de Anima contextu *νοῦς τῆ οὐσίας αὐτῆς ἐνέργεια* ab Aristotele dictus est, quę præcipuē Deo Opt. Max. verba conueniunt. Et quanquā in nonnullis libris Basileę impressis gręcę legitur *ἐνέργεια*; at tamen illi, qui deinde millesimo Quingentesimo Trigesimo nono Basileę item impressi sunt, atq; contextus Aldi Manutij, Paulijq; eius filij, nec non ille, quem Philippus Junta correctum à Nicolao Leonico Florentiæ impressit anno salutis nostrę Millesimo Quingentesimo vigesimo septimo verba græca sic habent, *καὶ οὗτος ὁ νοῦς χωριστός, καὶ αὐτῆς*,

καὶ ἀπὸ τῆς οὐσίας αὐτῆς ἐκέρχεται. Hæc igitur nostra est de intellectu Agente sententia, contra quam, non me latet, multis rationibus occurrere posse, quæ satis eam infirmare ac frangere videntur. Quare illas nos diluere oportebit, ut firma stabilisq; nostra permaneat opinio. Verum antequam attingo eas dissolvere, operæ precium est Aristotelis diligenter locos perpendere, qui priori sententiæ nostræ, quam de Potentia intellectu protulimus, aduersari videntur. Atq; ut recto ordine progrediamur, hinc tertii libri sumemus exordium.



# AD COSMVM MEDICVM FLORENTINORVM, AC SENEN-

SIVM DVCEM

Præstantissimum,

## IVLII CASTELLANII FAVENTINI

IN TERTIVM LIBRVM

de Humano Intellectu

Proœmium.



IRVM quondam visum est,  
OPTIME DVX, Quibusdã hu-  
ius nostræ ætatis Doctis, & Eloquẽ  
tibus Viris, quòd plures ijs nostris  
temporibus, quàm par esset, Iuris  
Ciivilis arte contempta, in quo præ-  
cipuè sita sunt præsidia ad summos  
omnium honorum, & dignitatum  
gradus consequendos, se se dedant  
studiis Philosophiæ, in ijsq; præstare omni cura, & diligẽtia  
contendant. Et propterea conati sunt eiusmodi Homines sa-  
tis longo, & eleganti sermone imminuere gloriam, & digni-  
tatem Philosophorum, ijsq; antepondere Iureconsultos, &  
summis laudibus legum doctrinã vsq; ad cælum extollere,  
vt omnem in posterum iuuetutem à clarissimis Philosophiæ  
studiis auocarent, eanq; ad Iuris Ciivilis disciplinam addu-  
cerent. Ego verò contra deplorandam esse arbitror miseriam  
& calamitatem nostrorum temporum: quòd adeò quæstu  
& auaritia corrupta & deprauata sint omnia, ut pauci admo-  
dum hac nostra ætate reperiantur, qui ad sacra Philosophiæ  
studia se conferant, aut saltem in ijs multum excellere nitã-  
tur:



tur: quippe ferè omnes, siue adoleſcentes, siue prouectiores ætate, ad Iureconsultorum libros, tanquam ad pecuniæ, & opum vastissimum mare deferuntur, in quo sepe ac sepius toto se animo, & corpore ingurgitant. Quibus si aliquando obieceris, illud studiū eos sibi delegisse, quod illiberalis quidem laboris, fastidij, ac satietatis est plenum, & omnis omnino est eruditionis, elegantix, & delectationis expers; ij tibi responderint, se se veram sequi philosophiam, atq; in optimo laudis & gloriæ studio versari; cum ex vna Iuris Ciuilis exercitatione quàm plurimum lucri faciant, & amplissimas sibi citunas, & opes comparare possint, nos enim addent in ea incidimus tempora, quibus quæ homines arant, nauigant, ædificant, pecuniæ omnia parent. Quorum sanè responsum cuiuspiam fortasse dignum excusatione videbitur, qui multorum Principum huius temporis animū, & mores animaduertet: ij enim cum diuitias ita colant & venerentur, ut summum in eis bonum ponāt, quasi venalis sit emenda felicitas, nullū mirum videri debet, si deinde plerique alij, qui ab eius modi Croësis Midisq; gubernantur, cum omnia quæstui haberi videant, ad hunc solum intendant oculos, & eius gratia illiberalibus & sordidis interdum se se artibus tradant: nam, ut præclara ea docemur sentētia, Corrupti sunt, deprauatiq; mores admiratione diuitiarū. Scio autē illos, qui nostro impendant tēpore, si in TE, PRAESTANTISSIME COSME, tanquam in speculo, rectam viuendi rationem intueri velent, nunquam sanè diuitias, quæ ne vllō quidem tempore, sui extinguunt cupiditatē; quod, ut aiebat Solon,

*Hand est finis opum fixus mortalibus ullus;*

tanto amore, & obseruantia proſecutores esse: sed illas hac solū ratione curaturos, quō eis ad liberalitatē, & magnificētiā, ac ceteras virtutes exercendas satis, cōmodē vti possent. Tu enim pecunias & opes, quas & largissimæ fortunæ manus & singularis tua virtus ac diligentia quotidie Tibi tribuerūt amplissimas, tanta semper moderatione animi, ac æquitate suscepisti, easq; ita prudenter, & magnificē distribuisti, vt, quemadmodum in alijs virtutibus, quæ ad morum attinent probitatem

probitatem, hucusq; superasti Ceteros Illustres & Clarissimos Viros, ita in hac largiendi, quæ est valde præstans, atq; laudabilis, parem certè habeas neminem. Verùm, ut redeã ad hanc turpissimam lucri iam inueteratam, & animis infixã cupiditatem, cum ex hac multa mala & incommoda proueniant, illud maximè in primis dolendum est: quòd ab ea præstantissima quædam ingenia adeo corrumpuntur, ut cū in liberalibus disciplinis, & nobilissimis Philosophiæ studiis maximè excellere, et summam ac immortalem sibi gloriam consequi possent, sese tota abdunt, atq; sepeliunt in artibus insatiabilis lucri, ex quo deinde fit, ut humaniores expolitiores literæ, optimèq; scientiæ magis indies senescant, breuiq; tempore ad nihilum venturæ videantur. Huius verò prauæ ac deterimæ cōsuetudinis si nobis causam perscrutari licet, hinc eam quidem, veluti è fonte, manasse arbitror: quòd raro ad modum Principes horum temporum Philosophantur, aut consuetudine Philosophorum gaudent; etenim si Philosophorum congressibus, monitisq; oblectarentur, non ita me hercè omnia pro libidine gubernarent. Verùm se ipsos animaduertentes ministros esse Dei Opt. Max. electos ad curam habendam hominum, & eorum pacem, salutemq; tuendam, se ipsos in primis moderarentur, atq; componerent, ut deinde lege, quæ Regina est omnium mortalium rerum, & immortalium, nempe ratione, recta in eorum semper viua & imperante animo, suos regerent populos, & similes atq; carissimi summo Deo, cuius sunt iucundissimæ, & magnificentissimæ imagines, fierent. Illi .n. maximè decipiuntur, quod Tu optimè nosti, SAPIENTISSIME DVX, qui vanam prorsus & inutilem humano generi arbitrantur esse Philosophiam, etiam in priuati alicuius animo, veluti in cetro restrictam, ocio languescere, neq; in publicam se se aliorum vtilitatem transfundere: quippe quòd ea prodest compluribus, si huic aures adhibeantur, & multorum populorum mores conformat, eosq; conseruat in summa concordia & tranquillitate. Quod optimè intellexerunt Principes superiorū ætatum, cum clarissimus ille vir Pericles Anaxagoræ, Critias,

N &

& Alcibiades Socræus, Syracûsius Dio Platonis; Agesi-  
 laus, Cyrusq; Xenophontis, Lyfiæ Thebani summus vir vnus om-  
 nis Græciæ Epaminondas, Alexander ille Magnus Maximî  
 Aristotelis, Cittixi Zenonis Antigonus, Veteris Italiæ Prima-  
 rij, quæ Magna Græcia dicta est, Pythagoræ, Marcus Antoni-  
 nus Procli, atq; Traianus Plutarchi Chæronci familiaritate &  
 colloquiis maxime delectati fuerint, & ab eiusmodi Doctis  
 ac Sapientibus viris artibus ac doctrinis omnibus expoliti,  
 & agendi præcepta acceperint, & eloquendi. Verissima  
 quippe, & aurea quidem est ea Platonis sententia, quam in  
 iiii. dialogo de Repub. protulit, atq; à nemine, quod à  
 quibusdam fit, vlllo pacto reprehendi, aut irrideri potest.  
 Nisi enim, ut ibi Socrates inquit, philosophi ciuitatibus dominentur,  
 uel ij, qui nunc Reges, potentesq; dicuntur, legitimè sufficienterq;  
 dominantur, in idemq; ciuilibus potentia, & philosophia concurrant;  
 neq; quod nunc fit, à diuersis duo hæc tractentur ingeniis, non  
 erit ciuitatis, uel, ut mea fert opinio, hominum generi requies ulla ma-  
 lorum. Quod sanè huius sapientissimi, ac Diuini hominis di-  
 ctum ea potissimum ratione confirmatur. Siquidem ipsi phi-  
 losophi, cum rerum assequendæ veritatis incredibili deside-  
 rio conflagrent, tandem ex iis corporeis rebus se se erigunt  
 ad Dei Op. Max. contemplationem, qui est summum bo-  
 norum omnium summaq; iustitia: atq; cum eius notionē  
 fuerint consecuti, facile deinde illis est ad veram iustitiam &  
 bonum, summum & immortalem imitantibus Deum, po-  
 pulos, & ciuitates omnes redigere. Neq; enim aliter in ciui-  
 tates bonum introducere possumus, nisi, quid summum sit  
 omnium bonum, mente comprehenderimus, ad cuius tantū  
 exemplar humanas res debemus administrare. Tantū por-  
 rō vim habet, ILLUSTRISSE PRINCEPS, ea phi-  
 losophia, quæ propriè in contemplationē versatur, ad sedā  
 das animi nostri perturbationes, ac iustitiam in primis, & cæ-  
 teras deinceps morales virtutes adipiscendas, vt nihil supra  
 dici, aut excogitari possit. Quid enim? si hæc elementa qua-  
 tuor, si cæteras huius inferioris, & superioris mundi partes  
 deprehenderimus, mira principis illius omnium Dei prouiden-  
 tia




dentia sibi ipsis mutuò cedere, se ipsa diligere summa lege & regula moueri, summum in omnibus rebus ordinem æqualitatemq; seruare; non ne maximum & clarissimum lumen habebimus ad perspicendam, colendamq; iustitiam, quæ humanas actiones moderari, & continere debet? quid? si nouerimus diuitias & opes haud per se ipsas expetendas esse, verum ad aliud bonum ordinari perfectius, nec non earum cupiditatem violentissimam quandam esse & insatiabilem sitim, vbi alia vix reperietur, ac ratio, quæ ad liberalitatem ac magnificentiam utendam nos magis impellat, & adhortetur? quid? si perspexerimus indignam esse homine libero voluptatem, & beluarum propriam, ac omnium matrem, escamq; malorum, non ne temperantiam atq; modestiam in cunctis rebus amplexari conabimur? Similem profectio viam & apertissimam ostendit nobis philosophiæ contemplatio reliquas morales adipiscendi, & exercendi virtutes. Quam obrem satis iniuste, & nimis arroganter mihi fecisse videntur illi, qui philosophiam non modo Iuri Ciuili anteposuerunt, sed illam etiam tot verborum grauissimis contumeliis lacerarunt, ac tanta in eam vehementia & asperitate inuecti sunt; ut etiam si vilissima, ac deterrima artium, & scientiarum omnium hæc nostra esset philosophia, adhuc tamē istorum hominum furorem, & petulantiam vehementer accusare posses. Equidem in præsentia maledicta horum extingueres, ac tot commentitias futesq; argumētationes reiicere non decreui (alius enim alias dabitur opportunior respondendi locus) sed eos nunc tantum rogādos, atq; etiam orādos duxi, ut, si veri sunt atq; legitimi, neq; potius (ut utar eorū verbis) nothi & Spuriij philosophi, amicæ ac beneuolē nobiscū agere velint, nec tantum odio & inuidia obsecari permittant; atq; illud in primis animaduertant, quod eis aliàs obiectum est, nec adhuc planē sublatū, hoc nempe Ciuilis sui studium, quod ita se iactant atq; gloriantur, iudiciale esse tantum atq; forense, ac in regendis contractibus hominum, minimis in quæ rebus, & obscurissimis solum versari. Neq; enim in lure consultorum Gymnasijs de alijs rebus, quàm de stipulationibus

nibus, de mutuis, de depositis, de hæreditatibus, de possessionibus, & cæteris eiusmodi inextricabilibus, & exiguis rebus, quæ quotidie in controuersiam à priuatis hominibus vocantur, assidue disputatur. De moribus hominum instituentibus, de acquirendis virtutibus, de formandis Rebus publicis, atq; gerendis, de sedandis bellis, de concilianda pace, de tranquillitate & summa vrbiū comparanda felicitate ne vllum quidem verbum habent. Hæc vero omnia ita apertè, & luculenter à philosophis nostris pertractata ferunt, vt nos verè philosophiam elegantissimis & aureis Ciceronis verbis matrem omnium benefactorum, beneq; dictorum, vitæ ducem, virtutis indagatricem, expultricemq; vitiorum, inuentricem legum, magistrā morum & disciplinæ, ac deniq; laudatarum artium omnium procreatricem quandam, & quasi parentem nuncupare debeamus. Neq; enim illam philosophiæ partem, quæ incumbit contemplationi, ab altera, quæ hominum mores & vitam instituit, quod fecerunt isti, segregare decet: siquidem hæc ita cum priori connectitur, ut eruditissimi quique homines, qui in rerum contemplatione maxime præstiterunt, iidem semper etiam vitæ, morumq; probitate ceteros excelluerint: quippe quod postremum, & optimum cōtemplationis finem attingere non valeamus, nisi probatissimis moribus, & virtutum semita ad illum perueniamus. Quamobrem caueant isti, qui tam asperè nobis aduersantur, dum moralium virtutum disciplinam sibi arrogānt, quæ est præcipua & propria philosophorum, ne eos plagiaria lege conuenientes furti condemnandos instemus. Hæc verò quæ paulo ante adduximus, diligenter & ritè considerent, quò totam philosophiam frugiferam & fructuosam esse perspiciant, ac ne posthac eam in tantam inuidiam rapiant, neq; vexent tot ignominiiis & contumeliis, ac ne studio suo in posterum tantum tribuant, ut illud supra disciplinas omnes, & artes egregiis summisq; laudibus celebrandum putent. Sed iā sentio, PRÆSTANTISSIME COSME, me vltra quam putaram, in hac causa progressum fuisse. In qua re planè non vereor, quin TV, ac cæteri prudentes vi-

ri me excusetis. Ego enim cum viderem ita deiectos, ita laceratos esse philosophos, non potui (quantum huiusce loci petiit occasio) non summam eorum dignitatem & gloriam pro viribus meis defendere. Atque istud feci quidem audacius; quod certo scio, & T V melius me nosti, Sapientissime. P R I N C E P S, ipsis philosophis, ut diuinis & sanctissimis hominibus (quippe qui mentis contemplatione, & vitæ ac morum institutione totius mundi principis ac moderatoris Dei valde similes fiunt) præclarissimas sanè laudes, & maximos honores tribuendos esse. Nolim autem, ut aliquis, me odio, aut malevolentia adductum, à quibus valde semper abhorruì, nunc putet ad Ciuilis iuris studii laudem imminuendâ surrexisse: sed quia hæc meæ erant partes, cum vnusquisq; de beatissimi sui ratione mordicus pugnacissimeq; tueri. Equidem sanctissimarum legum disciplinam semper mirifice commendauì, neque aliquid de gloria, quæ huic debetur, vnquâ detrachere contendam; immo verò grauissimos eos Iureconsultos, qui non tantum Ciuilis iuris doctrinæ se dediderunt, ut aliquam etiam philosophiæ partem non tribuerint temporis, atque hoc studium cum altero non coniunxerint, summis vbique semper esseram laudibus; & veram istorum iuris scientiam benevolentia colam sempiterna. Quos nunquam vereor in eorum sententia ituros esse, qui tantum inuidiæ, & indignationis in Philosophiam quærunt. Illos autem, qui puram ac simplicem iuris ciuilis artem profitebuntur, & eam à Morali præsertim Philosophia seiunxerint, quod ex solis Inreconsultorum libris humanarum rerum haberi administrationem putant, haud multi faciendos ducam. Si enim quorû summam ego temeritatem ac petulantiam æquo semper animo tuli, si nimias perturbationes, & prauos animi affectus moderari, atque se ipsos continere nequeunt, quo pacto moderabuntur alios, & continebunt? aut qua ratione ad gerendos magistratus, & Remp. administrandam adhibendi erunt? Illa. n. regula, quæ alia dirigere debet, si transuersa & distorta fuerit, necesse est, omnia quoque peruat; cum non sit cadentis, ut Plutarchus ait, alium dirigere, nec ignorantis docere, nec incompositi



siti componere, nec ordinare inordinati, nec imperare eius, qui non pa-  
 reat imperio. Sed iam tempus attingendi est tertiam partem  
 disputationis nostræ, cum satis, supraq; à proposito digres-  
 sifuerimus. Nos igitur in hoc tertio libro quosdam Aristo-  
 telis locos adducemus in mediū, qui opinioni nostræ aduer-  
 sari videtur; & quæ ex iis emanare difficultates solent, omnes  
 pro viribus remouere conabimur. Tandem vero, quam nos  
 Christiani Orthodoxi de animorū nostrorum immortalitate  
 sententiam debemus tenere constanter, & summa pietate ac  
 religione tueri, à me breuibus explicabitur; & qua ratione po-  
 tissimum, cum iam Christianam philosophiam, quæ so-  
 lum vera est, in primis colamus & veneremur, Aristo-  
 telis, aliorumq; Philosophorum principijs occurre-  
 re, & eorum fundamenta prorsus euertere possi-  
 mus. Ita enim fore arbitror, Optime, ac Inte-  
 gerrime PRINCEPS, vt ea me saltem boni ac probati viri præstitisse cognouerint,  
 quæ cū mea DEO OPT. MAX. debui, & debent  
 tanta fides & pietas, tum maximus ni-  
 tor & splendor sinceræ illius, plati-  
 neq; ab omni fūco & labe  
 remotæ religionis, ac sanctitatis tuæ  
 postulare vi-  
 dentur.



## LOCVS IN PRIMO CAP. PRIMI DE PART.

*Animal. qui uidetur innuere immortalitatem;*  
*explicatur. Cap. I.*



**V**T ordinem à nobis propositum obseruemus, eos primùm explicabimus locos, qui sententiæ nostræ, quam protulimus de intellectu Potentia, repugnare videntur: ac paulopost rationes diluemus Aduersariorum, quibus alteram opinionem nostram de Agente intellectu destruere conātur. Cum autem plures ex variis Aristotelis Commentarijs loci afferri soleāt ab ijs, qui ex eius sententia immortalitatem struere contendunt, nos eos tantum ponderare decreuimus, qui maiorem vim pro Aduersariis habere videbuntur. Et quamquam illustres ac summi Peripatetici, vt Theophrastus, Alexandrinus, & Hermeas Ammonius, Olympiodorus, Themistius Euphrada; Simplicius, Auerroes, Ioannesq; Grammaticus tantam adhibuerunt fidem ijs locis, vt Aristotelem tenuisse immortalitatem planè crediderint: ipse nihilominus à tantorum virorum explicatione longè recedere non dubitabo, cum ex altera parte præter Aphrodisiensem Alexandrum, Plutarchum Charoneum, atq; Galenum habeā Philosophos, ac Theologos præstātissimos, nempe Iustinum Martyrem, Gregorium Nazianzenum, Gregorium Nicensum, Origenem, ac Theodoretum Episcopum, qui omnes licet eiusmodi viderint loca, attamen constanter asseruerunt, Aristotelem illius fuisse sententiæ, vt verè putauerit animos nostros esse mortales. Vt igitur ad rē ipsam aggrediar, postquam Aristoteles in primo de Partibus ostendit, necesse esse Naturali Philosopho de anima pertractare, quoniam ea est animalium forma; dubitat, an ad Naturalem pertineat de omni anima disputare: Quam paulopost explicans difficultatem ait, Naturalis munus esse philosophi, de ea anima tantum agere, quæ sit Natura, & alicuius principium motus existat. Cum verò mens non sit eiusmodi, sed res à materia segregata, de ea Naturalis differere nequit. Ex ijs igitur verbis Aduersarii volunt elicere, intellectum nostrum esse immortalem

22  
 talem : quippe quòd Aristoteles cum negauerit esse Naturā,  
 & affirmauerit liberam esse formam atq; solutam à concre-  
 tione materiæ. Verum (ut supra etiam i i i. cap. primi libri  
 notauimus) nullam ex hoc loco possumus animi nostri de-  
 ducere æternitatem. Siquidem hic Aristoteles voce intelle-  
 ctus propriè non accipit humanum intellectum, sed æternam  
 ac separatam mentem, & de hac potissimum ambigit, an scili-  
 cet, quemadmodum Naturalis agit de ea anima, quæ est na-  
 tura, & finis naturalis motus; ita etiam propriè & per se de  
 altera anima, quæ est separata à materia, disputare queat. Atq;  
 hanc à naturali consideratione sciungit: propterea quòd, si  
 vtrinq; animam & vtrunque intellectum, nempe intellectu  
 possibilem & materialem, qui finis est naturalis motus, ac in-  
 tellectum separatum Naturalis per se ac propriè cognosce-  
 ret, inanis quidem & superuacua Diuina esset Philosophia,  
 quæ huius separati intellectus tractatione maximè à Natura-  
 li disiungitur. Hanc porrò veram & germanam esse huius lo-  
 ci explicationem, hinc facillè patere potest. Aristoteles enim  
 hunc intellectum, quem segregat à naturali contemplatione,  
 asserit nullius principium esse motionis, in nullisq; animalibus  
 reperiri. Atqui cui dubium est nos, qui sumus animalia,  
 aliquo præditos esse intellectu? & quis negauerit, hunc  
 esse motus initium, si ille est, quo intelligimus, quæ sanè  
 actio absq; motu & alteratione nequit absolui, cum dixerit  
 Aristoteles, ipsum intelligere sicut sentire esse, & cum quadā  
 in nobis gigni passione? Præterea quo pacto Aristoteles hoc  
 in loco tractationem intellectus nostri adimit naturali Philo-  
 sopho, ac deinceps in commentariis de Anima, qui inter Na-  
 turales omnino libros collocantur (ut supra cap. paulo ante  
 citato probauimus) propriè ac per se de eodem tractat? Nul-  
 lū quippe alium inueneris locum, vbi Aristoteles vim & natu-  
 ram intellectus nostri propriè nobis explicauerit. Quod iu-  
 re sanè optimo factum est: ea enim omnia, quæ alicui motio-  
 ni subiecta sunt, ad Naturalem pertinent contemplationem,  
 nisi falsam in v i. Diuinæ Philosophiæ volueris distinctionem  
 esse scientiarum. Porrò hic Aristoteles in quæstionis dissolu-  
 tionē



tionē diuinā ac separatā formā appellat mentem, quā antea in eiusdem propositione sub nomine comprehenderat animā. Quod si alicui mirum videbitur, is eundem conspiciat Philosophum in ii. contex. vi. Primæ Philosophiæ, vbi, postquam ostendit eam esse Naturalis Philosophi definiendi rationem, vt vnā cum formā semper aliquid materiæ complectatur, similem ferē sententiā profert dicens. *Quam obrem ad Naturalem Philosophum pertinet de aliqua anima contemplari, quæ non sine materia est.* Sed huic iterum sententiæ valde consonū est aliud Aristotelis dictum in xxvi. contex. ii. Physiæ Auscultationis, vt videas apertius interpretationem nostrā cæteris esse probabiliorē. Igitur ibi Philosophus Naturalem animaduertit, in formæ contemplatione vsq; ad notionem finis progredi debere, & eius tantū formæ naturam considerare, quæ à materia solū ratione disiungi queat: separatā verò formā, quo ad quæstionem quid est, relinquendam esse Diuino Philosopho. Quod rursus in initio vi. Postnaturalis Philosophiæ apertissimè testatur, vbi asserit, Naturali Philosopho magis notioni formæ, quàm materiæ incumbendum esse, & formæ, quæ à materia nequeat separari. Iam verò, si hoc in loco Auerrois Sēctatores, atq; Simplicij adeo sint pertinaces & opiniosi, ut adhuc velint terminum Naturalis contemplationis humanū esse intellectū, ita tamen, vt de eo quæstio tantū si est explicetur à naturali Philosopho, nobis ij debent ostēdere, quo in loco Primæ Philosophiæ, quid sit humanus intellectus, nos docuerit Aristoteles. Sed iam alterum locū eiusdem libri de Partibus animalium perpendamus.

## ALTER LOCVS IN IIII. LIBRO DE

Partibus x. cap. de claratur. Cap. II.



**ARISTOTELES** in iii. libro de Part. cap. x. habet hæc verba. *sed homo vice pedum priorum brachia, & quas manus dicimus, habet: solus enim animalium omnino erectus est, quoniam eius natura atq; substantia diuina est.* Officium autem diui-

ni

*nō est intelligere atq; sapere.* Quibus ea similiter verba subiunge-  
re possumus, quæ in ii. de Generatione Animal. cap. iii. &  
xi. Ethicorum cap. vii. scribuntur, vbi Philosophus huma-  
nam mentem diuinam vocat, diuinamq; ab ea inquit vitam  
proficisci. Ex qua quidem voce diuinitatis visus est Aristote-  
les animi nostri immortalitatem significasse: nam & iii. Phy-  
sicorum x x x. contex. & C. primi de cælo cōentarii quod  
est principium incorruptibile & immortale diu num vocat.  
Cæterum illud à nobis aduertendum est, solo diuinitatis no-  
mine nos non posse vlliùs rei immortalitatē asserere: siquidē  
Aristoteles non modò loquens de separatis ac immortalibus  
formis, & coelestibus globis vsus est diuini vocabulo, sed in  
caducis etiā & mortalibus rebus. quippe qui voluit præter  
naturalem formam à corporibus coelestibus virtutem quan-  
dam rebus; quæ hic oriuntur, communicari; cuius ratione  
hæc caduca diuina etiā nuncupantur; tametsi non æque  
omnia, sed quædam clarius, aliqua verò obscurius eam parti-  
cipare videntur. Quod tibi ostendit Philosophus cap. v. pri-  
mi de Partibus Animal. vbi sententiam probans Heraciti,  
in minimis inquit, & vilissimis etiā rebus, quæ hic gignun-  
tur, Naturæ numen, honestum pulchrumq; ingenium, &  
quandam apparere diuinitatem. Atq; iterum in ii. de Ge-  
neratione Animal. cap. iii. subiungit hæc verba. *sed enim om-  
nis animæ siue virtus, siue potentia corpus aliud participare videtur, idq;  
magis diuinum, quàm ea, quæ elementa appellantur. verum prout no-  
bilitate, ignobilitate ue animæ inter se differunt, ita et natura eius corpo-  
ris differt.* Quo ex loco apertè colligimus elementa, ac cæte-  
ra omnia corpora naturalia, quò perfectiorem, aut minus  
perfectam sortita fuerint temperationem, eò magis, minusue  
coelestis huiusce virtutis, ob quam diuina vocantur, participa-  
re. Quamobrem cum homo, vt in ii. de Generatione scri-  
bitur Animalium, ob sanguinis cordis maximam puritatem  
nobilissimum omnium temperamentum, & animam obti-  
nuerit; idcirco ab eodem Philosopho x. cap. primi de parti-  
bus dictum est, hominem cunctorum animalium maximè di-  
uinitatis esse participem. Porro fundamentum satis debile  
iaciunt

iaciunt qui ex solo diuini vocabulo ostendere volunt animo-  
rum nostrorum aternitatem : nam in fine quinetiam primi  
Physicorum omnem, quam materies appetit formam, ac sibi  
pro fine naturali constituit, diuinam vocat Aristoteles. Im-  
mo verò si eiusdem verba Philosophi rectè consideraueris,  
quæ supra ex x. cap. iiii. de part. adducta sunt ad senten-  
tiam nostram labefactandam, intellectus nostri mortalitatem  
aperte conspexeris. Ibi enim dicens Aristoteles, *solum anima-  
lium omnium hominem erectum esse, quoniam eius substantia atq; na-  
tura diuina est : officium autem diuini est intelligere ac sapere; quod nõ  
facile esset, si uasta corporis moles assideret: pondus enim & tardiorẽ  
reddit & mentem, & sensum communem; nil sanè aliud nobis ostē-  
dit, nisi intellectum naturalem esse hominis finem, eumq;  
ab humani corporis temperamento proficisci. Quibus ut ma-  
iorem fidem adhibeas, ea tibi legenda sunt, quæ in i. eiusdẽ  
de part. cap. fuerunt ante prolata, quæ sunt eiusmodi. Homo  
unus erectus est: quoniam cordis, & pulmonis locum calidissimum, et san-  
guinis feruentissimum habet. Etenim hic efficientem causam & na-  
turalem rectè hominis figuræ nos docet, quam asserit cordis  
esse, ac pulmonis sanguinem multum, atq; purissimum : de-  
inde verò in iiii. libro cap. adducto huius naturalis causæ  
finem, qui naturalis item debet esse, nobis significat, huc esse  
dicens intellectum hominis, diuinam sanè substantiam. Simi-  
liter ex x. Ethicorum Commētario, ubi humanam mentem  
diuinam vocat, mortalitatem potius deducimus. Cum enim  
ibi Philosophus eis respondere veller, qui monebant nos,  
cum simus homines atq; mortales, pariter humana tantum  
atq; mortalia sapere curareq; debere; inquit, nobis, quan-  
quam mortales sumus, omni tamèn cura & diligentia eniten-  
dum esse, ut quoad eius fieri possit, euadamus immortales, &  
eam degamus vitam, quam mens, res quidem in nobis præ-  
stantissima, nobis suppeditat. Concedit igitur nos esse morta-  
les, attamen debere nos conari, ut, quoad illud natura hu-  
mana præstare potest, similes Dijs euadamus : quod sanè mē-  
tis agitatione consequimur, quæ hominis videtur naturam ex-  
cedere, qui est politicum animal, ac propriè in singularium*



rerū cognitione versatur, Aristotelis autem verba hæc sunt. *Quod si mens diuinum ad ipsum hominem est, et uita, quæ ab hac manat, diuina est respectu ipsius uitæ humana. Oportet autē nō quemadmodum monent quidam, humana nos sapere, cum simus homines, aut mortalia, cū simus mortales, sed, quoad fieri potest, immortales nos ipsos facere, cunctaq; efficere, ut ex uita uiuamus, quæ ab eo manat, quod est eorum, quæ in nobis sunt, præstabilissimum.* Si igitur Aristoteles animi nostri tenuisset æternitatem, haud me hercle dixisset, mentem cū natura humana cōparatam esse diuinam: ac ea quidem ratione illis respondisset Philosophis, nos utiq; debere sapere & curare immortalia; quoniā immortales sumus; quæ facilis & clarissima erat responsio. Illud præterea nobis credendum est, si Aristoteles intellectus nostri probasset æternitatem, eiusmodi quidem vocem nequaquam ei fuisse prætereundam, dum in i. i. Animæ commentario naturam humani explicat intellectus: ea enim quæ immortalia ac sempiterna esse Philosophus existimauit, talia ubiq; probauit esse vtrius eiusmodi vocibus, quæ apertissimè æternitatem significant. Vnde cum quatuor sint in mundi vniuersitate apud Aristotelem; quæ nunquam orta sunt, nec vllō etiā interitura sunt tempore, prima nimirum materies, cœleste corpus, eiusdem circuitus atq; conuersio, nec non Beatæ Mentis eiusmodi initia motio nis, hæc singula planè æterna ac perpetua ab eo vocata esse perspicies, vbi eorum nobis naturam tradit. Nunquam autem inueneris in i. i. libro de Anima æternum fuisse dictum intellectū nostrum: propterea quod in x. x. contex. vbi Philosophus inquit, *separatus autem est solū in hoc, quod quidem est, & hoc solum immortale atq; perpetuum*, de Agente intellectu sermo nem habet. Si verò præter hunc tertium de Anima librum, qui proprius est huius contemplationis, Aristoteles alijs quibusdam in locis æterni, siue perpetui fuerit vsus vocabulo, vel confusè de utroq; intellectu, vel si de nostro locutus est, affirmatiue nunquam, at semper verecundè dubitaterq; eiusmodi voces de eo pronuntiauit. Quod quidem sequentibus dictis magis aperire conabimur.

Alius

## ALIVS LOCVS LXV. ET LXVI.

context. primi de Anima declaratur.

Cap. 111.



Voniam post libros de partibus commentarii de Anima collocantur, ideo nunc ea expendenda sunt diligenter, quæ in iis aliquo modo videntur innuere immortalitatem. Aristoteles igitur in LXV. & LXVI. context. primi de Anima scribit hæc verba, ut ea vir doctus in primis, & elegans Argyropilus conuertit. Intellectus autem aduenire videtur, & substantia quædam esse, ac non corrupti: nam ab ea maxime, quæ in senectute fit, obfuscatione corrumpitur. nunc autem perinde fit, atq; in sensu instrumentis. Etenim si senex talem acceperit oculum, uideret sicut et iuuenis. Quare senectus, non quia anima quicquam est passa; sed quia id, in quo est, aliquid passum est, quemadmodum in ebrietatibus, & morbis fieri solet. Et ipsum igitur intelligere ac contemplari marcescit, quia aliud quoddam intus corrumpitur; ipsum autem passione uacat: ratiocinari vero, & amare, & odisse non sunt illius affectus, sed huiusce, quod habet illud, ea ratione, qua illud habet. Quapropter & hoc corrupto nec recordatur, nec amat: non enim illius, sed ipsius communis, quod quidem perijt. Intellectus autem diuinum quid est fortasse, passioneq; uacat. Porro Ioannes Grammaticus, & Iuniores quidam nostræ ætatis Philosophi iis adeo sunt verbis inflati, ut planè asseruerint hic intellectus nostri æternitatem apertissimè demonstrari, & in eos, qui sunt alterius sententiæ, in uesit magnopere fuerint. Ardoctius, magisq; prudenter in huius loci explicatione mea quidem sententia Themistius, ac Beatus Thomas se gesserunt: quorum censuit alter, Philosophum hic dubitandi potius ac differendi gratia, quàm ex sententia & proposito quicquam discernendi, locutum esse. Alter verò inquit, eundem ex veterum opinione Philosophorum illud satis tritum atq; vulgatum assumere, omnem nimirum animam esse incorruptibilem, ut adhuc probet, animæ functiones nequaquam solius animæ, at totius esse compositioni. Equidem arbitror, hos duos context. ita cum superioribus

bus

bus esse connectendos, ut in istis Philosophus, quod paulò ante de actionibus sentuum ostenderat, has scilicet vel non esse motiones, aut si motiones admittantur, non esse tamen solius animæ, sed compositi; idem sanè de intellectus operatione probare velit, quò tandem, ut factum est, animam nostram non moueri, ab eo concludi possit. Quamobrem in ijs duobus context. illud habemus certissimum, intelligere & contemplari esse communes animi, & corporis operationes, neq; soli intellectui tribuendas, & hac de causa post interitum hominis nec intellectum nostrum recordari, nec amare, nec quicquam aliud agere, aut pati posse: hæc enim sunt apertissima verba Philosophi, quæ pertinacibus repetenda sunt. *Rationem uerò, & amare, & odisse non sunt illius affectus, sed huiusce, quod habet illud, ea ratione, qua illud habet. quapropter & hoc corrupto nec recordatur, nec amat, non enim illius, sed communis, quod quidem perijt.* De immortalitate uerò nihil planè certi colligere possumus: nam dicant mihi, obsecro istos, qui hoc in loco adeò contra nos gestiunt, & effertur, valet ne hæc cōsequentia, intellectus non patitur patiente corpore, igitur est immortalis? Non ne vident Dij boni (quod Themistius animaduertit acuto & perspicaci quidem ingenio Philosophus) nos eadem ratione posse sentiendi animam ab interitu vendicare? Quinimmo si hic diligenter aduertat, ad illud videtur intendisse Philosophus, ut item probaret secundum se vim sentiendi esse impatibilem. Sed etiam fac Aristotelem hic præter rem & propositum de animi nostri immortalitate differuisse; adhuc tamen nihil certi ratiq; habebis, cum ille in LXVI. particula satis verecundè dubitanterq; concludens hæc habeat. *Intellectus autem diuinum quid est fortasse, passioneq; uacat.* Quæ me hercule uerba ea ratione protulit Aristoteles, quoniam semper ferè usq; ad tertium librum de Anima de intellectu dubiè & confusè locutus est, hæud nostrum distinguens ab altero, *ἐνέργεια*, vel Agens qui dicitur, nec uerò, ut inquit Philosophus, quoniam hic nondum perfectè demonstrauerat æternitatem.

Verba



VERBA XCII. CONTEX. PRIMI  
de Anima explanantur. Cap. IIII.



**A**LTER est locus in fine primi de Anima commentarii, quem inquit Ioannes Grammaticus consultò ab Alexandro fuisse prætermisum, quòd eum hic pro parte sua nullam explicandi rationem habuerit. Sed facilè a nobis Philo-  
poni reprehendi pertinacia, & Alexandri calumnia coerceri poterit. Aristotelis verba hæc sunt. *Dubitabit autem aliquis & de ipsius partibus, quam potentiam habeat una quæq; in corpore. si enim tota anima totum corpus continet, conuenit & partium unam quamque continere aliquid corporis. hoc autem assimilatur impossibili; quā enim partem, aut quomodo intellectus continebit, difficile est etiam fingere.* Profectò hic ea in re versatur Aristoteles, vt Platonis sententiam reiiciat de animæ partitione, ac pluribus & diuersis istius partibus, quas eius singularis doctòr in pluribus item ac diuersis corporis sedibus collocabat. Quare cum eiusmodi opinionem eo debilitauerit, quòd, si anima ex diuersis partibus substantijsq; confletur, illud quærendum erit, quod eas in vnum cõgreget, & contineat: atq; cum tale nequeat esse corpus, sed debeat esse anima, quæ nobilior est corpore, iterum percontari oportebit de eiusmodi anima, an sit vna, vel in plures item partes diuidatur, & ita vel ad priorem animam reuerti, vel in infinitatem animarum ingredi necesse erit; iterum in præsentì particula alia occurrit ratione Platoni, & suppones illud, quod paulò ante pro certo raroq; acceperat, nimirum corpus ab anima contineri, inquit, si tota anima totum continuerit corpus, & diuidua fuerit, in pluresq; ac diuersas partes segregata, sanè necesse erit, vt vna quæq; similiter eiusmodi partium propriam sibi corporis partem assumat, atq; contineat. Cæterum, addit Philosophus, hoc fieri non posse videtur: siquidem arduum ac perdifficile est inuenire, quam intellectus noster, qui etiam pars animæ dicitur, peculiarem sibi partem assumpserit, & eam contineat. Verùm hoc non modò valde difficile est; sed nullo etiam pacto

Est fieri posse in tertio deinde libro probatum fuit: etenim cum intellectus noster secundum se nullum habeat actum, sed pura sit simplexq; potentia, nullam potuit obtinere corporis partem, quam informet ille, atq; contineat. Iam vero illud non sequitur, quod ex hoc loco ita audacter Ioannes deducit Grammaticus, ut intellectus noster, si nullam corporis partem informet atq; contineat, & sit ab omni corpore separabilis, æternus appellari debeat, ac nullum vnquam sit passurus interitum: quoniam pluribus modis res simplex dicitur à corpore separari, ut in sequenti cap. repetemus.

ALII DVO LOCI IN II. EXPLICANTVR

*Animæ commentario. Cap. V.*



Vanquam eadem propè ratione, quam in i. i. cap. adduximus, tollitur omnis difficultas, quæ in quibusdam locis secundi libri de Anima mortalitatem offendere videtur: nos tamen, ne aut negligentia nomine suspecti simus, vel Adversariorum aculeos subterfugere videamur, alios duos contextus asseremus in medium, & veram, germanamq; eorum sententiam breuiter aperiemus. In i. i. igitur Animæ commentario xi. contex. profert hæc verba Philosophus. *Animam igitur non esse separabilem à corpore, vel partes ipsius nonnullas, si partibilis sit, non obscure esse videtur: corporis namq; partium patet, aliquas animæ partium actum esse. Nil tamen uetat, ut aliquæ partium sint separabiles animæ, propterea quod corporis nullius sint actus. at obscure est, nec dum patet, si perinde corporis anima sit actus, ut gubernator actus est naui. Ac deinde in xxi. contex. hæc iterum scribit. De intellectu uero, contemplanturq; potentia nondum quicquam est manifestum: sed uidetur, hoc animæ genus esse diuersum, & hoc solum posse separari, sicut perpetuum à corruptibili.* Cæterum ut ad contex. xii. redeamus, apertissima est huius loci interpretatio, si ea in memoriam nostram redigamus, quæ à nobis iam dudum, & fusius cap. vi. i. libri dicta sunt, cum intellectus nostri naturam explicauimus. Hic enim

enim cum nullus propriè sit actus, sed pura nudaq; potestas, ullam corporis partem informare nequit. Ex quo de inde factum est, ut simplex, immixtus, ac separabilis ab Aristotele fuerit nuncupatus, ea nempe ratione, quia ad nullum affixus est organum, quod informet, ut reliquis animæ partibus euenire conspiciamus. Atq; in hoc xi. contex. Philosophus *χωριστόν* in eiusmodi quidem accepit significatione, quanquam in x i i. primi libri particula, & in x x i. huius secundi eadem voce aliud diuortii genus intellexit. Triplici enim ratione apud Aristotelem, si eius verba ritè considerentur, vires & partes animæ separari dicuntur, primo quidem modo cum eas vicissim conferentes inquirimus an subiecto & loco inter se disiungantur, & hac sanè ratione nullæ sunt separabiles, sed omnes simul idem habet subiectum, & sola inter se ratione distinguuntur, ut præcipuè cōtra Platonem in x x i. contex. i i. de Anima probauit Aristoteles; & ita intellectus nequit à corpore separari. At secundo deinde modo possumus intellectum cum sensu, & reliquis animæ viribus comparare scrutantes, an habeat proprium & peculiare organum, quod informet, & quo ministerio inter operandum vtatur; quo sanè pacto hic dicitur à corpore & subiecto separabilis, quoniam nullo corporeo vtitur organo, ut reliquæ faciunt animæ vires atq; potentia. qua eadē ratione, scripsit Philosophus, eum non esse calidum, vel frigidum, sed simplicem, immixtum, & imparibilem: quippe qui neq; sui, nec organi ratione vlla affici passionē possit. Tertio verò modo perscrutari nobis licet, an intellectus liber & solutus ab omni concretionē materiæ æquē, ac sempiterna forma & immortalis, à cæteris animæ partibus, & caducis rebus separetur, quod tantum de Agente intellectu verè affirmari potest: falso enim semper ex Aristotelis sententia intellectui Potentia immortalitatem ascripseris. Ceterum intellectus noster quamuis omnis omnino formæ sit expers, ac potestatis solam naturam possideat, ea tamen ratione sub comuni animæ definitione comprehenditur (quod supra etiā in i i. libro notauimus) quoniam perinde, ac nauta nauis,

liber

P dicitur



dicitur corporis actus; cum ille sit, cuius ratione intelligimus & opinamur, quemadmodum nauis gubernator in causa est, ut nauis moueatur, ac recto cursu portum attingat. Quoniam verò naturam adhuc intellectus nostri Philosophus nobis non explicauerat, idcirco dixit hucusq; non esse perspicuum, quo modo intellectus noster actus sit corporis: quippe hoc ex definitione animæ non apparuerat, quæ solum ostēderat nobis omnem animam, aut aliquas ipsius partes non esse à corpore separabiles, cum actus in propria semper materia iusint, & sine ea existere nequeant. Porro hic simplici, Auerroisq; Sectatores aliter explicant hanc intellectus nostri, ac nauis similitudinem, cum intellectum esse formam omnino à corpore separatam, & cum hoc tanquam mouentem causam solum existiment copulari. Cæterum hæc opinio, quæ platoniam nimis redolet philosophiam, nec supra villo Aristoteleo fundamento firmari potest, satis superq; à nobis explosa est primo libro huius nostræ disputationis. Iam verò ad sequentia xxi. contex. verba descendimus; quæ etiam si adsint omnia, ut leguntur, quod noluit Alexander, & de intellectu nostro Potentia ea ratione, qua speculatiuus dicitur, intelligantur, adhuc tamen nihil certū pro Aduersariorum opinione concludi. potest. Nam cum paulò ante probasset Aristoteles indicio à sensu deducto, alēdi, ac sentiendi animæ vires inter se loco & subiecto minime separari, postea de intellectu speculatiuo ambigit dicens, ad huc nobis ignotum esse, an à reliquis partibus animæ loco, & subiecto disiungatur: quoniam hic aliud animæ genus esse videtur, & sicut perpetuum à corruptibili separari: cum enim nullius forma sit corporis, neq; in vlla corporis parte, veluti in organo proprio, resideat, ac præterea non in singularium, sed in vniuersalium rerum cognitione versetur, ad beatarum mentium & immortalium dignitatem propè videtur accedere. Doctus, & valde perspicax Alexander hæc verba præcipuè ad intellectum Agentem applicauit, quæ plana est, ac fortasse tutior interpretatio. Illud equidem fateri possum, eiusmodi verba tanta cum verecundia & hæsitatio-

ne à Philosopho primùm fuisse prolata, quoniam in primo dixerat libro, in aliorum sententiam quali descendens, laboriosum esse, intellectum coniunctum esse cū corpore, neq; absolui ab eo posse, & insuper maximopere fugiendum: quippe cum melius sit intellectui non esse cum corpore, quemadmodum & dici solet, & complures sanè consentiunt. Atq; iterum in fine eiusdem libri, quam corporis partium intellectus, aut quo pacto eam continebit, fingere quoq; difficillimum esse. deinde verò, quoniam nondum præcipue de intellectu nostro disseruerat, nec eum ab intellectu Agente se creuerat, qui est purissimus actus, & immortalis. Atqui post hanc dubiam ancipitemq; sententiam statim in sequenti cōtex. suam tibi mentem aperit Aristoteles, ne amplius hæsites; verum, si propriè de intellectu nostro Potentia, nec de altero, *ἐνύπνεα* qui dicitur, sermonem habeas, clarissimè videas, an subiecto & loco à cæteris partibus animæ distinguitur. Quare in xx. illo secundo contex. apertissimè nobis ostendit, intellectum nostrum in eodem firmari subiecto cū reliquis animæ viribus, & ratione sola ab eis separari. Cuius quidem verba contex. supra cap. v. secundi libri diligenter à nobis fuerunt examinata. Igitur tantum abest, ut vllam ex hoc loco eternitatem deducere possimus, ut potius aperte palamq; comprehendamus intellectum nostrum à reliquis partibus animæ sciungi non posse, & caducā esse rem, atq; mortalem.

## LOCVS IN III. DE ANIMA

declaratur: Cap. VI.



VNC ea attingimus loca, quæ præcipue sunt humano intellectui dicata, & idcirco sunt etiā pluris facienda ab iis, qui immortalitatem acerrimè tuentur. Hæc igitur sunt verba Aristotelis, ut ea è Græco in Latinum optimè conuertit Antiquus interpres in xv. & xvi. terui de Anima contextu. *Et ipse autem intelligibilis est sicut ipsa intelligibilia: in ijs*

enim quæ sunt sine materia idem, est quod intelligit, & quod intelligitur: scientia namq; speculatiua, & ipsum scibile idem est (cur autem non semper intelligat, causa consideranda est) in habentibus autem materiâ potentia solum est unum quodq; intelligibilem, quare illis quidē non in erit intellectus: sine materia enim potentia est intellectus talium uille autem intelligibile erit. Porro in huius loci explicatiōe & Greci, & Iuniores etiam Peripatetici magnopere se inuoluissē, & lōgē ab Aristotelis scopo aberrasse videtur. Nā Simōn Portius cum cæteris præferat Alexandri interpretationē, neq; verba Aristotelis, ut decet, inter se necit, neq; causam, ob quā haud semp se ipsum intelligit intellectus noster, asserere potest. Ego uero sententiā horū contextuū breuibus aperiā, quemadmodum Vir summus in maximarum rerū sciētia Madius meus (quem semper honoris causa non inuino) eos quondā interpretari consuevit: ac deinde arbitror nobis perspicuum fore, parum ut, aut nihil propē sententię nostrę hic locus aduersetur. Cum igitur Aristoteles de intellectu nostro ea ratione, qua rudis est ac pura simplexq; potentia, nec nō, quatenus factus est similis homini scienti, disseruisset, in xii. ac xiii. contex. duas mouet difficultates, quarū prior magis intellectum rudem & in potentia, altera uero intellectum, qui in habitu, siue secundum actum appellatur, respicere uidetur. Sanē ea prior est dubitatio. Cum dictum sit intellectum nostrum simplicem esse, & impatibilem, nihilq; (ut aiebat Anaxagoras) cum re vlla prorsus habere commune, quo modo ex altera parte is intelligere dicitur, si intelligere est quoddā pati? hæc enim inter se pugnant: propterea quod si patiendo intelliget, naturam planē mixtam, nec simplicem habuerit. sed prior hæc difficultas, cum nihil ad rem nostram pertineat, a nobis silentio præteriri potest. Igitur in xiii. contex. rursus quaerit Philosophus, an intelligibilis sit intellectus noster, & bipartita argumentatione probat, cum non esse intelligibilem: quoniam si intelligibilis fuerit, vel ea ratione, qua intellectus est, fuerit intelligibilis, & ita, cum intelligibile sit unum specie, in omnibus pariter, quę dicuntur intelligibilia, inerit intellectus: vel intelligibilis fuerit, ut reliquā materiata



materiata sunt; atq; caduca. Cæterum hæc cum gratia for-  
 me in eis repertę intelligatur, igitur intellectus ex materia; &  
 forma constabit, nec erit simplex & immixtus, ut supra de-  
 cretum fuit. Hęc secunda est difficultas, quam paulo post  
 in xiv. contextura remouet Aristoteles dicens, intellectum  
 esse quidem intelligibilem, sed ut ipsa intelligibilia, nimirum  
 ut beate, ac sempiternę mentes. Etenim per hæc verba, *sunt*  
*ipsa intelligibilia* non debemus interpretari materialia; sed im-  
 mortales, ac diuinas mentes, quæ verè sunt intelligibilia; &  
 dicuntur. Neq; prorsus ridicula (quod censuit, nescio qua  
 ratione, Porcius) nec extra propositum eiusmodi fuerit ex-  
 plicatio. Nam ex duobus supra positis membris alterum ne-  
 gat Aristoteles, scilicet intellectum esse intelligibilem, ut re-  
 liqua materialia; sed eum vult esse intelligibilem, ut verè in-  
 telligibilia, quæ formæ dicuntur separatę. Quod clarissimè  
 ostendit hæc statim pro ratione subiungens. *Ita quod quæ sunt*  
*sine materia, idem est, quod intelligit, et quod intelligitur; scientia namq;*  
*speculatiua, et ipsum scibile idem est.* (Cur autem non super intelligat, cau-  
 sa consideranda est) in habentibus autem materiam potest etiam solū unum  
 quoddam esse intelligibilem. quare illis quidem non inuenitur intellectus: sine  
 materia enim potentia est intellectus talis. Ipse autem intelligibile erit.  
 Quæ sane omnia præter rem fuerint pronunciata, si statueri-  
 mus intellectum nostrum esse intelligibilem, ut reliqua mate-  
 rialia. Intellectus ergo (hec enim est eiusmodi verborum sen-  
 tentia) est intelligibilis; quatenus intellectus; atq; ut verè  
 sunt intelligibilia: quoniam nulla materia est implicatus, sed  
 actu intelligibile est, neq; Agente intellectu indiget, qui cum  
 actu reddat intelligibile, sicut intelligibilia postulant mate-  
 rialia. Quamobrem in intellectu nostro idem est res intelli-  
 gens, & intellecta; nec inde sequitur, ut reliqua intelligibilia  
 omnia habitura sint intellectum: quoniam falsò decretum  
 est, intelligibile esse vnum specie, cum duo sint genera in-  
 telligibilem, alterum quidem potentia intelligibile, quod  
 materiam habet, & ab intellectu Agente actu efficitur in-  
 telligibile: alterum verò, quod actu, & secundum naturam  
 propriam est intelligibile, cum sit materiæ expers, & est ea-  
 dem

dem res intelligens cum intellecta; ad quem profectio numerum adscribimus intellectum nostrum; ea verò, quæ materiam habet, sunt potentia tantum intelligibilia, ac nequeunt esse intellectus; quoniam sunt in materiam immerfa. Cæterum intellectus quanquam est pura simplexq; potentia; nihilominus potentia est sine materia; & idcirco est intelligibile actus. Porro intellectus noster in numero intelligibilium est ens potentia; cum per se non sit actus, nec vlla prædita forma; atqui dicitur actu intelligibile, quoniam est sine materia; nec ei Agente opus est intellectu, à quo intelligibile actu ille reddatur. Quod si aliquando eum intelligibile etiã potentia vocaueris, id tibi ea ratione concedam, quoniam intellectus noster aliquando rudis & in potentia, aliquando in habitu & secundum actum appellatur. Quamobrem potentia intellectus nostri, quæ est eius natura, & res actu ac secundum se intelligibilis, dicitur etiã potestate intelligibilis, quia non semper intelligitur. Tunc enim intellectus noster solus ad se ipsum conuertitur, & naturam suã purã potestatis apprehendit, cuiusmodi ovaferit, ac sciētis habitum fuerit cõsecutus. De qua re in vi. i. cap. ii. libri satis copiosè locuti sumus. hæc enim est causa, quam hoc in loco dixit Aristoteles esse considerandam. Sed Græci, Latiniq; interpretes huc, & illuc errantes hanc nunquam attingere potuerunt. Si quis præterea à me quæsierit, quo pacto audeam, intellectum nostrum rem actu intelligibilem vocare, si iste sit cuiuscunq; formæ expert, & pura simplexq; potestas, cum illud tritum habeamus axiomã, solum formæ actum intelligendi esse; cognoscendiq; rationem, & potentiam intelligentiam omnẽ, atq; notitiã occultare, huic facile respondebo, res, simplicesq; naturas, quæ nullam sibi habeant materiam adiunctã, ex se actum esse intelligibilia; sed relatas deinde ad intellectum nostrum, huic easdem esse cognitum perdifficiles quoniam hic absq; phantasmate nihil apprehendit, quod sanè ab eius modi naturis; cum sensibus minime subiiciantur, recto tramine proficisci nequit. Igitur, ut quod propositum est, concludamus, nos hoc in loco ex verbis Philosophi minime deducere

ducere possumus, animum nostrum esse immortalem: sed illud tantum colligimus, intellectum nostrum à cæteris caducis rebus ea ratione distingui, ac similem esse beatis mentibus, quoniam simplex est, & nulla cum materia permixtus, quia de causa actu intelligibile vocatur, cum Agentis beneficio nequaquam indigeat, quod cum à materiæ coactione se cernat, & actu efficiat intelligibile! Quæ profecto omnia etiam satis bellè cum intellectu nostri fragilitate permanere possunt.

# ALTER IN III. DE ANIMA

locus explanatur. Cap. VII.



T, quem cœpimus, ordinem teneamus, omnia subscribemus verba contextus. Atq; is ille locus est, cuius in primo libro polliciti sumus explicationem: quanquam enim super hoc Aduersarij maximum fundamentum iacere videntur, attamen tantum abest, vt supra hoc construere æternitatem possis, ut eam potius funditus diruere coactus sis. Ita ergo scribit Aristoteles in xx. contextu. *Quæ uero secundum potentiam est, tempore prior in uno est: omnino autem neq; tempore. sed non aliquando quidem intelligit, aliquando autem non intelligit. separatus autem est solum hoc, quod quidem est, & hoc solum immortale est atq; perpetuum. Non reminiscimur autem, quod hoc quidem impassibile est: passiuus uero intellectus corruptibilis est & sine hoc nihil intelligit.* Atq; hæc vltima pars contex. ea est, ex qua omnis oritur difficultas, quam plerique omnes interpretes ad reminiscenciam, quæ post mortem fieri debeat, applicant. Cæterum hæc explicatio quam longe ab Aristotelea veritate distet, nos aperitissime demonstrabimus, si horum contextuum, in quibus de intellectu Agente differitur, sententia breuiter à nobis fuerit reperita. Porro Philosophus, cum in xvii. ac xviii. contex. summam indigentiam, præclarumq; intellectus Agentis munus ostenderit, hunc deinceps in xix. comparat cum intellectu potentia docens, que



quæ cum eo cõmunia habeat, & quibus ab eo distinguatur. Nam inter se ambo conueniunt, quòd vterq; est seprabilis, inimitus, & impatibilis; atqui Agens deinde differt ab altero, quippe qui per substantiam propriam intelligit, & in eo prorsus eadem est res cognita cum re cognoscere; intellectus verò Potentia medio phantasmate, specieq; recepta intelligit, neq; in eo penitus idem est, quod intelligit, atq; intelligitur. Et hæc in xvi. contex. tradit Aristoteles, qui dein de in xx. eandem rem persequens, & cupiens adhuc magis intellectum Agentem ab intellectu potentia seiungere, addit, intellectum quidem possibilem secundum indiuiduū esse priorem; ac secundum Naturam, & generatim priorem esse intellectum Agentem. De quo adhuc sermonem habes, eumq; planè & omnino secernens ab altero subiungit, intellectum Agentem non aliquando quidem intelligere, aliquando vero non, sed perpetuò in intelligentia versari; ac præterea hunc solum, nempe ex duobus intellectibus, quibus nos præditi sumus, ab omni penitus concrezione materiæ, & corporis vinculis liberum solutum & separatum esse, atq; hunc solum esse immortalem atq; perpetuum. Quibus ita explicatis tandem Philosophus remouet quandam difficultatem, qua ei quis occurrere potuisset. Aliquis enim hac hercule ratione potuisset Aristotolem redarguere. Tu asseruisti, o Aristoteles, intellectum agentem esse animæ nostræ differentiā, & maxime intellectiõni conducere, nec non huiusce substantiam esse ipsiusmet intellectiõnem, semperq; ac perpetuò intelligere, & esse immortalem prorsus ac sempiternum. Si hæc ita se habeant, atq; hic intellectus in nobis reperiatur, qua ratione fiet, nos vt minime reminiscamur? hoc est, quo modo effugies, vt scire nostrum non sit quoddam reminisci, quæniadmodum à Platone decretum est: sanè Aristoteles de nobis sermonem habet, & non de statu animi nostri post mortem, quem planè Philosophus ignorauit, ac se se in Platonem conuertit, quod ea quæ etiam verba nobis significant. *Non reminiscamur autem*, quæ de hominibus, nec de anima sermonem fieri ostendunt. Et si in aliquibus libris ita legitur,

legatur, Non reminiscimur autem post mortem, hæc duo postrema  
 verba super addita fuerunt; neq; in contextu Græco legun-  
 tur. Hanc ergo dubitationem, quæ Platonis sententiam cõ-  
 firmare videbatur, ita tollit Aristoteles. concedit enim Agē-  
 tem quidē intellectum in nobis existere, semperq; intelli-  
 gere, nec non ab utraq; parte, scilicet ortus, atq; interitus  
 perpetuum esse & immortalem. Caterum ex ijs deinde non  
 sequitur, vt scire nostrum sit reminisci: quoniam hic intelle-  
 ctus Agens, dum intelligit, minime patitur: quippe qui est  
 impatiibilis; & ideo non est ille intellectus, quo propriē in-  
 telligimus. Intellectus verò noster, qui patitur intelligendo,  
 cū recipiendo species intelligat, & ideo passiuus appella-  
 tur, corruptibilis est, nimirum extinguitur, & etiam initium  
 habet temporis; ex quo fit, ut sciētiæ in nobis sint pariter no-  
 uæ, & nouo etiam tempore comparentur. Nam, omnia hoc  
 propriē intellectu percipimus, ac sine isto, nequicquam intel-  
 ligere possumus. Talis est igitur sententiā Aristotelis in hoc  
 contex. si ea summam mihi fuerit repetenda. Si occurras,  
 quo pacto nostrum scire non sit reminisci, cum in nobis insit  
 intellectus Agens, cuius natura & substantia est ipsius met  
 intellectio, quiq; semper intelligit, & est immortalis; tibi  
 respondeo, hoc minime euenire, quia hic non est ille in-  
 tellectus, quo nos præcipuē intelligimus homines, quā-  
 uis nostra sine eo fieri nequeat intellectio. Intelle-  
 ctus verò noster potētia, qui passiuus appellatur, & ob  
 id patiēdoq; intelligit, & ille est, quo nos propriē ob  
 id intelligimus, oritur, atq; interit, & ideo non  
 uæ sunt ac recentes, & pariter in nobis  
 oriuntur, intereuntq; scientiæ, nec eas nos reminiscen-  
 do consequimur.

VERBA IIII. CAP. SECUNDI LIBRI  
de Generatione Animalium exponantur.  
Cap. V. III.



I qua sunt verba Aristotelis, quæ Aduersario-  
rum roborare opinionem videantur; ea præ-  
sertim sunt, quæ iam explananda suscepimus.  
Nunc tertè in difficili loco versamur, ad què  
cum peruenerunt Doctissimi homines, neq;  
se omnino explicare, neq; Alexandri partes satis firmè tueri  
potuerunt. Nam Excellens vir cum subtilitate, tum copia  
Simon Potius, qui nouissimus omnium, quos nouerim; hæc  
disputationem de Mente Humana satis doctè & eleganter  
egit, cum ea verba, *Restat igitur, ut sola mens extrinsecus acce-*  
*dat,* ad secundum actum intellectus nostri transtulerit, ab  
intentione Philosophi, mea quidem sententia, longè recess-  
sit. Quamobrem hoc in loco Petri Pomponatii Docti homi-  
minis, atq; sapientis explicationem (ne suam tam magno Pe-  
ripatetico gloriam adimere videar) cæteris omnibus hucusq;  
præferendam duxi: quippe quæ nullam mihi repugnantiam  
inducere, at cæteris Aristotelis dictis maxime consonare vi-  
deatur. Verba igitur, quæ summam parere ambiguitatem  
solent, ea præsertim sunt. *Restat igitur, ut sola mens extrinsecus*  
*accedat, eaq; sola diuina sit: nihil enim cum eius actione communicat*  
*actio corporalis.* Ad quæ hæc alia quinetiam, quæ paulò post  
eodem cap. subsequuntur, addere Aduersarii consueuerunt.  
*Corpus autem genituræ, in quo semen animalis principij contentum*  
*una prouenit, partim separabile à corpore, in quibus diuina pars com-*  
*prehenditur, qualis est, quæ mens appellatur, partim inseparabile; hoc*  
*inquam genituræ semen dissoluitur, uersumq; in spiritum euanescit.*  
Iam verò ut planam & integram eiusmodi verborum senten-  
tiam habeamus, & omnem tollamus omnino difficultatem,  
nobis oriendum est altius, & ea omnia repetenda, quæ ad  
plenam huius cap. explicationem spectant. Postea ergo quæ  
Aristoteles in primo huius secundi libri cap. nos docens,  
quid sit primum mouens & procreās in generatione anima-  
lium,



lium, dicit, semen prius motum ab externo mouente principio huius virtute deinceps omnia gignere membra conceptus, sed nullam esse rei genitæ partem; ac præterea, quæ sit natura eiusdem seminis, in sequenti cap. declarauit; statim dubitans in hoc i. i. quærit, si semen nulla sit pars eius; qui in utero gignitur, foetus, quando virtute in eo contenta agit, in quam illius corpus naturam aliam conuertatur. Quam porro dubitationem ante quàm tollit Aristoteles, duo alia prius explicanda proponit. Primum est, an sanguis menstruus aliquid à semine maris accipiat; alterum verò est, utrū in semine & conceptu ea insit anima, ob quam res animal nominatur; sentiendi nimirum virtus; & vnde hæc proficiscatur; quam sanè rem in primo cap. huius secundi libri ceperat inuestigare. Cuius ille quæstionis rationem affert; quoniam nullus negauerit, conceptum expertem omnino esse animæ, cum is, & semina perinde viuere, & fecunda esse, ut stirpes, appareant; & deinceps progrediente tempore sensum pariter accipiant, & intellectum. Ad quæ addit Philosophus, idem esse de intellectu quærendum, quo scilicet tempore, & quo pacto, & vnde eum semina, & conceptus accipiant. Hæc me hercule tria sunt capita principalia, quæ nobis perpendenda attulit Aristoteles. Quorum iam nobis videnda sunt explicationes. Sed primum Philosophus ad declarandam quæstionem tertiam aggreditur, & inquit, statuendum esse à nobis, in feminibus, & conceptibus nondum solutis ab utero altricem Animam non actu, sed tantum in esse potentia, idemq; de sensu, & intellectu censendum esse. Et quanquam paulò ante dixerat Aristoteles, conceptus etiam nondum separatos actu altricem animam habere, cum læque viuant, ac stirpes; ne tamen eum sibi ipsi inconstantem esse ac volubilem teneas. Nam re vera semina & conceptus in utero, cum alantur, & crescant, actu altrice sunt anima præditi; attamen cum umbilico, velut pars animata, neq; ut infantes, ore cibum arripiant, nec proprijs organis huius animæ fungantur officijs, iccirco non actu, sed potentia eam obtinere dicuntur. Quamobrem hic palam est, cum asserit

Aristoteles, has tres animas, & virtutes potentia, & non actu, in seminibus, & conceptibus nondum separatis inesse, eū ne quāquam intelligere has inesse potentia, quemadmodū in vi uente adhuc hominē dicimus potentia inesse formā cadaueris: sed potius (quē ab ipsis met Philosophi in primo cap. huius libri exemplo recedā) sicut in dormiente Geometra Geometriam affirmamus inesse potentia. Nā de potentia loquitur propinquā Aristoteles, quē est primus actus, & ortus eius modi animarū, quas potentia, & non actu, dicit inesse seminibus, & conceptibus nondū segregatis ab utero, quoniam vel adhuc nō habēt prāgia propria, vel eis adhuc nequeunt propriis fungi muneribus. Qua hercule de causa nuper etiam dixerat, primum altricē recipi animā à foetu, deinde progrediēte tempore eū recipere sensum, & intellectum. Nam, ut secundo libro monstrauius, vna tantū actu in nobis est anima, quā à nobiliori eius parte intellectuā dicitur, quāq; vnā eū alendi, sentiendi, ac intelligendi virtute statim, ac temporis momento in foetu virtute seminis oritur: atramen primum hominis plantarum, deinde animalis, tandem hominis vitam degere putatur: quoniam primum altricis animae, deinde sensus, tandem intellectus munera & actiones in nobis apparent. Immo verò, ut ex xxx. sectione Problematum supra notauimus, vera & prācipua mentis munera exequi, nisi in senectute, non possumus. Statuendum est igitur, ut ad rem redeam, non solū altricem animam in seminibus, & conceptibus nondum segregatis, sed etiam sensum, & intellectum eo modo, quo diximus, inesse potentia, cum in mortalibus eiusmodi animae inter se nequeāt separari, atq; has omnes potentia prius haberi, quā actu necesse sit. Hac tertia quāstione Philosophus explicata minime ad alias duas propositas prius reuertitur; atqui sententiae dudum ab eo determinatae triplici occurrat illi ratione? Etenim cum decreuerit, altricem animam, sensum, & intellectū in seminibus & conceptibus nondum separatis inesse potentia, & non actu, inquam, quae primum actum, & ortum eiusmodi animarum non excludit, iterum dubitan-

do subiungit, necesse esse, vel has omnes innasci, eo scilicet modo, quo iam dudum statuimus, in conceptibus nondum separatis, cum eodem prius numero (nam de iisdem numero loquitur animis) non fuerint, vel cum prius fuerint (actu intelligas tu, & vel cum corpore alio, vel sine corpore) vel aliquas quidem innasci necesse est, cum ante non fuerint, aliquas verò innasci, cum ante fuerint. Et easdē numero semper intellige animas, an ea prius extiterint vel nō extiterint cum alio corpore, vel sine corpore, quā in conceptibus innascantur. Aut necesse est has innasci in materia nēpe in sanguine menstruo, ante quā semen maris adueniat, vel in sanguine menstruo ex semine maris innasci: aut necesse est, vel has omnes extrinsecus in semina & conceptus accedere, vel nullam, vel aliquas quidem, aliquas verò non. Hæ tres porrò dubitationes, ~~præ~~ excepta, sunt de primo actū animarumq; substantiæ, de qua prius locutus est, eamq; in conceptibus & animalibus nondum solutis ab utero collocavit. Et in tertio capite querit philosophus, an tres, quas modo tractamus, animæ, vel potentiæ non innascantur in sanguine menstruo, ante quā semen maris adueniat, neq; ex semine maris oriatur, sed ab agente externo, à corpore nimirum cœlesti proficiantur. Ad primum igitur, & tertium caput simul explicandum accedit; nam secundum idem cum propè sit, atq; secundum principale, infra dissolvetur. Probat ergo (ut aperte, ac distincte magis horum capitum videamus explanationem) fieri nequaquam posse, ut omnes animæ actu fuerint in alio corpore, vel sine corpore ante quā in conceptibus innascantur. Haud sine corpore existerē potuerunt, propterea quòd ea principia, quæ actionem habent corpoream, ac inter operandum indigent corpore, vnquam absq; corpore existere nequeunt. Quare alendi saltem, atq; sentiendi animæ ante sine corpore esse non poterunt; quā ingenerentur conceptibus, cum vtriusq; sit actio corporea, neq; sine corpore obiri possit. Sed in alio etiam corpore diuersum ab eo, quod generatur, actu esse non poterunt, quoniam sic idem numero actus duo perficeret corpora, nēpe conceptum



ceptum & animal nondum separatum, & illud corpus, in quo prius existeret. Quòd si dixeris has prius animas in semine existere, hoc falsum erit, siquidem nulla actu anima in semine reperitur, cum istud sit res quedam redundans & superuacua alimenti mutati. Quamobrem eadem alendi, ac sentiendi anima (hæc enim est tertii capitis explicatio) cum minime sint à corpore separabiles extrinsecus etiam, ab agente scilicet externo in conceptus & animalia accedere minime poterunt: at in eis gignentur: quoniam, vt in xxvi. secundi de Anima contex. legitur, formæ, actusq; corpora, informantés in propria semper fiunt, existuntq; materia. Relinquetur ergo, ut solus intellectus proficiscatur extrinsecus, nè pe conceptui, & homini diuina virtute corporum coelestium tribuatur. Porrò intellectus noster vna cum reliquis animæ viribus è virtute seminis & potentia materiæ deducitur, vt satis superq; in primo, & secundo libro probauimus: sed eū hîc Aristoteles comparans cum alendi, sentiendiq; anima, dixit hunc proficisci à calore, ac diuina virtute corporum coelestium, non, quòd vere absq; primis qualitatibus, & singulari efficiēte causa à principio omnium vniuersali creetur; verum quia in intellectus nostri ortu parū, aut nihil ferè primarum qualitarum, & singularis causæ operatio, & ex altera parte solis virtus, & aliorum siderum maximè appareat, ac ille valde similis diuinis naturis videatur, cum minime sit virtus corporea, sed ab omni corpore, & organo separabilis. Hæc hercule interpretatio magis, quàm altera Simonis Portij hoc in loco ad verba, & cōsiliū Aristotelis quadrat: nam præter id, quòd in primo huius ii. libri cap. vsus est eodem genere loquendi, cum proposuit nobis quærendum esse, à quo efficiente principio partes corporis generentur; aut enim inquit philosophus, extrinsecus aliquid, aut in genitura, & semine insitum agit; si de secundo actu & animarum operationibus sermo haberetur, quo pacto effugeret Portius, quin etiam sensus extrinsecus accederet, cum istius actio æque, ac operatio intellectus ab eiusdem proficiscatur obiecto? Quare hic magis est commendandus Auerroes, qui in huius li-

bri

bri Paraphrase hanc etiam partem perfectione, & substantia animarum exposuit, quanquam hic de intellectu nihil velit determinasse Philosophum, sed dubitanter esse locurū, & eiusmodi contemplationem ad libros de Anima retulisse. Immo verò idem magnus, ac nobilis Philosophi interpret aliās in secundo libro de Anima cum LIX. cōtex. interpretatur ex sententia Aristotelis asseueravit, primam sentiendi animæ perfectionē extrinsecus, nimirum ab intelligentia (ut inquit ille) Agente proficisci. Quod ea ratione dictum est verū: nanq; sentiendi anima licet ē potentia materiæ nascatur (ut optimē norat Auerroes) quod omne cū materia permixtum à permixtō cum materia fiat; neq; sempiternæ formę quicquam in hoc mundo inferiori proximē agant: attamen ea si vitæ stirpiū conferatur, magis diuinitatem superiorum corporum participare, diuinisq; formis similior esse uideretur, atq; in huius generatione cœlestium corporum virtus se se magis ostendere, & qualitates primas, ac singulares causas magis instrumentorum subire rationem. Quod si de sentiendi anima affirmare nobis licet, quā alacriori animo idem de intellectu asseuerare poterimus? Verū ut magis pateat hanc eandem esse ipsius met Aristotelis, nedum eius interpretis explicationem, illumq; eiusmodi dixisse ratione, intellectum nostrum accedere extrinsecus, huncq; nominasse diuinum, hanc sententiam nostram eis conferemus, quæ ab eodem Philosopho in hoc secundo libro dicuntur. Primum enim in initio huius secundi libri asserit Aristoteles ea, quæ hic apud nos meliorem & nobiliorem obtinent naturam, & conditionem, suam è cœlo deducere originem: nam cum rerum alię sint diuinæ ac sempiternæ, aliæ verò caducæ atq; mortales, pulchræ semper, atq; diuinæ (addit Philosophus) earum dicuntur causæ, quæ hic meliores, & nobiliores sunt, atq; gignuntur. Deinde in iii. cap. postquā dixit intellectum solum accedere extrinsecus, atq; diuinum esse, quasi rationē huius dicti subiungēs statim inquit. *sed .n. omnis animæ siue uirtus, siue potentia corpus aliud participare uidetur, idq; magis diuinum, quā ea, quæ elementa appellantur: uerū pro*

ut nobilitate, ignobilitate ue animæ inter se differant, ita et naturâ eius corporis differt. Inest enim in semine omnium; quod facit, ut fecunda sint semina, uidelicet; quod calor uocatur, idq; non ignis, non talis facultas aliqua est, sed spiritus, qui in semine, spumescq; corpore continetur, & natura, quæ in eo spiritus est, proportionem respondens elementis stellarum. Quibus uerbis; Philosophus satis mihi apertè ostendere uidetur, se paulò ante intellectum nostrum cum reliquis potentijs animæ comparasse, eumq; propter nobilitatem, qua cæteris animæ longè præstat virtutibus, solum appellasse diuinum; quod quidem sine eiusmodi falsum, esset comparatione, cum cæteræ potentiæ animæ, earum quinetiâ corpora diuina appellari possint. Ac illud præterea hinc nobis patere arbitror, Aristotelem eiusdem intellectus nostri ortum efficienti externo ac immortalis tribuisse, quod ille præcipue ab elemento stellarum (quem etiam calorem spiritumq; diuinum vocat, ac aliàs arti, beatæq; ac sempiternæ menti similem esse dixit) à quo seminis, & humani præfertim, quod est omnium uberrimū, fecunditas prouenit, infundi ac largiri videatur. Atq; hæc satis sunt pro explicatione priorum uerborum, quæ tantam vim contra opinionem nostram habere videbantur. Iam ad alia reuertimur, quæ ad eandem labefactandam adducta sunt. Sed hæc satis à superioribus explicantur, illaq; hæc contra explicant. Nam modò uolens Philosophus ad primum dubium respondere, quod in huius cap. initio ab eo fuit propositum, in quam scilicet naturam corpus, materiaq; seminis conuertatur, si nulla id pars conceptus fiat, ante quàm ad huius ueniat explicationem, sermonem suum suspendens inquit. Corpus autem genituræ, in quo semen animalis principij contentum unâ prouenit, partim separabile à corpore, in quibus diuina pars comprehenditur, qualis est, quæ mens appellatur; partim inseparabile. Ex quibus profectò uerbis, quanquàm intellectum nostrum Philosophus diuinum uocet, ac separabilem, minime possumus argumentari hunc esse mansurum quo sempiterno: nam Aristoteles repetens ea, quæ supra decreuerat, nil aliud nobis ijs uerbis significat, quàm in semine à patre deciso omnem animam



animam contineri potentia; vnâq; cum eo proficisci inquit:  
enim in semine patris semen principij animalis, hoc est ini-  
tium & causa, qui coelestis est calor; animæ contineri; anima  
enim principiu est animalis; & vnâ cum eo prouenire: quod  
deinde principium; quam scilicet ahiam in duo distribuit  
genera in separabile; & non separabile à corpore; & separa-  
bilem vult esse intellectum nostrum, huncq; rationibus non  
semel supra adductis diuinum vocat. Quare ex hoc loco  
manifesto comprehendimus in virtute seminis contineri; &  
ex eo oriri intellectum nostrum. Quibus ita repetitis questio  
nem primam statim explicat Aristoteles, & ait, corpus ma-  
teriâq; seminis expedita generatione dissolui, versamq; in  
spiritum euanescere; cum humoris; & aque naturam ha-  
beat; & idcirco minime querendum esse, an semper foras  
egrediat, vel pars rei gehit fiat, cū perinde se habeat, ac  
sucus, à quo lac cogitur, quod mouet lac quidē, & coagme-  
tat; neq; vlla ipsius pars euadit. Tandem Philosophus,  
quod reliquum est prounerfa, & integra huius cap. inter-  
pretatione, secundum principale explicat dubium, docetq;  
semen maris, postquam est proiectum in vterum, motiere &  
componere sanguinem menstruum, huiusq; originē & prin-  
cipium, quo istud caret, animæ largiri. quo à muliebri san-  
guine accepto formatur deinde conceptus, atq; perficitur.

LOCVS XII. PRIMAE PHILOSOPHIAE

perpenditur. Cap. XIX.



**S**OLENT præterea Simplicij, Auerroisq; se-  
ctatores eis verbis, quæ in xii. Primæ Philoso-  
phiæ xvi. particula scribuntur, nobis oc-  
currere: ait enim ibi Philosophus, si vero  
posterius quippiam permanet, considerare oportet: in  
quibusdam enim nihil prohibere uidetur, ueluti si anima tale sit, non  
omnis, sed mens ipsa, ut enim omnis permaneat anima, fieri fortasse  
non potest. Hoc in loco, ut doctè quidē ac sapiētèr inquirunt  
Beatus Thomas, ac Portius, nihil Philosophus de intellectu

R nostro

nostro determinat, cum eiusmodi questio de intellectu, antepost mortem remaneat præcipue ad i.ii. de Anima librum pertineat. Quamobrem ea verba *nihil prohibet*, & fortasse addidit Aristoteles, quæ hanc rem profectò dubiam ambiguanq; reddunt. Quod si istud in hoc libro quinetiam perpendere diligenter volueris, videris sanè, Philosophum in eam penitus iuisse sententiam, quam nos, vt verum decet Peripateticum, acerrimè tuemur. Nam volens hîc Aristoteles idearum Platonis imminuere gloriam, qui eas rerum, quæ hîc oriuntur, atq; intereunt, efficientes simul causas & formas instituebat, efficientia principia distinguit à formis, illaq; res ab eis effectas antecedere tempore, ab eisq; separari affirmat, contra verò formas cum rebus compositis simul oriri, simulq; semper existere. Quamobrem si hîc præcipue velis loqui Philosophum de intellectu nostro Potentia, huncq; aperte & constanter asserere post mortem esse superflitem, vide obsecro in quem eum errorem deduxeris: propterea quod etiam intellectum nostrum necesse est, in singularem & cõpositarum rerum formarum numero reponas, eumq; cum illis oriri simul affirmes. At qui asseuerare rem aliquam oriri, ac nullò deinde tempore eandem esse defecturam, Aristotelis adeò repugnat initiis, vt vniuersam eius Philosophiam destruere videatur. Cæterum Aristoteles hæc rem apertissimè in xxxix. contex. posterius explicasse videtur, vbi postremam nostram felicitatem cum Dei Opt. Max. beatitudine comparat. Siquidem, ut doctissimè hunc locum interpretans deliciae nostræ, inquit Alexander, cū intellectus noster, qui omnia est intelligibilia potentia, longo studio, atq; doctrina, ac optima viuendi ratione omnia actu intelligibilia euaserit, hoc est, habitū scientis fuerit consecutus, de quo supra iā satis copiosè locuti sumus, tunc nos optimā, beatissimam, & longè omniū iucundissimā degimus vitam, quæ sanè verbis explicari minime potest; ab iis tamen cõpreheditur, qui ad tantā perueniunt felicitatem. tunc enim mēs nostra in illud bonum se erigit, quod est omnium rerum, quæ sunt, longe præstantissimum, nempe in Deum Opt. Max.

Max. huncq; contemplando in eius quodam modo naturam conuertitur. Verum tam incredibilis humanæ mentis delectatio, tanta felicitas ad breue exiguumq; durat tempus, ait Aristoteles: neq; enim vt summus ille arcens, & omnia continens Deus, minime possumus tam beatam agere vitam æuo sempiterno: quoniam scilicet natura nostra mortalis est atq; caduca. Quod si credidisset Philosophus, nos aliquando post mortem fore semper tum in maximis, tum in æternis voluptatibus, vt nos Christiani, qui piè sancteq; à sacris literis mandata nobis exequimur, Dei gratia speramus tandem esse consecuturos, vtiq; non dixisset eam felicitatē, ac summam delectationē, qua Deū Opt. Max. aliquādo frui mur contemplantes, celeriter labi, & ad breue exiguumq; tēpus permanere. Atq; hanc ego arbitror verā esse huius loci explicationē, quicquid de statu præsentī, ac mente soluta ē compedibus corporis Latini interpretes comminiscantur.

## ALIORVM VERBORVM PRIMI

*Ethicorum libri vera adducitur explanatio.*

Cap. X.



QVIDEM fundamenta, quibus Aduersarii præcipuè nituntur, dum funditus euertēre contendo, nollem redundans quibusdam, superuacuisq; videri, si interdum ea solūm repetā, quæ aliàs à Doctissimis viris dicta sunt in eiusmodi locorum explicationibus. Quærit Aristoteles in x. primi Ethicorum cap. an secundæ res, aduersarq; posterorum aliquid boni vel mali addant, vel detrahant vita defunctis, atq; concludit in cap. xi. aliquid boni, vel mali posterorum, tametsi exile et paruum ad mortuos peruenire. Hinc volunt Aduersarij deducere post mortem superesse animos nostros, neq; animaduertunt nobiliores huius operis interpretes vnà omnes asserere, hoc in loco de ea loqui Philosophum opinione & fama mortuorum, quæ in viuentium memoria relinquitur. Neq; enim poterat affirma-

R 2 re



re Philosophus, post mortem intellectus nostri remanere substantiani, qui paulo ante Solonem reprehenderat, quod tantum hominem vellet post interitum appellari felicem; ac postea dixerat in i. li. libri cap. vi. mortem maximè omnium esse terribilem, quod ea sit extremum vitæ, nihilq. tum inde homini mortuo boni, aut mali relinquatur. Vbi præterea à nobis ea sunt perpendenda, quæ deinceps de viro forti ferri buntur: ait enim in cap. i. x. Philosophus, virum fortem, ne in turpitudinem labatur, honestatis gratia libenter vulnera perperit, ac etiam mortem oppetere: eum tamen, quo magis omni virtute pollet, atq. felicior est, eo magis ob mortem lanè dolere: quippe qui sciat se maximè dignum esse vitæ, maximisq. bonis ipsa morte priuari. Ex quibus te illud colligere oportet, si Aristoteles nouisset, animos nostros esse immortales, eum satis imprudenter virum fortem induxisse moleste ferentem mortem, putantemq. se maximis bonis ea spoliari, cum ille ad gustanda maiora bona, & ad vitam beatiorè migrare diceretur. Igitur ex sententia Aristotelis solùm est mortuorum gloria, & fama superstes, quæ secundis rebus, ac posterorum virtutibus augeri interdum, & illustrari; interdum autem eorundem fortunis afflictis, & vitij imminui, ac obscurari videntur.

QVAEDAM ALIA IN POLITICORVM

*Oeconomicorum libris declarantur.*

Cap. XI.



ANDEM verò ex Politicorum & Oeconomicorum libris quædam adducuntur alia, quæ fortasse quibusdam satis nos urgere videbuntur. Nam in Politicis Aristoteles sæpe commendat Heroas, homines nimirum ob res ab eis iuste, temperatè, sapienter gestas ad numerum Deorum adscriptos: deinde in fine Oeconomicorū uxorem, virumq. animaduertit, qui in domus administratione alteri valde præstiterit, eum maximum à Diis immortalibus præmium esse consecuturum. Cæterum illud nos aduertere oportet in eiusmodi

eiusmodi libris Philosophum, in quibus de hominum vita,  
 & moribus agit, sæpe, ut homines deterreret à vitiis, & ad pa-  
 cem, iustitiamq; colendam, ac ad bene, beateq; viuendum  
 adduceret, Poetarum fabulas, inueteratasq; in vulgarium  
 hominum mentibus opiniones secutum esse, cum ex propo-  
 sito sibi fini valde conducere. Atq; istud ex eo Oeconomi-  
 corum dicto præsertim patet: nam hic manifestè ostendit  
 Philosophus, se ex Pindari sententia loqui, cum istius addu-  
 cat verba, qui aiebat, hominibus sibi iuste, pieq; actæ æta-  
 tis conscijs dulcè quendam spem cor alere consueuisse, nu-  
 tricemq; esse omnis generis voluptatum. Præterea, in eodè  
 paruo, verum aureolo & ad verbum discendo quidem libel-  
 lo asserit Aristoteles, viri mores pro lege habendos vxori,  
 quam ei religiosè obseruandam imposuerit Deus: ac insu-  
 per nos hortatur ad precanda, & supplicanda à Dijs immor-  
 talibus bona. Quæ sanè omnia, ut & Christiana & sanctissima  
 sunt, ita longè absunt à iudicio & sententiâ Aristotelis, nec  
 paulum eius repugnant initiis, qui statuit Deum Opt. Max.  
 quidam vniuersali tantum prouidentia mundum administ-ra-  
 re, nec euni ita consulere rebus humanis, ut singula curèt, ac  
 tueatur. Atq; Philosophus in L. contex. xii. Primæ Phi-  
 losophiæ clarissimè demonstrat, quantam ille in Deorum  
 sermonibus Poetis fidem adhibuerit: nam ex eorum tot di-  
 ctis illud pro vero tantum affirmat, Deos nimirum esse, di-  
 uinaq; corpora, & formas ac reliqua continere omnia, & mo-  
 derari: cætera verò cuncta, quæ de Dijs & horum præcipue  
 simili humanæ figura ab eis dicuntur, putat esse fabulas &  
 figmenta à Poetis excogitata ad persuadendum vulgo opti-  
 mam videndi rationem, & ad vsum legum, vitæq; humanæ  
 vtilitatem. Atq; hæc satis esse arbitror pro eorum explicatio-  
 ne, quæ in hac sententia de intellectu nostro Potentia diffi-  
 cultatem præcipue facere videbantur. Si quos alios inuene-  
 ris locos, qui aduersariorum fauere opinioni dicantur;  
 eos equidem fundamentis à nobis hucusq; iactis à te expli-  
 cari posse, crediderim. Nunc ad alterum intellectum redeun-  
 dum est, qui Agens, seu ἐνέργεια nuncupatur.

REMOVENTVR DIFFICULTATES QVAE  
aduersus alteram sententiam de Agente intellectu prola-  
tam adducuntur. Cap. XII.



OSTquam à nobis ea explicata sunt loca, quæ  
intellectus Potentia innuere eternitatem vide-  
bantur, reliquum est, ut rationes eas dilua-  
mus, quibus altera sententia reprehendi so-  
let quam sequentes Alexandrum ceteris cum-  
stis de Agente intellectu prætulimus. Primum igitur ab Ale-  
xandro, & à me quæri potest, cur Aristoteles, si Agens in-  
tellectus sit Deus Opt. Max. nec animæ nostræ pars existat,  
in initio i. de Anima commentario non proposuerit, se  
velle de eo differere, & ea præsertim ratione, quod hic intel-  
lectu Potentia est longè præstantior? Etenim solum ibi Phi-  
losophus de intellectu Possibili, & huius intelligendi actu  
se velle agere, pollicetur. Secundo loco quis nobis occur-  
ret propter ea, quæ iam supra à nobis adducta sunt ex prin-  
cipio libri de partibus Animalium: quippe Agens intelle-  
ctus si fuerit Deus, de eoq; in i. de Anima libro pertra-  
ctetur, de intellectu separato faciemus differere Naturalem  
Philosophum; ex quo deinde sequetur, vanam, ac redun-  
dantem fore primam Philosophiam. Ad hæc si hic intelle-  
ctus Agens constituatur Deus, qui sua præsentia phantasma-  
ta illustret, quo modo illud effugerimus, vt in eodem non  
situs sit loco, quo phantasmata complectuntur, nec locum  
mutet cum nos è loco ad locum ciemur, vel cum ille in ortu  
accesserit ad nos, & in interitum à nobis recesserit? Illud quin-  
etiam à nobis poteris sciscitari, quod Auerroes obiecit Ale-  
xandro. Cum nos abstrahendi, & segregandi phantasma-  
ta à conditionibus materiæ plenam habeamus facultatem;  
idq; semper, cum libet, efficere possimus, eam vim, qua  
istud præstamus, necesse est, animæ nostræ partem existe-  
re. Quoniam omnis nostra actio à propria forma profiscisci-  
tur. Sed iterum Ioannes Grammaticus ea ratione voluit  
Alexandri sententiam refellere, quod, cum omnium pla-  
ne



nè rerum sit author, & confervator Deus, tantùm vero potestate intelligibilia, actu intelligibilia reddat Intellectus Agens, hunc Deum Opt. Max. à nobis constitui nequaquam posse. Quod hac etiam postrema, & satis efficaci ratione confirmari potest. Quis enim fatebimur, Intellectum Agentem esse Deum, cum illud tritum, & vulgatum sit apud omnes Peripateticos, nihil prorsus sine motu, & lumine corporum cœlestium in hoc mundo inferiori atq; caduco agere summum Deum, ac cæteras beatas Mentes? Hæc sunt ea pæcipuè, quæ in Alexandri sententiâ difficultatem patere videntur, quæ ni fallor, à nobis faciliè remoueri poterunt. Atq; ut ad id redeam, quod principio quaesitum est nobis; nil mirum si Aristoteles in initio Tii. de Anima solum proposuerit, se velle de natura intellectus Potentia, & eiusdem intelligendi actu differere: siquidè hæc propria illius erat, & principalis intentio: deinde verò si de intellectu Agente tractauit, hoc intellectus possibilis gratia executus est: cum enim intellectus noster esset nuda potestas, operæ pretium fuit inuenire propriam efficientem causam, quæ cum de potentia ad actum deduceret: quanquam enim phantasma illud est, quod proximè mouet intellectû, in actumq; deducit; nihilominus id maximè intellectui Agenti acceptum referri debet: nam (quod etiam supra notauimus) si prius Agens phantasma non illustraret, nec istud actu intelligibile redderet, sanè phantasma intellectum deinde mouere non posset. Quamobrem intellectus Agens principalis, & potior causa intellectiōis, quàm phantasma constituendus est. Ne igitur, ut ad rem redam, accuses Philosophum, si intellectus Agentis disputationem in principio non proposuerit: quoniam de hoc alterius gratia intellectus ei tractandum erat. Immo verò ea pars, in qua de Agente intellectu differit Aristoteles, cum tota ad intellectus Potentia tractationem referatur, eiusdem etiam nomine inscribi debet. Et istud me hercle, quod magna, & diligenti contemplatione dignissimum est, aliàs in Philosophi libris obseruandum esse perspeximus. Nam in commē-

tarijs

tariis Physicæ Auscultationis primi quinque libri de principiis naturalium rerum; tres vero ultimi de Motu inscribendi sunt, ut Simplicius, Andronicus, Theophrastus, Damas, & Eudemus eruditi, & grauissimi quidem viri testantur. Sed qua ratione Tertius, ac Quartus, & Quintus Physicorum liber de principiis; Octauus verò de Motu, cum in eo agatur de primo Mouente, inscribi debeat, nos breuiter exponemus; quoniam id Græci interpretes silentio præterisse videntur. In i i. igitur Physicorum libro, quanquā de Motu differit Aristoteles: attamen quoniam de eo tractat Naturæ beneficio, atq; ut eius, quæ principium est, perfectam habeamus notitiam, cum eius definitio in se motum contineat, idcirco hic inter principiorum libros collocandus est: de proprio enim affectu Naturæ atq; ipsius gratia, & beneficio in illo disceptatur. Quarto similiter eadem debetur inscriptio: quoniam ibi de Loco, Vacuo, & Tempore disputat Aristoteles, cum hæc consequantur motum, & eius proprietates dicantur. Quod igitur in quarto de accidentibus & proprietatibus Motus, qui est effectus Naturæ, differatur, & ita vniuersa hæc disputatio ad eandem spectet, eum pariter librū de principiis censeo inscribendum esse. Huic Quintus adnectitur, qui in eodē etiam numero reponi debet: quippe qui totus pendet ab vniuersali, & cōmuni Motus disputatione, quæ habita fuit in tertio: nam in quinto separat Motum à Mutatione, eumq; in proprias species distribuit, & quædā addit theoremata, quibus reliqua nos docet, quæ communiter res naturales & ea, quæ sunt in loco, & mouentur ad locum, consequuntur. Atq; hucusq; Philosophus, quatenus à Natura, oritur, & in naturalibus rebus existit & fluctuat, considerauit Motum. In vi. autem libro incipit eū secundum se, & veluti rē absolutam ac liberam à quocunq; naturali corpore contemplari: quod ea planè nobis ostendunt, quæ hoc in libro Motui secundum se considerato attribuuntur, quæ, ut in materia est, ad eum prorsus nequeunt accommodari. Quamobrem Sextus, Septimus, & Octauus de Motu inscripti sunt: in Octauo .n. licet de primo Mouente, quod

quod principium est, pertractetur: attamen quoniam ea ratione de eo agitur, qua respicit motum, qui tribus in ijs libris per se, nec amplius veluti effectus à Natura dependens consideratur, ideo de Motu inscribere debemus Octauum librū. Hanc eandē propè sententiam habere possumus in secundo Posteriorū libro, vbi ceteri Græci, & Alexander inter se digladiantur. Hic. n. cū de definitione agat Philosophus demonstrationis gratia, nil mirū videri debet, si etiā de demonstratio-  
ne eiusmodi liber inscribatur. Quod mihi si quis insteterit, pariter in hoc libro de Definitione per se (ut etiā ipse. constāter teneo) ac quatenus ea methodus est, quæ quæstionē quid est nobis explicat, ab Aristotele pertractari; huic respōdebo, adhuc eum librū sub demonstrationis nomine retinēdum esse, ea nimirum ratione, quòd Aristoteles Definitionis aggrediens disputationē, id effecit, quòd Demonstrationis doctrinā absolueret: & ita hæc prior de Definitione tractatio tota ad Demonstrationē refertur. Si verò deinceps in altera huius libri parte aggressus est Aristoteles ad explicandā nobis verā, & propriam methodum definiendi, id eum fecisse arbitror; quoniam occasionem nactus eam prætermittere noluit, ne aliàs id negotiū suscipere coactus esset. Atq; hic aliquando fuit mos Aristotelis, ut de aliqua re alterius gratia, nec principali differens intentione, de eadem deinde per se propriè, & exquisitè tractaret. Quod non modo in i. libro Posteriorum, sed etiam in i. i. Physicæ Auscultationis commentario exploratè, percepimus. Hic enim Philosophus quantum, ut dictum est, de Motu agat propter Naturæ notionem; adeò tamen solers, ac diligens fuit in Motus explanatione, ut nihil quidem præterierit, quod ad eius vim & naturam declarandam spectaret. Quamobrem alijs in locis, cum res postulat, iisdem semper vtitur disinctionibus, quæ Motus traditæ sunt in i. i. Physicorum. Sed longius fortasse digressi sumus quàm par erat. Hæc verò (quamvis casu, & fortuitu dicta sint) tacitus nullo modo potui silentio præterire; quod me aliàs hæc disputante Bononiæ in nobili Velatorum Academia, ea quibusdam doctis, & grauissimis vi-



ris pergrata fuisse perspexerim. Iam verò ad id reuertor, quod nobis secundo loco fuit obiectum. Licet enim Naturalis Philosophus de Deo Opt. Max. in libris de Anima tractet; non ob id tamen superuacanea est Diuina scientia: quippe quòd Deum non ea ratione, qua Deus est, verum qua Agens, & respicit intellectum Potentia, contemplatur; quemadmodum de eodem similiter sub primi ratione mouētis agit in viii. Physicorum Negauit autem Philosophus in primo de partibus Animalium, propriam, & absolutam Diuini intellectus disputationem ad Physicum pertinere. Quòd si adhuc vrgeas, Aristotelem in i i. de Anima proprie ac per se de Intellectu separato agere, cum in x i x. x x. q; contex. exacte, & perfecte naturam & substantiam Dei explicare conetur; hunc nodum eadem sanè ratione dissoluo: quòd ea assert Philosophus, quæ Agentis intellectus naturam declarant, ut eum à Potentia intellectu sciungat, cum prius in x i x. contex. initio adduxisset ea, quæ erant vtriq; communia. Quamobrem hæc etiam tota explicatio est grãtia intellectus Possibilis, ad eumq; refertur. Sed iterum queras à me, quòd istud fieri possit, ut loco adducto Philosophus inter Agentem, & Potentia intellectum discrimen statueret, cum in x i i. primæ Philosophiæ x v. contex. fateatur Auerroes, haud minus esse Naturalis Philosophi mortalis, ac semperternæ formæ differentiam ostendere? ac ei præterea, qui duo inter se diuersa monstrare velit, necesse sit, vtrumq; cognoscat, ut ex eo cap. de communi sensu in i i. libro collegimus? Naturalis igitur nouerit intellectum separatum atq; Diuinum; vel nulla erit ea distinctio, quæ inter hunc, & intellectum nostrum loco adducto statuitur. Porro ad hæc duo, quæ satis acutè & subtiliter dicuntur, ita respondeo, nempe sententiam Auerrois esse verissimam, cum propriè & absolutè diuinam formam contemplamur: sin autem hæc sub quauis alia ratione, atq; ut rem Naturalem respicit, à nobis consideretur, tunc Physicus potest inter eam, & naturalem formam ponere distinctionem. Et id egit hac de causa Philosophus eo in loco, de quo differimus: quippe qui Deum

Deum Opt. Max. non per se, & absolute, quatenus Deus est, sed ea ratione qua Agens, & ad intellectum nostrum refertur, considerabat. Quare dicendum est etiam (ut secundum nodum expediamus) Naturalem hic utrumque; intellectum perfecte cognoscere, sed Agentem agnoscere sub Agētis ratione, ac tanquam eum, qui ad rem naturalem, ad nostrum scilicet intellectum respectum semper habeat. Tertia autem principalis ratio eo diluitur, quod quanquam intellectus Agens, quem Deum asserimus, in nobis inest, suique; presentia phantasmata illuminat; attamen ut phantasmata loco non clauditur, nec locum mutat, cum nos è loco ad locum citemur; quoniam Deus ubicunque; est, ac, ut Poeta cecinit, Iouis omnia plena. Sanè dominator rerum, & omnia nutu regens Deus, ut res corporeæ, non circumscribitur loco; tamen si altera ratione (ut aiunt Theologi) is locum obtinere putatur, ubi eius actio præcipue nobis est manifesta. Quamobrem eadē penitus de causa, cum ubicunque; sit Deus & cuiusvis rei operationi semper adsit intersit, nunquam (ut ingeniosè docet Alexander) ad nos accedere, vel à nobis recedere dicetur. Siquidem in prima seminis effusione, cum per omnia permeet, & ubicunque; adsit intellectus *ἐν ἑσπερά*, ad nostri ortum assistit, ac menti nostræ intelligentiam deinde præstat, cum hæc ab eo illuminata phantasmata percipere valet; qui tamen phantasmata semper, ac perpetuò illuminat, cum eiusmodi illius sit sempiternum officium: quamvis nunc in me, cras in te, postridie in alio ea (ut familiari utar verbo latinorum) abstrahere videatur. Ex quo illud intelligis, quod à nonnullis quæsitum est, quemadmodum ab eiusmodi æterno principio novus proximè nunquam proficiatur effectus. Idem propterea intellectus Agens, nobis intereuntibus non recedit, sed remanet in corpore mortuo aliud istius opus adiuuans, & apud quancunque; rem & naturam diuinum suum & immortale collocans beneficium. Quartum similiter argumentum Averrois parum nos offendit: hic enim cum inquit, necesse esse, ut Agentem intellectum partem animæ nostræ constituamus; quoniam in no-

stra potestate situm est, cum volumus, phantasmata abstrahere, eaq; actu efficere intelligibilia, & omnis nostra actio à propria forma proficiscitur; huic respondemus, satis esse, si in nobis insit hæc virtus, qua rem tantam exequimur, & adsit animæ nostræ: intellectus quippe Agens in nobis est, tanquam sol, quo præsentē colores inspicimus. Ac summus, & omnia potens Deus cum omni tempore (ut paulò ante diximus) ubicunq; adsit, variaq; variis rebus munera largiatur, nil mirum, si nos cum volumus, illustrare phantasmata, hæc q; actu intelligibilia facere possimus: quoniam inter cuncta animalia hoc à Deo præcipuum, & peculiare in nos homines beneficium confertur, quod præclarum quidem munus & præstantissimum sic nos ab illo accepimus, ut cæteris animantibus omnibus longè præstamus. Cæterum hic illud aduertendum est, non ideo Agentem intellectum illustrare phantasmata, quòd ea intelligat, & cognoscat: quanquam hoc eum aliter non posse exequi, Simon Portius asseueravit, neq; enim Deus Opt. Max. ad phantasmatum, & caducarum rerum notionem descendit: sed duo habet munera in intellectu Agens; alterum quidem est, illustrare phantasmata, & hoc præstat sine ulla intelligentia phantasmatum, perinde ac Sol, qui colores illuminando eos non percipit, sed solùm efficit tales, ut actu à nobis videri possint. Alterum verò istius officium est se ipsum tantum intelligendi: quippe quòd eius intellectio est ipsius met actus, atq; substantia: qui nihilominus se ipsum intelligendo omnia pariter alia percipit, & cognoscit, sed longè nobiliori, & perfectiori modo, quàm ab alia quauis mente comprehendatur, & à nobis excogitari possit. Quamobrem neq; phantasmata, aut in eis latentes formæ Agentis effugiunt intelligentiam, cum ipse se ipsum tantum intelligit: sed nos illud asserimus, illuminatio nem phantasmatum non esse eorum notionem, nec media eius fieri intellectu. Ad id verò, quod Ioannes Grammaticus asserbat, facillè responderi potest: propterea quòd nò modò causa rerum est Deus, sed etiam effectuum, qui ab ipsis met rebus oriuntur; atq; ut prima causa, ad omnium re-



rum ortum concurrat ; quatenus verò Agens dicitur intellectus , phantasmata illustrando menti nostræ præstat intelligentiam . Sed iam attingo postremum caput, quod nos valde virgere videtur , & fortasse acutius inuentum est , quàm istud Recentiores quidam Philosophi potuerint explicare . Nunc profectò in difficili loco versamur : quoniam valde tritum , ac celebratum est illud axioma , Deum in terris nihil omnino agere absq; motu , & lumine corporum superiorum . Simon igitur Portius, quem aliquando parem summis Peripateticis iudico , hac in re veritatē olfescisse videtur : quippe inquit , adductam paulò ante sententiam in eis tantum formis, atq; virtutibus accipiendam esse, quæ à naturali materia recipiuntur : eam verò vim, qua phantasmata actu intelligibilia euadunt, in re materiata veluti in subiecto, minime recondi . Nos autem redeuntes ad eam comparationē, quæ à lumine desumpta est, atq; totius est huiusce rei fundamentum , apertius hunc locum explanare conabimur . Porro phantasma tamen non est naturalis materia; attamen materiale quidam existit. Quare cum sit ab omni materia separatus Deus , nihil profectò nec materiale, nec immateriale agere in eo poterit, cum materiale, & abstractum omnino inter se agere ac pati nequeant; quoniam communem non habent materiam . Sed enim cum supra dixerit Aristoteles, intellectum Agentem æquè, ac lumen esse ratione phantasmatum , asserendum est , nihil noui prorsus ab eo in phantasmata prouenire ; quid enim præstat lumen? hoc scilicet, quòd sua præsentia colorem solum actu visibilem reddit ; & id ea ratione efficit, quoniam color, cum ex opaco, perspicuoq; constet, hocq; ab altero obscuretur in tenebris, ut apparere nequeat, deinde lumen accedens ita splendore suo offundit opacum, ut perspicua pars fulgeat, ac sui speciem gignere, & oculum mouere possit . Nihil porro recens, aut materiale, vel immateriale lumen in colore efficit, sed hoc tantum ei largitur, ut actu videri queat, cum antea tale potestate esset . Quare lumen non est verum Agens, sed tantum agendi ratio, causa scilicet, qua color excitare oculum valeat.

Ita

Ita me hercle intellectus Agens non est verum efficiens, sed causa tantum, agendiq; ratio ipsi phantasmati: quoniam dū phantasma actu intelligibile reddit, nil materiale, vel immateriale in eo efficit: at solum materiales omnes conditiones, & appendices, quæ vniuersalem formam in phantasmate existentem obscurant, atq; impediunt, ne intellectum nostrum mouere possit, suo lumine, & præsentia sic offundit, & obruit, vt sola vniuersalis appareat forma, eaq; sui tūc specie intellectum Potentia ad intelligentiam moueat. Agens quippe intellectus est veluti quidam habitus, qui nihil operatur, sed alteri tantum rei causa est, ratioq; agendi. Iam verò, cum persæpe dixerimus, phantasma ab intellectu Agente collustratum sui specie mouere intellectum Potentia, notandum est, eiusmodi dictum non ea ratione accipiendum esse, quia phantasma intelligibilem formam in intellectum introducat: hic enim communis est loquendi vsus, sed aliter quidē se se res habet; quippe phantasma intelligibilem formam non inducit, sed eam sola præsentia, ex intellectu Possibili educit, in qua inerat potentia: quemadmodum. n. naturale Agens in materiā primā verè formam non introducit, sed ex illius potestate hanc deducit ad actum, ita propè euenit in intellectu Potentia: quippe qui, vt supra notauimus, omnium materia rerum intelligibilium dicitur, qui eas singulas potestate continet, & non actu, vt censuit Empedocles, qui simile ratione similis actu in anima percipi asseuerabat. Ita verò in nobis propriè gigni intellectionem, sæpe ostendit Aristoteles in iiii. de Anima commentario: quippe qui inquit in v. ac xiiii. context. intellectum nostrum potentia solum naturam habere, & eum esse intelligibilia omnia potestate: nihil verò actu existere, antequam intelligat. Deinceps in xviii. ac xxxvi. context. subiungit Philosophus, intellectum nostrum fieri omnia, & res ipsas euadere. Ex quibus quidem locis rerum species, ac formas minime in intellectu nostrum introduci; sed ex eius potestate ad actum deduci, nobis significatur. Cæterum, cum iam omnia ab soluerimus, quæ ad vtriusq; intellectus disputationem attingebant,

nebant, reliquum est, ut illud quod ultimo loco polliciti sumus, exequamur: & à Theologis nostris eam sententiam repetamus, quam nos CHRISTO vnico veri DEI filio deuoti, & fideles constanter tenere debemus; ac euertamus omnia fundamenta, quæ contra hanc esse videntur cùm Aristotelis, tùm aliorum veterum non differentium, at delirantium Philosophorum.

QVÆ SIT VERA CHRISTIANO HOMINI DE  
Humano intellectu mordicus affirmanda sententia, & quibus  
rationibus fundamenta euertantur Philosophorum,  
qui struxerunt mortalitatem.

CAP. XIII.



OS hucusq; perspeximus, quemadmodum Aristoteles, persistens in Naturæ principiis, eundem finem hominis, atq; rationem cum reliquis animalibus esse censuit: tametsi ita extulit hominem, ut ancipitem & naturam quandam mediam inter æterna & caduca eum obtinere voluerit: siquidem, cum istius anima è potentia materiæ educatur, eademq; dum illius destruitur subiectum, intereat, eandem prorsus aliarum caducarum & mortalium rerum sequitur conditionem. Cum verò præter sensum, & altricem animâ homo duplici intellectu sit præditus, quorum alter, qui dicitur Agens, ab omni materiæ concretionem & potentia segregatus est, atq; perpetuus, nullius omnino ortus, siue interitus capax; alter verò, qui Possibilis appellatur, non est item vllius certi corporis actus, & ideo rerum formas absq; materia cognoscere valet; immortalibus atq; beatis mentibus valde similis esse videtur: quanquam ab earum deinde multû recedat nobilitate: quòd hic intellectus Potentia absq; obiecto corporeo, nempe phantasmate percipere ne quicquam potest, semperq; in re singulari formam apprehendit vniuersalem: neq; alterum, quem Agentem vocauimus, veluti propriâ sui partem ac formam vnquam consequitur. Cæterum hæc



hæc Aristotelis opinio quàm lôge desciscat à veritate ita perspicuum est nobis, qui sacrarum literarum lumine illustrati sumus, ut nihil certius, nihil planè exploratius æternitate animorum nostrorum habeamus. Porro Deus Opt. Max. postquam virtute seminis constructum est humanum corpus (iam enim de primi parentis nostri corpore sermonem non habeo, quod nulla interueniente creatura proximè à Deo formatum est) nec non exorta est alendi virtus, atq; sentiendi, statim & proximè intellectum nostrum creat ex nihilo pulcherrimam sanè eius imaginem: nos enim mente, & nō corpore facti sumus ad exēplar illius, qui omnia genuit, principis Dei, cum in corporibus quædam potius vestigia efficiētis Dei, quàm veræ huius imagines, quæ speciei simulachra sunt, conspiciantur. Qui quidem altricis ac sentiendi animæ vires assumens (hæc enim subito ad eius aduentum euanescunt) corpori nostro, tanquam propria ac vera illius forma coniungitur, nec nō ab infinita bonitate sui ipsius Creatoris Dei illud consequitur, ut nullo deinde tempore interire queat, at mansurus sit æuo sempiterno. Humana enim mēs, cum sit forma simplex atq; subsistens, nempe (ut aiunt Theologi) per se esse, & operationem habeat, ex vlla vi materiæ, ac seminis proficisci nequit: sed necesse est, eam similiter propriè vereq; fieri à Deo Opt. Max. cuius omnino solius est creare illa, quæ absolutum habent esse. Hic verò ea nos valde non torqueant, quibus adductus ipsemet Aristoteles, ac plerique alii Naturales Philosophi crediderunt, animos nostros esse caducos atq; mortales, nempe quòd quicquid natum sit, etiam intereat, ac fieri non possit, ut forma simplex & immortalis multiplicata secundum numerum in pluribus indiuiduis reperiatur: quemadmodum etiam valde absurdum est, ut corpori caduco & fragili æterna forma iungatur, & illud informet; ac præterea, cum ex eo excesserit, è loco ad locum feratur, vel iterum rediens (nisi infinitum ætū admittere velimus) cum eo societatem coeat. Quibus hæc iterum duo quis addere posset, quæ trita & vulgata sunt in scholis Philosophorum, animos nostros à Deo proximè creari nequa

nequaquam posse, cum quia nihil Deus Opt. Max. infra lunam agit absq; motu & lumine coelestium orbium: cum verò, quoniam ex nihilo aliquid omnino fieri non potest. Hæc enim omnia ac cætera eiusdem generis, quæ incredibilia Philosophis, & absurdissima visa sunt, quippe qui potestatem Dei, & providentiam intuentes vtrinq; parum attigerint, ac acie mentis hebescentes veram amiserint diligentiam contemplandi; maximè credibilia atq; rationi consona sunt apud nostros Theologos, itaq; debent esse apud nos omnes, qui in gratia & spiritu, videlicet in nomine Domini Nostri Iesu Christi baptizati sumus. Atq; , ut istud magis appareat, omnisq; tollatur difficultas, & quibusdam labor minuatur Philosophiæ studiosis, firmissimis rationibus paulò ante iacta fundamenta nos euertemus: tametsi vna sanctissimorum Patrum auctoritas frangere debeat omnem insolentiam Philosophorum. Igitur cum velint isti animos nostros, quasi capite damnatos morte mulctare; quòd omne ortum necessario interire debeat, ignorant penitus duplicem esse rerum ortus, interitusq; rationem. Quædam enim cum per se non existât, sicut per accidens tantum fiunt, ita sanè per accidens quoq; delentur, qualia sunt accidentia, & omnes formæ in materiam immersæ, quæ cursu generationis, nempe ratione compositorum solum oriuntur, atq; intereunt. Nonnulla verò ex altera parte, quibus datum est, ut per se subsistant, quemadmodum nisi propriè, ac per se fieri nequeunt, simplici videlicet emanatione (nā vti iam licet sanctissimis verbis Theologorum) ita etiam nullo modo per accidens, suorum nempe subiectorum, interitu deleri possunt: cæterum, ut per se fiunt, ita etiam hæc per se interire necesse est, si tamen capacia sint vllius interitus. Et huius generis est intellectus noster, quem per se dicimus subsistentem esse substantiam: quoniam liber ac separatus est ab omni materiæ concretionem, nec inter operandum vllò indiget corpore; quod præsertim, ostendit, cum solutus est è compedibus corporis. Sed eiusmodi formæ per se subsistentes neq; etiam per se occidere possunt: cum enim isti per se esse con-

T ueniat

ueniat, sanè esse ab eis secerni non potest: etenim si vnquã esse desinerent tales formæ, ipsæ à se ipsis disiungerentur, quod omnino fieri nequit: siquidem hic res compositas ea solùm de causa asserimus deleri; quòd in ijs materies à forma disiungitur, cuius causa, nec per se dicebãtur existere; atq; hoc euenit ratione contrarij; quod cum nullum habeat mens nostra, ac ceteri diuini intellectus, sed puræ sint ac simplices formæ, vt dictum est, quæ proprio esse subsistunt, secundum naturam suam remanent immortales. Verùm hic siquis ambigeret, quì fieri pòssit, ut intellectus noster sit eadem numero res cum alendi, atq; sentiendi anima, & illæ nihilominus corpore intereunte remaneat; hæ uerò extinguantur; ad hunc respondemus, nos ea ratione vnã tantum actu animam, scilicet intellectum, in homine collocare; propterea quod vnus rei vna tantum est forma, à qua consequitur, vt vna sit & existat; ac ne plura in eo animalia, tanquam plures homines in Troiano Equo, ponamus. Intellectus igitur sentiendi uim et alendi secundum virtutem perinde obtinet, ac triangulus à quadrangulo continetur, & adhuc post mortem superest: quoniam cum secundum se immortalis existat, nec sentiendi nec alendi anima ab illo contentæ hanc auferre ei immortalitatem possunt. quæ quidem ab intellectu seiunctæ in reliquis animalibus mortales sunt penitus atq; caduæ: in intellectu tamen, quòd prius esset fons & origo earum actionum, virtute solùm remanent post interitum hominis; quanquam actu destructæ esse dicuntur, quoniam dissoluta sunt organa, sine quibus operari omnino nequeunt. Et si aliquando in sacris literis legimus, nos in altera vita vehementer latari, vel dolere tum poenarum, tum ratione præmiorum; nec non recordari ea, quæ hoc in seculo vidimus; eiusmodi dolores & gaudia in appetitu intellectus nostri, & non sensus, reponere debemus, ut etiã illius est ea benè vel malè actæ vitæ recordatio: non quia post mortem in intellectu præteritarum, ac singularium rerum memoriam remanere fateamur: sed quoniam ille tunc speciebus in eũ infusis à Deo reuerti potest ad notitiã rerum



rum præteritarum ; ad quas eiusmodi species vel ob antecedentem notionem , vel propter aliquem affectum , vel habitudine naturali , seu diuina virtute eum determinant , atq; ad illarum reuocant cognitionem . Sed iam videamus , quæ ad modum in reliquis etiam dictis , quæ sequuntur , valde peccarint antiqui Philosophi . Negant simplicem , & separatam formam secundum indiuiduorum numerum augeri posse , cum semper à materia talis oriatur multitudo . Atqui non videt isti humanam mentem , quanquam est omnis omnino materiæ expers , ex qua fiat , certam nihilominus habere materiam , quam informet . Ex quo necesse est , ut secundum eiusmodi materiæ diuisionem eam pariter multiplicatam videamus . Verùm hanc esse alicuius materiæ formam , quod tertium erat obiectum , modò probandum est : nam multitudo animorum nostrorum magis hinc etiam cõfirmabitur . Porro cum videamus , illud apertissime consequi , hominẽ non vnã & simplicem habiturum esse naturam , si eius forma non fuerit intellectus ; & ex altera conspiciamus partem , rationale veram esse hominis differentiam , qua hic distinguitur à cæteris animalibus ; ac præterea intellectum eum esse , à quo intelligentia prouenit , quæ est propria ac præstantissima hominis actio , & ea similiter , qua vltimum nobis propositum finem consequimur , qui in Dei Opt. Max. contemplatione versatur ; debemus constanter asseuerare , ipsum inquam intellectum veluti formam , cum corpore humano copulari : si quidem vera differentia semper à formâ rei deducitur , ut etiam propria rei actio , & proprius finis atq; perfectio ex eadem forma nascuntur . Atq; intellectus noster , quanquam est forma simplex ac per se subsistens , nihilominus cum à præstantia angelorum paulum recesserit , quod suo in ortu plenam à Deo rerum non acceperit cognitionem , sed eam sensus auxilio & phantasie consequi debuerit , operæ precium fuit , ut eiusmodi tẽperamenti , ac tot variis & pulcherrimis organis expolito corpori iungeretur . ita enim sanè humana species perficitur , & mens nostra paulatim supera petens constitutum sibi notionis finem attingit . quæ iccirco vi-

detur inter simplices ac separatas formas infimū gradum ob  
tinuisse, & in confinio positam caducarum rerum & immor  
talium. Intellectus verò noster, cum ceteris omnibus for  
mis, quę materiam informēt, quā longissimē præstet,  
quando iungitur corpori (quod nullo penitus medio corpo  
reo, vel incorporeo euenit) non adeo in materiam immergi  
tur, ut totus ab ea complectatur, quemadmodum accidit  
materiatis formis: sed fit ex natura propria corporis forma,  
cum illud vniuersum virtute sua regat & administret, eoq;  
inter operandum sæpe ac sapius vtatur: qui nihilominus in  
se purus simplexq; remanet, & solutus ab omni concreione  
materiæ: quoniam hic illud esse subsistens, quod per se ha  
bet, communicat corpori; vnde ex eo & corpore fit vnum  
simpliciter, nec totius esse compositi ab intellectu esse di  
uersum est. quare hic deinde corpore destructo adhuc rema  
manet incorruptus & immortalis. Sed quarto loco nobis  
occurrunt Humani sapientes: quippe qui non vident, qua  
ratione animus noster, cum fuerit secretus à corpore, moue  
ri possit, cum indiuiduus existat & incorporeus. Atq; hic  
error inde fluxisse videtur, quod res incorporeas, si moue  
rētur, æquē ac corpora motas iri existimauerūt. Atqui vtrifq;  
motus ē loco ad locum æqui uoca prorsus ratione conuenit.  
Quippe Angeli (& idem facilius censendum erit de animis  
nostris, qui minus nobiles sunt & illustres) quo pacto obti  
nent locum, ita similiter ē loco ad locū eos cieri dicimus. An  
gelos autem in loco esse asseueramus, non quia continean  
tur loco, eoq; circudentur, ut corpora: sed quoniam virtu  
te sua locum attingunt. Quamobrem iidem se se loco ad  
locum transferre videntur, cum alterum relinquētes locum  
se se ad alterum virtute propria applicant. Et quoniam An  
geli mouentur propria voluntate, ideo aliquando tardior,  
aliquando velocior est eorū motus, & aliquando continuus,  
aliquando vero non. Continuum sanē & in cōtinuo tempo  
re, dicimus, esse motum Angelorum: quoniam aliquando  
per successionem quādam, & medium ē loco ad locum se se  
virtute applicare possunt, qui in plures partes diuidiū sunt,

atq;

atq; continui, quare hæc oritur continuatio à partibus loci sibi succedentibus, quæ tanguntur à virtute beatæ mentis, & non eo quod diuidua siccus substantia, & mensuræ loci ac temporis subiiciatur. Iam verò cum ostenderimus motionis è loco ad locum expertes non esse animos nostros, videamus quæso, qua iterum ratione cum suis possint cõsociari corporibus. Pythagoras & Democritus, Empedocles quia etiam & Plato, nõ plebei quidem, sed maxime illustres Philosophi de hac re, ut ceteri, non vili sunt hæstasse; qui nihilo minus iacētes in tenebris resurrectionem corporum (iam. n. tritum est apud Christianos, & vsu mollium hoc verbum) apertè non cognouerunt: quippe qui decepti sunt arbitran-  
tes, vel eam ex tardissimo octauæ orbis circuitu, quem magnū nuncupant annum, vel ex vicissitudine Litis & Amici-  
ciæ semel atq; iterum proficisci; vel eundem animum non in idem numero corpus, sed tantum specie, & diuersum aliquando reuerti. Atheniensis verò Athenagoras hanc rem magis piè & religiosè, mea quidem sententia pertractauit. Neq; menti nostræ eam subtilius perspicendi, quàm fecerint Græci Philosophi, lumen sublatum est. Siquidem aliarum rerum circuitus, quos singulis diebus in hoc mundo cõspicimus, resurrectionē nostram imitari, eamq; nobis significare videntur. Lux enim solis, quæ quotidie quasi intereundo oculis nostris subtrahitur, & propè reuiuiscēs in oriēte iterum surgit, nec non virgulta & arbores, quæ accedente hyeme amittunt viriditatem, ac verno tempore in vitā quasi reuocatæ iterum virent ac frondesunt; ad hæc semina, quæ putrescendo moriuntur, ac pullulando iterum surgunt, quid mediū fidius aliud sibi velle videntur, nisi resurrectionem nostram, veluti exemplaria quædam nobis ostendere? Huiuscæ etiam rei ex eo nobis datum est signum, quòd omnes non modò in specie, sed in proprio etiam indiuiduo naturalitèr perpetuitatem appetimus, cuius me hercule desiderij compotes nos aliquando factos iri credendum est. Sed præter hæc, cum homo constet ex anima & corpore, & longè an-  
recellat omnibus rebus, quæ infra lunam à Deo creatæ sunt,  
necessum



necessum est etiam, ut præclarissimus ei finis fuerit constitutus, quem aliquando consequi debeat: nisi in re tanta velis aliquid frustra egisse, vel decreuisse totius mundi Opificem Deum. Ad hunc verò iam diximus finem pro creatum esse hominem, ut aliquando, si rectè prudenterq; vixerit, Deū Opt. Max. intuendo incredibili & infinita eius bonitate fruatur; vel in perpetuis iaceat angoribus & miseriis, si nefariā impuramq; vitam traduxerit. Qui sanè finis, cum in hac vita haberi non possit, nec solis etiam animis nostris segregatis à corpore debeatur; quoniam homo non est mens sola, vel corpus, sed verè ex utrisq; constat; atq; ut iis duabus compositis partibus vixit, & operatus est, iisdem similiter constans actionum suarum mercedem accipere, vel pœnas luere debet, necessum est, ut animi nostri cum corporibus iterum coniungantur, quò homo propositum sibi finem adipiscatur. Atq; iisdem numero animi cum iisdem corporibus numero copulari necesse est: quoniam idè numero debet homo creationis suæ attingere terminum, cum frustra à Deo effectus non fuerit; ac propterea quòd, nisi eadem resurgerent corpora, nec eosdem numero reciperent animos, hæc potius noua operis effectio esset, quàm resurrectio. Atq; hæc satis mihi videntur ad veterum Philosophorum ostendendam delirationem. Sed eiusmodi licet rationibus contra dicentes Philosophos resurrectionem nostram persuadere valeamus, cum rei sit naturalis, nempe hominis terminus: illud tamen addendum est, hanc à Natura, veluti à principio proficisci nequaquam posse: quippe quod nullum agens, vel patiens naturale principium in materia vita defunctorum corporum inuenitur, quod possit esse causa eorum resurrectionis. Sed eiusmodi effectus Naturæ vim excedit, & est valde mirabilis, solumq; oritur à diuina omnia potentis Dei virtute, qui quidem factus homo, ut hominis sanguine proprio sordes ablueret, cum post truculentam & acerbissimam eam mortem tertia surrexerit die, ratam & firmissimam nobis spem attulit nostræ resurrectionis: Christus enim ea ratione, qua Deus est, causa dicitur prima, ac ferè æquiuoca resurgendorum

surgendorum corporum : verum deinde quatenus Deus est,  
 & homo resurgens , causa est proxima & propè vniuoca no-  
 stræ resurrectionis , cum nos omne cœleste donum à Patre  
 omnium Deo media Christi humanitate capiamus . Quam-  
 obrem nulli vera resurrectione ante Christum resurrexerunt :  
 sed eos potius in hanc vitam reuocatos esse dixerimus , cum  
 ille (ut inquit Apostolus) sit primitiæ dormientium . Et quā  
 quam Christi resurrectio causa est efficiens , ut dixi , & exem-  
 plar nostræ resurrectionis ; boni tamen viri , & mali resurgē-  
 tes multum in ter se discrepabunt : nam resurgemus quidem  
 omnes : quòd omnes in naturalem vitam restituemur & om-  
 nis expertes interitus & dissolutionis adeò , ut nostra in po-  
 sterum corpora à nulla re vnquam dissolui potuerint : sed  
 non omnes immutabimur (ut inquit viua & sempiterna vox  
 Dei Paulus Apostolus) quia caro & sanguis regnum Dei pos-  
 sidere non possunt , neq; corruptio incorruptelam posside-  
 bit . Quare tantum boni cœlesti corpore & impatibili resur-  
 gent futuri semper tum in maximis , tum in æternis volupta-  
 tibus . Hæc autem nostra resurrectio vsq; ad huius mundi  
 finem differetur , quem ipsi Angeli , nedum nos homines ,  
 ignoramus ; ac stultum est nimisq; curiosum eū velle scruta-  
 ri : quòd nostrum non sit noscere tempora , vel momenta ,  
 quæ posuit pater in potestate sua . Tunc enim nouissimum  
 hunc diem videbimus , cum numerus filiorum Dei comple-  
 tus fuerit , ut à diuina eius voluntate decretum est . Et iccirco  
 statim Angeli à motu cœlestium orbium desistent , ad quos  
 nunc versandos præfecti sunt propter nostram in primis vti-  
 litatem , ac deinde propter aliarum rerum , quæ hîc fiunt ,  
 ortum & conseruationem . Et si quorundam sanctorum cor-  
 porum resurrectio minime producta est vsq; ad huius seculi  
 consumptionem , hoc ea peculiari gratia & privilegio à Chri-  
 sto obtinuisse fatendum est , sicut piè credimus Beatæ Virgi-  
 ni , ac Ioanni Euangelistæ fuisse concessum . Iam verò po-  
 stremam illam partem attingo , in qua Philosophi Deum  
 aliquid proximè agere , & ex nihilo quicquam fieri posse  
 negarunt . ij enim dum adhuc infans esset Philosophia , om-  
 nia

nia, quæ sunt, concreta, & corporea esse arbitantes, singulares tantum rerum causas singularium assignauerunt: ac eadem deinceps adolescente tandem ad primam & vniuersalem rerum causam peruenerunt. sed in utraq; harum contemplatione valde peccarunt gloriam & potētiam Dei Opt. Max. summopere imminuentes. siquidem hic vnus cum sit ipsum esse per se subsistens, quæcunque alia ea tantum ratione dicuntur existere, propterea quod tale esse aliquo modo participiant. Quamobrem, si qua sunt, quæ propriè habeant esse, ac per se subsistant, quales formæ sunt immortales ac separatæ, hæc à Deo proximè fieri necesse est: ipsum enim esse absolutum, cum sit effectus omnium maximè vniuersalis, & à nulla materia dependeat, à causa etiam maximè omnium vniuersali, quæ creat sine vlla subiecta materia, proximè oriri debet. Quamobrem illud axioma, Deum agere in hoc mundo inferiori medio motu & lumine corporum coelestium, solum concedi debet in iis, quæ propriè non fiunt, sed formæ sunt per materiæ commutationem, & è potentia eius educatæ, quæ sine ea existere nequeunt. Hic enim Deus in ortu & commutatione rerum, quæ materia & corpore coagmentantur, vtitur eius Angelis ministeriis, & motu, ac lumine coelestium orbium, qui ab eis voluntur partim tardissimè, partim velocius, partim celeritate mirabili. Simili porro ratione, cum inquirunt, ex nihilo animum nostrum à Deo creari non posse, cum ex nihilo nihil fiat, sed cuiusq; agentis necesse esse subiectam habere materiæ ex qua illud, quod in potentia est, deducat in actum; respondemus, hoc verum esse in corporeis effectibus, quæ via generationis, & conuersione materiæ ab efficiente etiam corporeo proficiuntur, vel ab eo, qui virtute corporea materiam commutando aliquid fabricatur. Nam præter hæc ea est actio, quæ sine vlla omnino, generatione & mutatione absoluitur, quæq; veteres latuit Philosophos: & habemus alteram efficientem causam, nimirum Patrem diuinum; hominumq; Deum, cuius actioni nulla vnquam materia subijcitur: sed constanter asseuerandum est, hunc omnia efficiere




cere ex nihilo, quæ facit. quicumq; enim aliquid facit ex alio quo, illud, ex quo facit ante actioni suæ supponit, nec illud ea efficit actione sicut artifex statuum format ex ligno vel ære, quæ prius à Natura effecta suscipit: & eadem Natura similiter ea, quæ agit, semper agit ex aliqua materia subiecta, cuius nec parens est, neq; procreatrix. Igitur si summus ac omnia arcens & continens Deus non ex nihilo, sed ex aliqua re subiecta semper res ageret, necesse esset aliquando ut illud, quod subiiceretur eius actioni, minime ab eo, sed ab alia causa profectum esset. quod adeo turpe est dicere, ut nihil quidem turpius dici, vel cogitari possit: omnia enim quæ sunt, à Deo veluti à causa omnium rerum vniuersali, supra orta esse probauimus. Quin immo prima materies, quæ quicumq; Naturæ actioni subiicitur, ab ipso Deo in initio mûdi simplici creatione emanauit: quamuis hic eam minime per se stantem, & omni priuatam forma, sed exornatam aliquibus formis, & sub eis latentem creauerit. Neq; verò aliquis hoc opus existimet vllam summo Deo indignitatem asferre: quoniam potius illius gloriam & potentiam mirum in modum extollit: quippe qui cum sit purissimus omnium & simplicissimus actus potuit, ac voluit vsq; ad illius rei creationem descendere, quæ à summa eius nobilitate ac præstantia quàm longissime distat, nobis ostendens, quemadmodum ab extremo ad extremum, nempe à perfectissima Angelorum forma vsq; ad materiæ primæ, quæ propè nihil est naturam imperfectissimam cuncta penitus ab eo creata sunt, & ab eodem pendent, ac conseruantur. Eiusmodi sanè ortus est, finisq; futurus animorū nostrorum, quicquid Hæretici, ac quidā Septentrionales pōpuli, impīi quidem atq; scelesti homines, aduersus sanctissima Romanæ Ecclesiæ decreta torrentis suis hodie comminiscantur. Quorum equidem nescio, an deplorare miseriam potius & calamitatem, vel tãtam eorum insolentiam ac impietatem execrari debeamus. Nam præter id, quod ij perditī homines Romanorum Pontificum authoritatem & laudem immunere audent, quos in terris veros Dei ministros esse certò scimus, & in ijs præcipuè

V summam

summam ac sempiternam Christi gloriam splendescere; magisq; indies augeri; conspiciamus, iidem omnia diuina iura, & humana peruertentes eam sibi delegerunt liberam viuendi rationem, quam non modò Christianus, qui Christi, & sanctissimorum hominum impressa vestigia atq; Romanæ Ecclesiæ diuino quidem spiritu administratę mandata optime nouit, abhorrere, multumq; reprehendere debeat; sed etiam Gentilis inanium deorum cultor maximè vituperet ac detestetur, ut pote quę pecudum & plantarum est propria, nec vllò pacto homini conueniens, qui rationis mentisq; compos existat. Verum hos in hac horribili cecitate sua relin-tes, si Sacrarum literarum lumen eis tam copiosè porrectum adhuc pertinaces & opiniosi respuerè velint, eisq; dignas tantę perfidię poenas minitantes, quarum iam signa in cœlo apertissima viderunt, persequamur nos Sanctę & Augustę Romanę Ecclesię religionem, sacroq; istius imperio & monitis vsq; ad mortem obedientes cunctas animi & corporis vires ad illud intendamus, vt dum priorem hanc degimus vitam, iustę & rectę, pieq; viuamus, & operemur; quò in nouissimo die, in vltimo momento, in istu oculi, in nouissima tuba non obscurissimis & ponderosis corporibus, & igni perpetuo tormentisq; subiectis, verum in claritate, in agilitate, in spiritu, & omnino impatibiles in virtute & gratia Domini nostri Ies Christi ad sempiternam gloriam & beatitudinem resurgamus.

FINIS.



INDEX RERVM, QVAE IN HOC  
praecipue opere notari possunt.

A

**A**ctus ab eo, cuius est actus,  
separari nequit. pagina  
26. a

Actio duplex. 72. b

Analogi contemplatio eiusdem spe-  
cicorum praecedat disputationem,  
24. a

Analogi consideratio a logico pra-  
termittitur, quia est artifex qui-  
dam crassus. 24. a

Angeli qua ratione dicantur mo-  
ueri. 24. b.

Angeli propria uoluntate mouen-  
tur. 74. b

Angelorum motus qua ratione con-  
tinuus est, & in tempore con-  
tinuus. 74. b

Angeli mouent coelum propter no-  
stram utilitatem, & aliarum,  
quae hic sunt, rerum, conserva-  
tionem. 76. a

Animalium notitia scopus est Na-  
turalis philosophiae. 20. b

Anima scientia cur ceteris & su-  
biecti nobilitate, & demonstan-  
di auspexa praestet. 21. b

Animae definitio secundum analo-  
giā praedicatur, & terminis ana-  
logis constat. 25. a

Anima una tantum numero est in  
homine, & sedem propriā habet  
in corde. 27. b 73. b

Animae potentiae non sunt acciden-  
tiae. 27. b

Animae partes loco & subiecto in  
ter se minime distinguuntur. 28. a

Anima humana ex Possibili Agen-  
teq; intellectu tanquam ex parti-  
bus ueris & proprijs non consti-  
tuitur. 45. b

Anima tota cum omnibus suis uiri-  
bus in foetu temporis membris ori-  
tur. 62. b

Anima omnis in semine uiri poten-  
tia continetur. 65. a

Aristoteles diuersam ab alijs me-  
thodum habuit philosophandi.  
Aristotelis inuenta & rationes ni-  
hil prorsus religionem ac fidē no-  
stram offendunt. 4. a

Aristoteles uniuersā philosophiā,  
logicāq; disposuit. 19. a

Aristoteles alterius uiae statu igno-  
rauit. 6. a

Aristoteles cur aliquando poetarū  
opinionem secutus fuerit. 67. a

Aristotelis fundamenta quomodo  
Theologorum rationibus euertan-  
tur.

B

Beatitudo hominis duplex. 42. b

Beatitudo suprema hominis, quae  
sit ex Aristotelis sententia. 42. b  
65. b



Beatitudo hominis vera quæ sit secundum fidem & religionem nostram. 66. a 75. b

Beatitudo humana quæ ratione ab homine comparari possit. 43. a

C

Cogitativa secundum simplicianos dat esse homini. 5. b

Cogitativa nulla habita fuit mentio ab Aristotele in suis libris.

10. a

Cogitativa reijcitur. 10. a

Causa efficiens qua ratione à forma distinguatur. 65. b

Causa efficiens duplex. 76. b

Christus est primitia dermicitium. 76. a

D

Democritus & Epicurus animam penitus interire putarunt. 12. a

Demonstrationes mathematicæ propter quid aliarum certissimæ dicantur. 22. b

De Definitione prius gratia Demonstrationis, deinde per se agitur in secundo libro posteriorum. 69. a

Dei cognitio qua ratione à nobis comparari possit uia naturali. 43. a

Deus quatenus secundum Aristotelem dicitur intellectus Agens à Naturali Philosopho consideratur. 69. b

Deus eodem authore quanquam in nobis inest, motis tamen nobis non mouetur. 70. a

Deus humanum intellectum proxime creat ex nihilo. 72. b

Diuini uox atq; diuinitas quid significant apud Aristotelem. 53. b

Deus est esse per se subsistens. 76. b

Deum agere in hoc mundo inferiori motu & lumine quomodo intelligatur. 76. b

Deo, dum agit, nulla materia subiicitur. 76. b

Deus à præstantissima natura angelorum usq; ad materiam primam omnia creauit & conseruat. 77. b

E

Esse effectus est maxime uniuersali, & ideo solum à Deo proxime oriri debet. 76. b

Ex nihilo aliquid fieri potest. 76. b

Esse à formis per se subsistentibus secerni non potest. 73. b

F

Formæ ex se neq; intendi, neq; remitti possunt. 12. b

Formæ uel subiecti, uel contrarij ratione intereunt. 15. b

Formæ una cum rebus oriuntur, atq; intereunt. 65. b

H

Habitus scientiarum in phantasia organo, ueluti in subiecto proprio fundantur. 16. a

Habitus intellectus nunquam uiuente homine destrui potest. 17. a

Habitus scientiarum quo modo in intellectu

Intellectu inesse dicantur. 34. b  
Habitus intellectus duo genera.

42. a

Hæreticorum prauitas uituperatur. 77.

Homo quare prius uitam plantæ, deinde animalis, tandem hominis degere dicatur. 61. b

Homo secundum mentem est imago Dei; simulachrum. 72. b

Homo ad quem finem fuerit creatus a Deo. 75. b

Homo non est mens sola, nec corpus, sed res ex utrisque constans. 75. b

Homo suarum actionum, uel penas luere, uel præmium accipere debet. 75. b

Homo omne cœleste donum a Deo accipit media Christi humanitate. 76. a

Homines boni ad sempiternam gloriam, mali uero ad perpetua tormenta resurgent. 76. a 77.

I

Ideæ non dantur apud Aristotelē. 10. b

Infinitem siue corporeum, siue incorporeum actu inueniri non potest. 4. b

Interpretes Aristotelis quare sæpe decipiantur. 3. a

Interpretis ueri munus. 3. a

Intellectum non esse unum numero in singulis hominibus probatur. 7. a

7. a

Intellectus noster non est intelligentia. 8. a

Intellectus noster absque phantasia nequicquam intelligere potest. 15. a

Intellectus noster secundum naturam propriam est pura solaque potentia. 15. a 29. b

Intellectus nostri substantia una eius potentia destruitur. 15. a

Intellectiua anima est substantia per se subsistens. 73. a

Intellectiua anima est uera hominis forma. 28. a

Intellectus quare ad numerum hominum diuidatur. 74. a

Intellectus nostri natura similitudine sensus declaratur. 29. a

Intellectus quare impatibilis dicitur. 29. a

Intellectus noster quomodo materiam primam intelligat. 30. a

Intellectus esse hominis formam probatur. 74. a

Intellectus noster est ualde similis primæ materiæ. 30. b

Intellectus noster quare particula dictus sit animæ. 31. b

Intellectus noster quare loco, manibusque similis, et species specierum dicatur. 32. b

Intellectus quare ratione actus corporis dicatur. 32. b

Intellectus noster actu existit beneficio animæ, cuius particula dicitur. 33. a

Intellectus quare simplex, immixtus,

stus, & separabilis dicatur.  
33. a -  
Intellectus in habitu, uel secundum  
actum qui sit. 33. b -  
Intellectus nunquam abiicit natu-  
ram potestatis, & semper indiget  
phantasmatibus. 34. a -  
Intellectus nullam habet corporis  
partem, quam informet. 34. b -  
Intellectus in habitu a quibus pos-  
sedeatur. 35. a -  
Intellectus cum est in habitu se ip-  
sum, intelligit, ut est pura sim-  
plexq; potentia. 35. a -  
Intellectus quo modo sub sensum  
cadat. 35. b -  
Intellectus quo modo singula fieri  
dicatur. 36. a -  
Intellectus quid sit obiectum pro-  
prium. 36. a -  
Intellectus quo modo singulare per-  
cipiat. 35. b -  
Intellectus triplicem habet intelli-  
gendi actum. 37. b -  
Intellectus non fallitur in simplici  
rerum apprehensione. 38. a -  
Intellectus nostri intelligentia qua  
a beatarum mentium intellectio-  
ne differat. 38. b -  
Intellectus quid primo cognoscat.  
40. a -  
Intellectus practicus & speculati-  
uus qui sit. 42. b -  
Intellectus possibilis natura pro-  
pria rem percipit intelligibilem.  
45. b -  
Intellectus possibilis naturalis si-

nis est hominis, et ab humani cor-  
poris temperamento proficiscitur.  
54. a -  
Intellectus quare simplex, immi-  
xtus. 57. a -  
Intellectus noster quomodo separa-  
bilis, non separabilis a reliquis  
partibus anima. 57. a -  
Intellectus noster est actu intelli-  
bilis sicut beatae mentes. 59. a -  
Intellectus noster non indiget intel-  
lectu agente, qui cum actu reddat  
intelligibile. 59. a -  
Intellectus noster quibus rebus cum  
agente conveniat, & quibus ab  
eo disiungatur. 60. b -  
Intellectus quomodo accedat ex-  
trinsecus secundum Aristotelem.  
63. b -  
Intellectus tanquam forma coniun-  
gitur corpori. 72. b -  
Intellectus noster a bonitate sui ip-  
sius Creatoris Dei accipit aeterni-  
tatem. 72. b -  
Intellectus humanus est forma sim-  
plex atq; subsistens, ac per se esse,  
& operationem habet. 72. b -  
Intellectus humanus nisi a Deo  
creari non potest. 72. b -  
Intellectus quomodo notionis finem  
atingat. 74. a -  
Intellectus diuini non carent omni-  
no materia et potentia reali. 47. a -  
Intellectus nullo medio corporeo,  
uel incorporeo iungitur corpori.  
74. b -  
Intellectus esse non differt ab esse  
compo



compositi. 74. b

Intellectus quomodo moueatur, e' lo  
co ad locum. 74. b

Intellectus secundum uirtutem con  
tinet sensum, & altricem ani  
mam. 73. b

Intellectus quomodo recorderetur in  
altera uita res praeiteritas. 73. b

Intellectus quare dicitur paulum  
recessisse a natura Angelorum.  
74. a

Intellectus agens est res omnino di  
stincta a possibili. 13. b

Intellectus agentis cum possibili co  
iunctio haberi non potest in hoc  
statu uita. 43. b

Intellectus agens quomodo illustret  
phantasmata. 45. a

Intellectus agens est similis lumini.  
45. a

Intellectus agens non uere agit sed  
solum est agendi ratio ipsi phan  
tasmatum. 45. a

Intellectus agens potius gratia in  
tellectionis quam phantasmatum  
tributus est nobis. 45. a

Intellectus agentis natura quae sit  
45. b

Intellectus agens opponitur possibi  
li. 45. b 46. b

Intellectus agens non est pars ani  
mae nostrae. 46. a b

Intellectus agens est Deus Opt.  
Max. ex Aristotelis sententia.  
47. a

Intellectus agentis disputatio gra  
tia intellectus possibilis habita

est in iii. Anima lib. 68. a

Intellectus agens perpetuo phan  
tasmatum illuminat. 70. a

Intellectus, agens phantasmatum  
non illustrat ea intelligendo.  
70. a

Intellectus agentis duo sunt mune  
ra abstrahendi, & se ipsum intel  
ligendi. 70. b

Intellectus agens quo ad quæstionē  
Quid est etiam a Naturali consi  
deratur. 69. b

Intellectio nostra semper aliquid  
temporis postulat. 39. a

Intellectus est duplex. 59. a

Libri physicorum primi quinque de  
principiis, reliqui tres de motu  
inscribuntur. 68. b

Logica duplex uniuersalis, & par  
ticularis. 23. b

M

Materiae disputatio formae tracta  
tioni antecedit. 21. a

Materia prima secundum naturam  
propriam obtinuit potentiam, re  
liqua uero per participationem.  
31. b

Materia prima a Deo simplici crea  
tione emanat. 77. a

Manus quare organum organorum  
dicitur. 31. b

Memoria passio est sensus non in-

Intellectus. 34. a

Motus in primis quinque libris Physicorum, quatenus a Natura oriatur, & in naturalibus rebus versatur, deinde vero secundum se in reliquis tribus consideretur. 68. b

Mens humana non habet materiam ex qua fiat, sed quam informat. 74. a

N

Naturalis Philosophus quousque progredi debeat in forma contemplatione. 53. a

Naturalis formam materialem a divina potest sciungere, dummodo sub physica ratione divinam consideret. 69. b

Naturalis etiam quid est separatae formae potest attingere, si eam sub ratione physica, nec absolute consideret. 70. a

P

Potentiae genus est duplex. 31. a

Potentia patiens est substantia. 31. b

Potentia realis, nedum logica reperitur in divinis intellectibus. 32. a

Phantasia, ac sensus indicium semper sunt in tempore. 40. a

Phantasma non proprie formam introduct in intellectum potentia:

sed ex illius potestate eam deducit ad actum. 71. b

Philosophia laudes. 49. b. 50.  
Princeps est minister & imago Dei. 49. a

Principes qui Philosophis delectati sunt. 49. b

Philosophi veteres gloriam, & potentiam Dei Opt. Max. imminuerunt. 77. a

Q

Quaestio quid est tam intellectus possibilis, quam Agentis in i. i. de Anima libro explicatur. 9. a

Quaedam ex se cum simplicem habeant naturam, intelligibilia sunt, at deinde ad intellectum nostrum relata, cum phantasmata sui non procreent, fiunt difficilia cognitioni. 59. b

Quaedam fiunt per se, quaedam per accidens. 73. a

R

Res caducae & materialiter ratione formae in eis reperiuntur sunt intelligibiles. 59. a

Res simplicesque naturae materiae ex partes sunt ex se, & actu intelligibiles. 59. b

Resurrectio vera corporum latuit antiquos philosophos. 75. a

Resurrectio nostra, quibus rationibus & coniecturis probari possit. 75. a

Resurre

Resurrectio debet fieri in iisdem  
numero animis & corporibus.

75. b.

Resurrectio est terminus hominis.

75. b.

Resurrectio à Naturali principio  
proficisci nequit. 75. b.

Resurrectio est effectus mirabilis,  
& à solo Deo proficisci potest.

75. b.

Resurrectionis prima causa ac fere  
æquiuoca dicitur Christus carara-  
tione, qua deus est. 75. b.

Resurrectionis causa proxima &  
prope uniuersa est Christus, quate-  
nus Deus, & homo resurgens.

76. a.

Resurrectione uera nemo ante Chri-  
stum r. surrexit. 76. a.

Resurrectio Christi causa est effi-  
ciens, & exemplar nostræ resu-  
rectionis. 76. a.

Resurgentes boni, & mali inter se  
ualde discrepabunt. 76. a.

Resurrectio usq; ad finem mundi  
differetur. 76. a.

Resurrectio, quando erit homines  
& angeli ignorant. 76. a.

Resurrectionis diem uelle scrutari,  
est nimis curiosum. 76. a.

Resurrectio corporum quando erit,  
r. finabitur cælum. 76. a.

Resurrectio aliquorum sanctorum,  
usq; ad finem huius seculi mini-  
me producta est. 77. a.

S

sanguis multus atq; purissimus  
causa est efficiens rectæ hominis  
figuræ. 54. a.

sensus & alitrix anima uirtute se-  
lūm remanente in intellectu post  
mortem. 73. b.

Semen à externo principio motum  
huius deinde uirtute gignit mem-  
bra conceptus. 62. a.

Semina & conceptus nondum solu-  
ti à utero alitricem animam, sen-  
sum, & intellectum potentia obii-  
nent. 62. a.

Sentiendi animæ prima perfectio  
dicitur extrinsecus proficisci.

64. a.

Separatio quædam animæ  
57. a.

Scientia in nobis oriuntur, atq; in-  
tereunt. 61. a.

Scientia de Anima non est media  
inter Naturalem atq; diuinam  
8. a.

Simon Portius reprehenditur. 32. b.

58. b. 59. a. 61. b. 63. b.

Simon Portius commendatur. 2. a.

Singulare ab intellectu etiam per-  
cipitur. 36. b.

Singulare ab intellectu comprehen-  
di demonstratur. 37. a.

v

vniversale physicū quid sit. 36. a.

vniversale logicum quid sit. 36. a.

X



Ego Frater Vincentius Spargatus Bononiensis Prædicatorij Ordinis, Vicarius Reuerendi Inquisitoris Bononiensis vidi, & examinaui hunc librum de Humano Intellectu, nihilq; in isto reperiens, quod Sanctæ Romanæ Ecclesiæ, et sacris Canonibus repugneret ac refragaretur, concessi Catholico Authori huius voluminis facultatem tradendi ipsum Calcographis imprimendum.

ERRORES, QVI INTER EXCVDEN-  
dum obrepserunt, sic corrigito.

pagina.	uersu	pagina	uersu
a' praestantissimi	a 26	quoniam hinc oritur,	
ab Aristotelia	5 a 31	ut modò	34 a 13
omnem	6 a 9	aliter fieri	37 a 16
progressa sunt	6 a 28	qua illi	37 b 6
in homine	6 a 35	immortales	37 b 27
gignatur	7 b 30	iam paria	41 a 38
Deum Opt: Max.	9 b 5	insteteris	41 a 30
ὁπὸ λῆψις	10 a 23	fluit, neq; gene	
ὁπὸ λῆψις	a 29	rationem	41 a 36
nullo modo	10 a 31	ex ijs caducis	43 a 34
inueniuntur	11 a 31	contra	44 b 8
progre <sup>d</sup>	12 b 1	propterea	45 b 28
nullo modo	12 b 10	ἐν ἐργείᾳ	47 a 30
colligere	12 b 34	et politiores	49 a 11
iunctam	15 b 30	eamq;	49 a 30
in homine	18 a 25	tantam	49 b 29
habitu	19 a 11	alia uis	50 a 9
inscripti sunt.	20 b 19	sui iuris	50 a 32
imperfectam	21 a 10	se obcæcari	50 a 30
cum ob	22 b 13	quam	50 b 35
ex utraq;	22 b 21	diuinam	54 a 4
definitio	23 a 19	quoniam	54 a 9
universales	24 a 17	enim tardiores	54 b 11
corpus esse	25 b 28	philoponus	55 b 34
explicandam. itaq;	26 a 2	grammaticus	56 a 2
separari	26 a 16	separabilis	60 b 2
ex his	26 b 35	interit	61 a 27
ἀναμέμειχ <sup>το</sup>		fortius	61 b 8
ἀναμέμειχ <sup>τος</sup>	28 b 11	præcipue	68 a 10
Aristotelis	33 a 24	parere	68 a 11
in intellectu	43 a 13		

# TABLE OF CONTENTS

Published by the Government of the State of New York

1912

1912

1. Introduction	1	1. Introduction	1
2. The State of New York	2	2. The State of New York	2
3. The State of New York	3	3. The State of New York	3
4. The State of New York	4	4. The State of New York	4
5. The State of New York	5	5. The State of New York	5
6. The State of New York	6	6. The State of New York	6
7. The State of New York	7	7. The State of New York	7
8. The State of New York	8	8. The State of New York	8
9. The State of New York	9	9. The State of New York	9
10. The State of New York	10	10. The State of New York	10
11. The State of New York	11	11. The State of New York	11
12. The State of New York	12	12. The State of New York	12
13. The State of New York	13	13. The State of New York	13
14. The State of New York	14	14. The State of New York	14
15. The State of New York	15	15. The State of New York	15
16. The State of New York	16	16. The State of New York	16
17. The State of New York	17	17. The State of New York	17
18. The State of New York	18	18. The State of New York	18
19. The State of New York	19	19. The State of New York	19
20. The State of New York	20	20. The State of New York	20
21. The State of New York	21	21. The State of New York	21
22. The State of New York	22	22. The State of New York	22
23. The State of New York	23	23. The State of New York	23
24. The State of New York	24	24. The State of New York	24
25. The State of New York	25	25. The State of New York	25
26. The State of New York	26	26. The State of New York	26
27. The State of New York	27	27. The State of New York	27
28. The State of New York	28	28. The State of New York	28
29. The State of New York	29	29. The State of New York	29
30. The State of New York	30	30. The State of New York	30
31. The State of New York	31	31. The State of New York	31
32. The State of New York	32	32. The State of New York	32
33. The State of New York	33	33. The State of New York	33
34. The State of New York	34	34. The State of New York	34
35. The State of New York	35	35. The State of New York	35
36. The State of New York	36	36. The State of New York	36
37. The State of New York	37	37. The State of New York	37
38. The State of New York	38	38. The State of New York	38
39. The State of New York	39	39. The State of New York	39
40. The State of New York	40	40. The State of New York	40
41. The State of New York	41	41. The State of New York	41
42. The State of New York	42	42. The State of New York	42
43. The State of New York	43	43. The State of New York	43
44. The State of New York	44	44. The State of New York	44
45. The State of New York	45	45. The State of New York	45
46. The State of New York	46	46. The State of New York	46
47. The State of New York	47	47. The State of New York	47
48. The State of New York	48	48. The State of New York	48
49. The State of New York	49	49. The State of New York	49
50. The State of New York	50	50. The State of New York	50





